

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

40 pes

Namba 894

Wik i stat long Fonde Ogas 22, 1991.

40 toea

## Ol Tolai inap lusim K150,000

No gat planti memba i kamap long palamen

Treid Pacific kampani i no baim ol Is Nu Briten seaholda long 1985 yet

**BERNARD MALADINA** i raitim

MOA long 60,000 pipel bilong Tolai long Is Nu Briten provins inap lusim nating moa long K150,000 sea long Treid Pacific (PNG) Pty Limited.

Dispela em kampani bilong wangepela biknem Tolai lida na wangepela bisnismen bilong Australia. Ol dispela lain pipel bilong Tolai i bin kamap seaholda bilong dispela kampani. Treid Pacific (PNG) Pty Limited i bin stat wok long mun Julai, 1985. Long dispela taim i kam inap nau, em i no givim wangepela winmani liklik long ol seaholda. Na tu i no gat ripot long wanem kain samting i wok long kamap long kampani.

Kampani i bin pasim olgeta wok bilong em long Is Nu Briten long dispela yia bihain long em i rausim olgeta 10-pela wokman. Em i muv i go long Mosbi long wanem em i painim hevi long ranim bisnis.

Ol rekot bilong kampani i soim olsem Treid Pacific i bin lusim bikpela mani tru. Long 1989, kampani i bin lusim K209,583.96 na narapela K527,752.04 long 1990.

Siaman bilong Treid Pacific kampani em man husat i save kamap oltaim long televisen na olpela seke-


teri bilong Foren Afeas, Sir Paulias Matane. Tasol Sir Paulias i bin lusim dispela wok long mun Me bihain long ol seaholda i askim planti na kain kain hevi i kamap long bisnis.

Na long nau yet, sampela dairekta bilong kampani i wok long tingting planti na i laik save long wanem as tru na bisnismen bilong Australia, Lyle Agnew i tokaut long Nesenel Kot olsem kampani i no gat mani moa bilong go het na wok. Bikos dispela man yet i bin tokaut olsem em bai ranim bisnis.

Olsem na ol i laikim praim minista na memba bilong Kokopo, Rabbie Namaliu long askim wangepela komiti bilong sekap long dispela aninit long Kampanis Ekt lo. Komiti i mas sekap long olgeta wok bilong Treid stat long 1985 i kam inap nau. Na sapos i gat sampela paul pasin, ol lain husat i mekim olsem i mas sanap long ai bilong kot.

Sampela ripot i kamap i tokaut olsem Agnew i laikim olgeta rekot bilong Treid Pacific i stap hait namel long menesmen na ol dairekta. Na em i tokim ol wokman na meri tu long no ken toktok o bekim askim bilong ol ripota. Olgeta dispela kain askim i mas go stret long em yet.

i go moa long pes 4



Ol birua kamap gutpren • Ning Opur em wangepela soldia bilong Papua Niugini Difens Fos na i save stap long Murray Bareks. Hia em i raun wantaim gutpren bilong em, Gingap husat i hangamap long nek tasol. Tupela i bin laik lukim ragbi lig pilai long las wik Sande long PRL. Poto: Sape Metta.

I GAT 32 memba bilong palamen i no kamap long namba wan de bilong kibung long Tunde apinun, 20 Ogas, 1991.

Na dispela i wankain tu long asde, namba tu de bilong kibung. Namba bilong ol memba i kamap long moning kibung i orait liklik, tasol long apinun i no gutpela. Spika i bin kam insait long semba long 2 klok na painim olsem kibung i no inap long go het bikos i no gat 37 memba long semba. Aninit long lo i mas gat 37 memba long semba pastaim long kibung i ken stat.

I no gat inap memba i kamap inap long hap pas tu (2:30 pm). Long dispela taim i gat samting olsem 50 memba tasol na olgeta sia i no gat man.

Tasol palamen i bin toktok long sampela ol bikpela senis long lo i lukautim ol nesenel ileksen. Ol senis bai kamap em long:

- ol man i mas gat ID kat pastaim long ol i resis;
- provinsal na nesenel ileksen i mas kamap long wankain taim; na
- rausim ol provinsal sia na kamapim moa open ilektoret.

Ol memba i stat long paitim tok long dispela ol senis long Tunde i kam inap long Trinde.

Memba bilong Samarai Murua, Jacob Lemeki i bin sanap long autim tingting bilong em long ol senis. Tasol em i lukim olsem i no gat planti

i go moa long pes 3

- Moa palamen ripot...pes 2
- Helt dipatmen laik kisim takis long olgeta sigaret kampani...pes 3



• PNG Helt Nius

- Pasin nogut bilong Lae kamap long palamen...pes 4
- Tupela grup paulim papa graun...pes 5

**RAGBI LIG SPESEL - 12 pes**

**Ol gren fainal ripot: LAE, MENDI, KUNDIAWA, WAGHI, HAGEN, MOSBI**

**YU NO INAP WINIM  
HILUX**



**TOYOTA**

**NAMBAWAN  
TRU LONG  
PAPUA NIUGINI**

**Ela Motors**

PORT MORESBY 22 9400 LAE 43 3655 RABAUL 92 1988 MADANG 82 2188 GOROKA 72 1844 MT HAGEN 52 1888  
WEWAK 86 2255 KAVIENG 94 2132 KIMBE 93 5155 TABUBIL 58 9060 VANIMO 87 1254 PORGERA 508203

MEMBA BILONG BURNS PHILP (PNG) LIMITED



## Ol welpam fektori bai stat long kantri

PAPUA Niugini i save salim planti welpam i go long ol narapela kantri. Tasol i no gat fektori long kantri yet bilong yusim welpam long wokim sop, wel bilong kukim kaikai na ol arapela samting.

Memba bilong Kandrian/Gloucester, Bernard Vogae i tok Wes Nu

Briten provins na Noten provins i save groim planti welpam na salim long ol narapela kantri. Ol dispela kantri i baim na wokim ol narapela samting.

Tasol em i laik save bilong wanem na gavman i no laik statim ol welpam fektori long kantri yet.



I no gumi nating • No ken ting em i balun nating.

Nogat. Dispela em kondom o gumi. Sista Dauwa Masere bilong Nesanel Kapitel Distrik i soim sais tru bilong wanpela kondom long Loloata ailan. Poto: Ivan Bayagau.

## Gavman oraitim baset bilong Is Sepik

KEBINET i oraitim pinis baset bilong Is Sepik long Mande.

Praim Minista Rabbie Namaliu i tokaut long dispela taim em i bekim tupela askim bilong memba bilong Ambunti/Drekikir, Judas Ankesim long Palamen long Trinde.

Ankesim i bin askim long wanem samting bai gavman i mekim long wokim nupela opis bilong provinsal gavman em paia i kukim long mun Me.

Provinsal gavman bai rausim sampela mani long dispela baset bilong wokim nupela provinsal gavman opis.

Ol plisman i holim pinis sampela lain em ol i ting i bin kukim dispela opis. Wanpela bilong ol em olpela primia, Bruce Samban husat i stap nau long Boram haus kalabus.

Ankesim i askim tu long wanem samting bai gavman i mekim long stapim ol hevi nau i wok long kamap namel long Maprik; Ambunti/Drekikir na Wewak haiwe.

Namaliu i tok em wantaim sampela sinia minista na lapun Sir Pita Lus i holim ol kibung long painim sampela rot bilong stapim dispela hevi. Ol plisman long Wewak i holim ol operesen long rot. Tasol dispela i hat liklik nau long wanem sampela lida i save karim ol gan long Irian Jaya i kam long PNG.

## Memba laik save long tok oraiti Diro i bin givim long CRA

PRAIM Minista Rabbie Namaliu i mas painimaut sapos Ted Diro i bihainim lo taim em i oraitim laisens long CRA long painim gol bilong Maunten Kare long 27 Septemba las yia.

Memba bilong Daulo, Gai Duwa jane i tok Diro i oraitim CRA taim em i stap namel tu praim minista Namaliu i lukluk raun long Amerika.

Duwabane i tok taim Diro i sainim agrimen pinis em i askim Gavana Jenerel Sir Serei Eri long putim mak bilong em tu. Tasol Sir Serei i no harim tok hariap bikos em i no laikim wanpela tok oraiti bilong Kabinet long agrimen pepa.

Memba i laik save sapos Praim Minista i sekap na painimaut olsem Diro i bihainim toktok bilong Maining Edvaisori Bod na go het long sainim agrimen. Na tu sapos em i tru olsem CRA i givim wanpela Amerikan Ekspres Akaun long Diro taim ol i sainim agrimen.

Praim minista i tok em i no save long dispela, tasol em i tok bai em i painimaut na tok save long memba long taim bihain.

Tasol long wankain taim tu, sampela papa bilong Maunten Kare nau i stap long Mosbi bai toktok wantaim menesing dairekta bilong CRA, Ian Johnson long sampela samting ol i no amamas long en.

Ol i makim ol lain wanpesis bilong Heli; Toanda/Tawins, Pujero, Landopa na Yolo. Ol dispela wanpesis i stap long boda bilong Enga na Sauten Hailans provins.

Mausman bilong ol papa graun, Undiabe Goboli i tok ol i no amamas longlan Johnson i tok olsem sampela grup bilong Enga provins i tok oraiti pinis wantaim CRA long kisim K2.45 milien long projek.

## Ilektorel mani bilong Noten rijon i go long we

LONG dispela wik, *Wantok Niuspepa* bai pinisim ripot long rot em ol memba bilong Westen provins na Noten rijon i yusim NDF mani bilong ol. Dispela em K50,000 ilektorel fan bilong 1989. Long las wik, mipela i bin lukluk long ol memba bilong Sentrel, Oro, Milen Be na Galp provins.


**WESTEN:** Kala Swokin (Westen Rijonal) putim sek namba 021285 Kiunga Westpac beng. Yusim mani long 97 projek. Las ripot i stap pinis tasol em i no givim yet beng na NDF ripot. Babadi Sawasi (Midel Flai) sek namba em 021254 na em putim long Indo Suez beng long Mosbi. No gat rekot bilong ol projek em yusim mani ya long en. Tasol em i gat ripot long beng bilong PM na NDF. Bob Bubec (Not Flai) No gat rekot bilong sek namba tasol em bin putim mani long Westpac beng long Tabubil. no gat ripot long ol dispela samting yet. Perry Zeipi (Saut Flai) no gat sek namba tasol em bin putim mani long PNGBC beng long Boroko. Em i tok em i yusim mani long 32 projek. Olgeta ripot i stap yet long sekim.

**IS SEPIK:** Sir Michael Somare (Rijonal) sek namba 021258. Yusim K49,600 long 77 projek. Las ripot i stap pinis tasol ripot bilong beng na NDF i no yet. Judah Akesim (Ambunti/Drekikir) sek namba 212687. Em Yusim K49,977 long 79 projek. Em i no givim yet olgeta ripot. Philip Laki (Angoram) na sek namba 021021. Givim olgeta long 43 projek. Em i no givim yet olgeta ripot. Sir

Pita Lus (Maprik) sek namba 021242. Yusim K49,800 long 26 projek. Olgeta ripot i stap pinis. Bernard Narokobi (Wewak) sek namba 021244. No gat ripot long projek na wok bilong em. Paul Wanjik (Wosera-Gawi) sek namba 021234. Em i no givim ripot. John Wauwia (Yanguru-Saussia) sek namba 021289. Yusim K50,600 long 66 projek. Putim mani long Westpac beng long Wewak. Olgeta ripot i stap.

**MADANG:** Tom Pais (Rijonal) sek namba 199182. Yusim K49,468.62 long 8-pela projek. Sampela ripot i no kamap yet. Paul Kamod (Madang) sek namba 021037. Yusim K48,032.50 long 73 projek. I no givim yet olgeta ripot. Tim Ward (Bogia) No gat pepa. Samuel Pariwa (Rai Kos) sek namba 021268. No gat ripot i kamap yet. Galen Lang (Sumkar) sek namba 021208. No gat rekot. Theo Tuya (Usino-Bundi) sek namba 199180. Yusim K49,931 long 55 projek. Olgeta ripot i no pinis yet. James Yakip (Midel Ramu) sek namba 021270. No gat rekot.

**MORobe:** Utula Samana (Rijonal) sek namba 021204 na i no Yusim mani bilong fan. Mathew Bendum (Bulolo) sek namba 021259. Yusim mani long 87 projek. Liklik ripot tasol i kamap. Henu Helsingut (Finsafen) sek namba 021211. Yusim K50,900 long 26 projek. Ripot bilong em i no pinis yet. Ben Garry (Huan Galp) sek namba 021202. Em i no kisim mani.



Mendi i drai olgeta • Bikipela san i bin kukim Sauten Hailans long las mun. Na long planti hap, ol wara i dral nabaut. Long Mendi Riva, olgeta wara i pinis. Long bipo, mak bilong wara i save go antap klostu long bris.



**MOSBI:** Ol plisman long Mosbi i holim pinis wanpela raskol husat i bin ranawe long Baisu Haus Kalabus long Westen Hailans provins.

Ripot i tok dispela man kalabus bihain long em i mekim pasin nogut long ol meri na stilim ol samting em. Nem bilong man ya em Bill Gabi Kove. Em i gat 31 krismas na em i bilong Babaga viles long Kwikila, Sentrel provins.

Ol plisman i holim Kove long ples bilong em long Fraide apinun. Long wankain taim tu ol plisman i holim 6-pela narapela man husat i kilim nating wanpela man long Mosbi yet. Nau long dispela taim ol plisman i painim yet ol arapela man husat i stap wantaim long kamapim birua.

• Ol plisman i holim tu wanpela raskol husat i kamapim planti trabel tru long Is Sepik provins na bihain em i ranawe i kam long Mosbi. Ol plisman i holim em long las wik long Rigo na Abau eria bilong Sentrel provins.

Nem bilong man ya em Gary Gawi na em i gat 29 krismas. Gary i bilong Japenot viles. Ripot i tok Gary i traime long kilim wanpela bisnis man taim em i stap long Moroguina eria.

Ol plisman i tok taim ol i kamap long haus bilong Gary ol i painim em Gary i slip wantaim wanpela liklik baibel.

Ol plis tok tu olsem Gary i gat rekot nogut long Wewak na Mosbi wantaim.

Na ol plis i wok long bihainim em long longpela taim tru tasol ol i no holim em. Gary nau i stap long sel na bai kamap long kot na kot yet bai sasim em.

• Long Tunde 20 Ogas, ol plisman i holim wanpela yunivesiti studen.

Plis ripot i tok memba bilong Wapenamanda, Masket langalio i bin givim wanpela sek wanpela studen nem bilong em Taiya. Em i tokim Taiya long yusim dispela mani em inap olsem K1,500 long baim skul fi bilong em.

Tasol taim Taiya i go long beng em i rausim K1,500 na srukim i go antap long K7,500.

**LAE:** Seketeri bilong Dipatmen bilong Morobe, Manasupe Zurenuoc i nau i stap long bikipela pret. Ripot i tok planti man nabaut insait long Lae siti i bin ringim em na pretim em.

Dispela samting i bihainim wanem samting nau provinsal gavman i mekim long rausim olgeta setelmen long Lae. Zurenuoc i tok bikos long dispela em i no tokaut long telefon namba bilong em long haus. Em i tok ol man tasol i save em ol famili bilong em stret na ol bikman bilong gavman.

Surenuoc i tok nau yet ol manmeri long ol setelmen i kisim samon pepa long kot long stapim Morobe provinsal gavman long rausim nating moa pipel long ol setelmen.

Samon pepa i tok Zurenuoc i mas kamap long kot. Na ol lain long setelmen nau i kisin pinis wanpela loya bilong Kundiawa long pait long ol long taim bilong kot.

Ol setla i kotim gavman tupela taim pinis. Na dispela em i namba tri taim ol i mekim. Na long dispela taim tu i gat strongpela sekyuriti long haus bilong Zurenuoc. Ol plisman tu i sambai tasol long lukautim ol samting bilong gavman nogut ol manmeri long setelmen i straik.

**MT HAGEN:** Ol plisman i holim pinis wanpela man husat i helpim wantok bilong em ranawe long kot haus. Justis Wood i kalabusim Anikur long 9-pela mun long mekim dispela samting. Long wankain taim tu Jastis Wood i askim ol pipel long helpim lo long mekimsave long ol bikhet man.

Jastis Woods i tok planti man i save kamap long kot haus long Hagen bikos ol i laik helpim wantok bilong ol long ranawe. Em i tok Anikur i pretim wanpela plisman long holim pasim wantok bilong taim em i ranawe. Taim Jastis Wood i sasim Anikur em i tok kain man olsem Anikur i stap olsem na planti hevi bilong kot i stap yet.



### Nupela taun i go long Porgera gol



• Tripela papa bilong graun, Kungurin, Anga Kiyu na Angyelni i givim bilas wantaim ol spia na bunara i go long Graham Taylor.

TRIPLETA lain wanpisin husat i papa long hap graun em nupela taun bilong Paiam long Porgera i sindaun long en i givim pinis dispela hap graun i go long gavman.

Bung bilong ol papa graun long givim taun i go long gavman i bin kamap long 3 Ogas, 1991. Na moa long wan tausen (1,000) pipel i bin kamap long lukim dispela bung. Bihain long ol papa graun i givim taun na graun i go long gavman, ol i wokim bikpela pati na kilim 5-pela kau, 33 pik na 200 kakaruk. Ol papa

graun yet i bin redim kaikai bilong dispela pati.

Na gavman i bin givim nupela Paiam taun i go nau long han bilong Porgera gol main. Ol lida bilong tripela papa graun i bin givim taun i go long zon kodineta bilong Porgera, Graham Taylor. Long dispela taim, ol i bin givim tu wanpela bilas bilong het na sampela spia wantaim bunara bilong makim gutpela wok bung wantaim namel long kampani na ol pipel.

### Helt dipatmen laik kisim takis long olgeta sigaret kampani nau

HELT Dipatmen i laik kisim takis long ol kampani i save salim na wokim sigaret long kantri.

Dipatmen bai yusim dispela mani long skulim ol manmeri long birua smok i save kamapim.

Minista bilong Helt, Gerald Beona i autim dispela tingting taim em i tok tok long Wol No Tobako De long 31 Me.

Dipatmen i ken mekim dispela aninit long wanpela bodi em ol bai kolim olsem Papua Niugini Helt Promosen Faundesen. Dispela faundesen i kamap aninit long lo i lukautim ol kain kain sigaret bilong 1987.

Minista i tok wankain samting i kamap long Viktoria, wanpela provins bilong Australia. Gavman

bilong Viktoria i kamapim dispela aninit long lo i lukautim ol kain kain sigaret. Na dispela i save bungim K28 milien bilong provins. Na provins i yusim mani long skulim ol manmeri long birua bilong sigaret.

Narapela bikpela tingting bilong dispela tu em long stapim ol kampani long putim ol tok save bilong sigaret long ol niuspepa wantaim ol redio na televisen. Gavman i laik stapim planti ol tok save i save kamap long ol kain spot olsem ragbi lig.

"Mi bilip olsem sapos gavman i laik skulim tru ol manmeri long ol birua bilong sigaret long kantri, em i mas bihainim kain rot em gavman bilong Viktoria i mekim long en.

Beona i tok.

## Kot bilong Diro bai go het long tude

PABLIK Prosekyuta i laik sapotim Lidasip Traibunel long kot bilong olpela namba tu Praitim Minista Ted Diro tasol Nesenel Kot i rausim aplikesen.

Jastis Hinchliffe i tok em i no stret tumas long pablik prosekyuta i makim ol memba bilong lidasip traibunel. Ol memba bilong Traibunel em Robert Mellor, Silas Samuel na Jastis Anorid Amet olsem siaman.

Loya bilong Diro i bin apil long kot long Mande olsem olgeta memba bilong traibunel i mas pinis. Dispela long wanem em i tok siaman, Jastis Amet i save long Jastis Barnnet em komisina bilong wanpela wok painim aut bilong fores we planti ol sas bilong Diro i kam long en.

Nesenel Kot i orait long aplikesen bilong Henao

na kot bai kamap long harim dispela. Tasol mausman bilong pablik prosekyuta, Sarea Soi i tok wok bilong pablik prosekyuta long sasim Diro long ol samting i kam long Fores Enkwairi. Soi tok em i mekim dispela aplikesen i bihainim askim bilong Seketeri bilong Jastis.

Tasol loya bilong Diro, Loani i tok pablik prosekyuta i gat sampela laik long wok bilong traibunel olsem na em i laik helpim ol. Em i tok pablik prosekyuta i wanpela long ol dispela lain i sasim Diro.

Henao i tok long stapim ol kain samting i kamap olsem pablik prosekyuta bai i wok wansait, i gutpela long prosekyuta i noken suvim het bilong en long dispela kot na sapotim ol memba bilong traibunel.

## Nupela NIO opis bai pulap long ol masin

GAVMAN nau i wok long ol plen bilong wokim nupela opis bilong Nesenel Intelijens Oganaisesen (NIO).

Dispela i kamap bihain long paia i kukim olpela opis long 1988. Praitim Minista Rabbie Namaliu i tok gavman i putim NIO tasol long wanpela hap inap ol i wokim nupela opis.

Em i tok nupela opis bai i gat ol kain kain samting we opis i ken yusim long was long

kantri. Em i tok dispela em wanpela bikpela samting tru na gavman i mas stretim.

NIO em wanpela han bilong gavman husat i wok long lukautim kantri. NIO i save ripot long gavman long wanem kain ol hait pasin i kamap long kantri na wol. Ol kain samting olsem sapos Indonesia i laik tekova long PNG, NIO bai save pastaim long wanem samting i kamap.

## No gat planti memba i kamap long palamen

i kam long pes 1

memba long semba. Em i tok i luk olsem planti memba i no wari long ol senis palamen i laik kamapim long ol lo. "Taim ol memba i kamap long semba i soim olsem yumi i no wari long ol senis i kamap long ol lo bilong yumi."

Em i tok planti memba bai kamap long kibung taim vot i no gat bilip i kamap. Em i tok i luk olsem ol memba i no wari long ol senis bai kamap long ol lo bilong helpim sindaun bilong ol pipel long kantri.

Ol memba inap vot na oraitim ol dispela senis, tasol i no gat inap memba long semba. Palamen i pasim kibung bilong en long asde long 5 klok apinun.

Ol memba i no kamap long kibung long Tunde em 20 memba:

- |                    |                      |
|--------------------|----------------------|
| Akoka Doi          | Ijivitari MP/Fiseris |
| Albert Kero        | Minista, Ekting      |
| Albert Kipalan     | namba tu PM na       |
| Allen Ebu          | Pablik Sevis Minista |
| Aron Noalo         | Mosbi Saut           |
| Avusi Tanao        | Wabag                |
| Benson Garui       | Kikori               |
| Bill Ninkama       | Galf                 |
| Christopher Sambro | Kainantu             |
| Daniel Iru         | Oro                  |
| Henu Hesiungit     | Gumine               |
| Fr. John Momis     | Nuku                 |
| John Numi          | Kerema               |
| Johnson Maladina   | Finsafen             |
| Joseph Aoa         | Bogenvil             |
| Masket langalio    | Sinasina             |
| Meli Lapasing      | Yongamugi            |
| Memel Pohel        | Manus                |
| Michael Ogio       | Not Bogenvil         |
| Paul Pora          | Fainens Minista      |
| Paul Wanjik        | Westen Hailans       |
| Pawa Sisioka       | Wosera Gawi          |
| Peter Kuman        | Karamui Nomane       |
| Philemon Embel     | Simbu                |
| Phillip Laki       | Nipa Kutubu          |
| Raphael Bele       | Angoram              |
| Roy Yaki           | Sentrel Bogenvil     |
| Samuel Pariwa      | Ialibu Pangia        |
| Ted Diro           | Raikos               |
| Thomas Neginta     | Sentrel provins      |
| Wap Yawo           | Thomas Neginta       |
| William Ank        | Tambul Nebilyer      |
|                    | Vanimo Green         |
|                    | Mendi                |



Klinim Hagen taun • Mara Fil i save wok wantaim Hagen taun atoriti. Na em i save wok 7-pela aua long olgeta de bilong klinim Hagen taun. Sapos dispela man bilong Sauten Hailans i no stap, Hagen i no inap klin. Foto: Alphonse Pu.

## Lae na Mosbi kefiu bai pinis long Septemba

NESENEL Eksekyutiv Kaunsil (NEC) i skruim taim bilong kefiu long Mosbi na Lae i go moa inap long 27 Septemba.

Kefiu long Mosbi i bin pinis long Tunde nait na long Lae bai pinis long Mande neks wik. Tasol NEC i makim taim bilong kefiu long pinis long tupela senta wantaim long wanpela taim tasol.

Na ol taim long Mosbi pastaim i stat long 10 klok i go inap long 5 klok nau bai stat long 11 klok na pinis long 5 klok. Na long Lae i wankain.

## FRI BAIBEL KOS YU KEN KISIM SKUL LONG SALIM PAS

Salim nem na edres long: WORLD BIBLE SCHOOL, Dept. VD22, P.O. Box 9346, Austin, TX 78766 USA

**TORO**

TORO GO LONG WOKS AN SAPLAI OKSEN SEL... EM LAIK GO SIAMANIM OL MAN OLSEMEMI GAT MONI LONG BAIM KA...

**NAU MAN BILONG OKSEN SEL I SINGAIT LONG OL PRAIS...**

HISAIT I LAIKIM DISPELA LAPUN MODEL HI-LAKS?... EM I GAT GUTPELA BODI NA EN-SINI NAMBANGAN TRU...

MI LAIKIM!! MI GO LONG K20 PASTAIM!

TORO I STATIM LONG K20.

**WANPELA MERI I SALEN-SIM TORDO LONG PRAIS...**

MI GO LONG K60!

K80! K200! K300! K400! K500! K900!

**TUPELA I MEKIM OLSEM I GO NA TORO I WINIM EM LONG K1,000...**

K1,000!

MASKI!... MONI I PINIS... CIVIM KA LONG MAN YA!

**NAU OLGETA MANMERI I TING TORDO BAI BAIM UTILITI LONG K1,000.. TASOL NOGAT, EM NOGAT MONI YA...**

K1,000! YU WINIM UTILITI LONG K1,000 STRET!.. KARIM MONI I KAM NA BAI CIVIM KEY BILONG TRAK LONG YU!

ER.. BRO.. MI.. ER.. CIAMAN TASOL.. MI.. MI NOGAT MONI TRU YA... BAS FE TASOL YA...

OLGETA KIRAP NA RAUNIM EM..



# WANTOK

NIUSPEPA BILONG OL PAPUA NIUGINI STRET

## Hangamapim ol stilman ya

BIKPELA lain liklik bisnismen na meri bilong Tolai long Is Nu Briten provins bai lusim nating mani em ol I balm sea long Treid Pacific(PNG) Pty Limited. Na dispela em kampani bilong ol biknem lida na pipel bilong kantri.

Dispela ripot i soim ples klia tru wanem samting ol lida na bikman i save mekim long ol liklik bisnismen na meri o grasrut nating bilong ples.

Gavman na olgeta lain husat i gat pawa i no ken larim ol dairekta na bikman bilong dispela kampani i ranawe na go lus nating. Toktok na kra i bilong ol pipel na sampela dairekta long wok painimaut i gutpela. Memba bilong ol Rabbie Namaliu i mas harim tru singaut bilong ol pipel bilong em na makim wanpela komiti bilong mekim wok painimaut long dispela Treid Pacific.

Sapos ol wok painimaut i go olsem wanem, olgeta lida na bikman bilong dispela kampani wantaim dispela waitman bilong Australia i mas kamap long kot.

Long kristen bilip na pasin, dispela em i stil pasin. Na long kain bilip bilong ol Juda na tumbuna bilong yumi long Hailans na Niugini sait, trabelman bai go stret long matmat. Bikos em i stil long ol lain husat i no gat planti na i laik traim painim rot bilong winim moa.

Olsem na i mobeta long wanpela strongpela komiti i kamap na painimaut long mani bilong ol pipel em dispela giaman kampani i kamap long Rabaul na stilim. Nau em i kam stap long Mosbi tasol i mobeta long sanapim olgeta long kot pastaim.

# Ripot bilong pasin nogut long Lae kamap long palamen

## SAM VULUM i raitim

OL plisman na ami i lukautim wok bilong kefiu long Lae i no mekim gut long ol manmeri long siti.

Memba bilong Huon Gulf, Ben Garry i tok em i save long klos ripot olsem ol plisman na ami i tokim ol manmeri long rausim ol samting bilong ol long pablik ples na mekim ol kain kain pasin nogut.

## Tripela man i dai long Sauten Hailans

TRIPLELA man i bin dai na planti samting i bagarap long wanpela bikpela pait insait long Sauten Hailans long dispela wik.

Dispela pait i kamap namel long ol lain wanpasi bilong Koin na Warkia. Pait i stat na i stap inap long foapela de bihain na ol plisman plis i stapim. Tasol tingting bilong pait i stap yet na ol plisman i pret olsem nogut pait i kamap gen.

Pat i kamap bihain long wanpela ka em ol i bilip olsem wanpela man Koin i draivim i bamim wanpela liklik manki bilong Warkia. Ol lain bilong Warkia i kirapim pait wantaim ol Koin na kilim wanpela man bilong Koin. Ol Koin i pait strong na kilim tupela bilong Warkia.

Ol kain samting olsem gaden, haus na kopi diwai i bagarap. Planti long ol dispela samting i bagarap em long sait bilong Koin wanpasi.

Ripot i tok i gat 20 plisman nau i stap namel stret long tupela wanpasi long stapim pait. Na plis bai i stap long eria inap tupela lain i kam bung wantaim gen.

Garry i tok ol plisman na ami i no mekim gutpela wok na planti komplek tru i bin kamap. Em i askim Plis Minista bilong wanem na dispela kain samting i wok long kamap.

Ijape i tok em i no save kain samting olsem i wok long kamap, tasol em i kirap nogut taim em i lukim stori na komplek bilong meri i kamap long niuspepa long Tunde.

Em i tok em i askim Plis Komisina, Ila Geno na ol bikman bilong plis long Lae long

mekim wok painimaut i go insait long ol dispela komplek. Na em i tok sapos ol i painim sampela plisman na ami i wok long mekim dispela bai ol i no gat sori long ol. Ol bai rausim ol stret long wok.

Garry i tok tu olsem sampela ol kendidet i laik resis long 1992 nesenele ileksen i wok long givim ol gan long ol raskol long sutim ol memba nau i stap long palamen. Em i tok ol sampela man i tok lukaut long em pinis olsem

sapos em i go bek long Lae bai ol i kilim em.

Em i askim wanem kain lukaut bai plis i kamapim long stapim dispela kain samting. Ijape i tok Plis Komisina i redim nau ol plen bilong nesenele ileksen. Plen i tokaut long wanem samting bai ol plisman i mekim long taim bilong ileksen.

Na em i tok plis bai lukautim gut husat memba i ripot long wanem plis stesin i stap klostu long em.



• Ol provinsal niusman na meri husat i save kisim stori bilong Wantok na Times niuspepa long ol provins. Ol i bin kam long Mosbi bilong stap insait long wanpela kos bilong ol las wik. Foto: Ivan Bayagau.

## Ol grasrut Tolai lusim K150,000 long Treid Pacific

i kam long pes 1

Agnew i bin tokim Sir Paulias long 6 Me olsem planti seaholda bilong kampani i wari nau na i laikim gen mani bilong ol. Na long tingting bilong em, dispela i kamap "bikos Papua Niugini i wok long painim bikpela hevi nau na strong bilong kina tu i pundaun. Na dispela i bin mekim kampani i lusim K100,000".

Agnew i bin tokim bod bilong ol dairekta long 5 Jun olsem em i no stap long lo long askim kampani long givim bek mani bilong ol seaholda. Ol rekot bilong kampani i soim ples klia tu olsem Treid Pacific i bin lusim moa kibg K100,000. Na nau em i wok long traim kirapim gen ol bisnis long Mosbi aninit long nupela menesa bilong kantri India, Wilson David.

Taim Treid Pacific i bin lusim Is Nu Briten na go long Mosbi, sampela dairekta bilong kampani i komplek long dispela. Na ol i laikim kampani long bekim olgeta mani bilong ol na bilong ol seaholda. Tasol menesmen i tok no gat long dispela, bikos em i laik wokim tasol bisnis i go bikpela moa.

Bikpela namba bilong ol seaholda em ol viles fama, ol famili grup, pablik sevan, sios grup na wan wan man na meri bilong Matupit, Kokopo, Malaguna, Not Kos na sampela i kam longwe olsem long Warangoi eria. Planti bilong ol i save wok long kakao na kopra bisnis.

Sir Paulias na Agnew i bin statim dispela kampani 5-pela yia i go pinis. Sir Paulias na meri bilong em i bin putim K10,000 bilong tupela yet long statim Treid.

# WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

### BLAZ LONG PALAMEN HAUS BIABIA I SALENSIM WANPELA MINISTA...



### EM POINIM PINGA IGO LONG MINISTA NA BAGARAPIM EMI STAP...



### NAU MINISTA I BEKIM NA GIVIM GUT WAN LONG BIABIA...



### TAIM BIABIA I HARIM OLSEM, EM SEM NA PUTIM HAN IGO DAUN HARIAP TRU...



## Opis bilong praim minista i bin grisim memba bilong Jimi long sapotim gavman

OPIS bilong praim minista i grisim wanpela memba bilong Oposisen long sapotim Gavman taim ol memba i vot long senis i bin kamap long vot i no gat bilip long Me kibung bilong palamen.

Dispela i no stret long lo. Ol memba i mas vot long laik bilong ol yet na i no bihainim gris bilong ol narapela memba. Tasol opis bilong PM i go het na mekim dispela.

Memba bilong Jimi, James Kupul i tokaut long palamen olsem long dispela taim bilong vot, Siev ov Stav long opis bilong praim minista i raitim wanpela pas na askim em long sapotim gavman long vot. Siev ov Stav i lan tokim Kupul tu olsem sapos em i sapotim gavman bai taim praim minista i lukluk raun long Fiji na Vanuatu, em bai go wantaim em.

"Mi harim tok na sapotim gavman long vot. Tasol bihain long vot, mi bin go long opis na painimaut olsem nem bilong mi i no stap long lista bilong ol man long go wantaim praim

minista.

Em i tok Siev ov Stav i save olsem em i no inap go long dispela-raun tasol em i no tokim em long dispela. Kupul i go gen na Siev ov Stav i tok sori olsem nem bilong em i no stap long lista tasol em bai kisim Kupul taim praim minista i go long Maikronesia.

"Mi kros long dispela na komplek long opis bilong praim minista. Mi laikim opis i mas bekim mani bilong mi, mi bin westim long dispela tripela wik long stretim nating paspot na visa bilong mi. Mi laik save long wanem taim bai mi kisim bek mani bilong mi," Kupul i askim.

Praim Minista i tok ol i katim namba bilong tripela memba bai go daun long wanpela tasol taim em i go long Fiji olsem na Kupul i no go.

Tasol em i tok long lukluk raun i go long Maikronesia, ol i no kisim Kupul bikos ol hotel long hap i no gat inap rum long ol lain bai go wantaim praim minista long slip.





□ LAPUN bilong Kanage kisim PX 128 long Mosbi na i laik go lukim pikinini meri bilong em long Vanimo. Tasol em i no save Vanimo i stap long Is o Wes Sepik. Balus pundaun long Wewak ples balus na lapun karim beg na laik go daun long balus. Wokmeri bilong balus (Air hostes) i tanim na lukim nem long hanbeg bilong lapun i tok Vanimo. Em kirap na givim Inglis long lapun bilong Kanage, "Where do you think you're going, old man?" Lapun belhat na tokim Air hostes, "Yu ting yu tasol save long yusim Inglis. Mi tu mi gat singlis long hanbeg. Na yu tok nogutim mi. Yu tok, mi sting na olo-man. Yu wet pastaim, taim mi krungutim sataun ples long wan moa taim, bai mi kisim polis long yu." Air hostes i belhat na tokim lapun, "Ah papa, traim na lukim yu yet pastaim. Yu blari gras no gat het." Lapun bilong Kanage kirap na bekim, "Oloman pikinini, yu tu traim na luk tambilu pastaim. Yu blari lip no gat diwai." Air hostes i harim dispela hap toktok na lap na tokim lapun bilong Kanage, "Papa, olgeta samting maski, yu moa."

Lukas Marasin,  
Wewak, Is Sepik provins.

□ WANSPAK bilong Kanage stori wantaim Profesa Palai i stap long Lapwing Draiv long Gordons na pekpek i kilim em stret. Em kirap na tokim Profesa, "Hei prof! Yu sindaun wetim mi, mi go bomim Irak pastaim." Nau spakpren bilong Kanage go long toilet na mekimsave i stap. Profesa sindaun i go na smelim samting nogut i kam ausait long toilet na kirap bikmaus, "Hei mai pren! Ating yu mas bomim Irak wantaim ol kemikel wepen ya? Smel bilong em i kilim mi tu long hla!"

Jadamania,  
Lapwing Draiv, Gordons.

□ WANPELA boi Raikos long Madang i go kaikai kabiak long bus i go biknait na em i kam long ples. Em i tingim prenmeri bilong em olsem na em i go paitim sait bilong wol long ples we meri i slip long en. Long dispela taim, prenmeri bilong em i kirap na kapupu. Boi ya i harim na tok, "Yu tok wanem?" Na meri ya i kapupu gen. Orait boi Raikos i tok gen, "Yu tok-tok strong liklik ya, mi no harim wanem samting yu toktok long en." Long dispela taim yet, sampela man i kamap na boi Raikos i tekov long haus. Bihain long moning em i bungim prenmeri bilong em na tokim em, "Yu wanpela meri bilong giaman tru. Yu wok long toktok isi tru na mi no harim wanpela samting yu toktok long en asde nait." Na meri i kirap bekim, "Man! Yu wanpela longlong man stret. Yu no bin toktok wantaim mi, yu toktok wantaim as ya."

Philip Burai & S. Kay, Mushu Island, Wewak.

## Tebaga pipel gat nupela edpos

SAPE METTA i raitim

TEBEGA viles i stap 20 kilomita longwe long Henganofi long Isten Hailans provins. Na ol pipel bilong Tebega na ol arapela ples klostu i save taitim longpela rot tru bilong go long klinik.

Tasol dispela hevi i pinis nau. Nesenel na provinsal gavman i bungim mani wantaim na wokim wanpela nupela edpos stret long Tebega viles. Ol i bin opim dispela edpos long pinis bilong las mun.

Bikpela lain man, meri, pikinini na ol skul sumatin i bin kamap long lukim Isten Hailans primia, Robert Atiyafa i opim edpos. Long dispela taim, primia i askim olgeta pipel long wok bung wantaim ol helt opisa

na lukautim dispela nupela edpos.

"Gavman i amamas long givim dispela sevis i go long ol pipel bilong en. Tasol bikpela wok nau i stap long yupela ol pipel yet long lukautim wanem samting i stap nau," Primia

Atiyafa i tokim ol pipel.

Em i mekim dispela askim bikos pastaim ol pipel bilong ples i bin belhat na bagarapim olgeta wanpela komyuniti skul. Na dispela skul i pas na i stap inap nau.



• Bikpela masalai nogut long maunten bilong Henganofi i kam bilong kisim marasin talm em i harim olsem ol i opim nupela Tebega edpos. Poto: Sape Metta.

## Nonga haus sik bai stat long mun Mas

WOK bilong stretim Nonga haus sik long Rabaul, Is Nu Briten provins bai stat long mun Mas neks yia.

Dispela i no stap long plen bilong gavman tasol wanpela kampani bilong Japan bai go pas long ol wok. Helt ministra Gerald Beona i tok dispela i no stap long plen tasol ol wok bai stat nau.

Nupela haus sik bilong Nonga bai i gat tupela plua. Nupela haus bai stat long ples bilong kisim marasin i go olgeta long hap bilong katim man long en. Bai i gat wanpela nupela bikpela opis na narapela 9-pela bilong ol kain kain sik.

Nonga haus sik bai kisim tu ol kain kain masin samting bilong yusim long wok.

## Tupela grup i paulim ol papa bilong graun

FELIX RAMRAM i raitim

I GAT tupela grup nau i go pas long toktok bilong graun em Vanimo Fores Prodaks i katim timba long en. Na dispela i mekim ol papa bilong graun i paul long wanem samting i kamap nau.

Bewani Lenonas Asosiesen bilong LFA eria i laikim gavman i mas rausim laisens bilong WTK Realty kampani bilong Melesia. Long wanem kampani i no bihainim planti hap bilong agrimen. Na wok bilong kampani tu i no stret. Siaman bilong Bewani Lenonas Asosiesen, Rex Namah i tok ol papa graun bilong LFA eria i sapotim tingting olsem gavman i no ken givim laisens long WTK Realty kampani bilong katim timba.

"Kampani i no bihainim stret ol toktok bilong agrimen na wok bilong em tu i bagarap. Gavman bilong provins tu i no sanap long baksait bilong ol pipel na wokman meri bilong kampani."

Namah i mekim ol dispela toktok long bekim singaut bilong Siaman bilong TRP Lenonas Asosiesen, Michael Sakelu olsem nesene gavman i mas givim laisens long WTK Realty kampani. Bipo, Sakelu i bin toktok strong tru long rausim WTK Realty long Vanimo.

"Tasol nau mi lukim olpela bos bilong mi i go long Mosbi na sapotim kampani long kisim laisens. Mi no klia nau long wanem hap ol papa graun bai sanap na lukim kampani i bagarapim yet graun, ol wara, bus, diwai na ol enimal bilong mipela," Namah i tok.

Em i skruim toktok olsem Sakelu na namba tu bilong em Steven Sanban i no kisim tingting bilong ol papa graun pastaim na go long Mosbi bilong toktok wantaim Fores ministra na ol arapela bikman bilong givim laisens long WTK Realty kampani.

Long bekim ol dispela toktok, Sakelu i tok Namah tu i mas karim dispela hevi. Bikos long taim em i bin stap olsem ministra insait long Yalu/Enda gavman, em i bin sapotim tingting bilong bringim WTK Realty i kam na katim timba long Vanimo. Na Namah i bin holim tu wok olsem deputi siaman bilong TRP Lenonas Asosiesen.

Sakelu i tok em i senisim tingting bikos ol i no gat moa mani samting bilong go het na toktok egen-sim kampani.

"Gavman i gat planti rot i stap bilong pasim krai bilong mipela. Asosiesen i no gat mani, telipon na opis bilong go het long mekim wok.

## Ol papa graun i no kisim yet royelti bilong Mussau timba

OL papa bilong graun bilong Mussau timba projek long Nu Ailan provins i laikim nesene gavman long sekim rot kampani i bihainim long baim royelti mani i go long ol papa bilong graun.

Dispela long wanem i gat planti ol paul ripot i

bin kamap long las wik. Ken Kaiyah, wanpela seaholda bilong Mussau timba kampani i tok long las wik olsem ol seaholda i bin kisim royelti stat long 1985 i kam inap long 1987. Ol i kisim samting olsem K32,000. Dispela mani i go long tupela papa bilong graun.

Tasol long dispela wik, dairekta bilong Mussau timba kampani, Paslow Karati i tok ol pipel i no kisim wanpela royelti. Em i tok dispela K31,770.50 em kampnai i baim i go long tupela mausman i no royelti tasol em bilong bekim dinau long beng.

Em i tok Mussau timba i mas baim yet K80,000 long ol papa bilong graun. Em i tok em i bilip olsem mani i lus long provinsal fores opis long Kavieng.

Karati i tok i no gat gutpela rekot bilong royelti ol papa bilong graun i save kisim.

# Papua Niugini Nesenele Ileksen, Me-Jun, 1992

Nem bilong ol olpela na nupela kendidet bai kamap bilong resis long ol sia long olgeta ilektoret. Dispela em i bikpela samting olsem na olgeta man na meri bilong Papua Niugini i mas save gut tru long olgeta samting bilong mekim long taim bilong ileksen.

Sapos yu laikim helpim, go lukim ol Distrik Menesa, na ol Distrik Opisa-In-Sas (DOIC).

Askim ol long wok bilong ileksen em yu no klia long en.

**Tingim gut, ol gutpela lida i kamap long stretpela vot**

### TASOL HUSAT I KEN VOT?

Ol Papua Niugini man na meri husat i givim nem tasol long 1992 ilektoretol bai tromoi vot. Na dispela i min olsem olgeta sitisen husat em krismas bilong ol i winim 18 yia na i bin stap insait long wanpela ilektoret moa



Authorised by  
Reuben Karulo,  
Electoral  
Commissioner Papua  
New Guinea

long 6-pela mun na mama i bin karim em pastaim long 27 Jun, 1974 bai tromoi vot.

Sapos yu winim olgeta dispela toktok na i no givim nem yet, pulimapim wanpela fom long Provinsal Ilektoel Opis, Distrik Menesa o Opisa-In-Sas long hap bilong yu.

Tingim ... lo i tok olsem olgeta Papua Niugini man na meri-i mas givim nem bilong vot.

### OL NUPELA LAIN BILONG VOT

Sapos mama i bin karim yu pastaim o long 27 Jun, 1974, yu mas givim nem bilong vot. Yu i no inap vot long neks yia sapos nem bilong yu i no stap long ileksen rol.

Go long Provinsal Ilektoel Opis i stap klostu long hap bilong yu na pulimapim wanpela fom bilong vot nau!

**Tingim gut, givim nem nau! Olsem bai yu gen vot long 1992 ileksen.**



## TU MINIT TINGTING

### LUKAUT! WANPELA LIKLIK SKRU I LAIK LUS

*"Olgeta wan wan hap bilong bodi i gat kain kain wok." (Rom 12:4)*

OL i stori long wanpela draipela kago sip bilong solwara na wanpela liklik skru i stap long en. Dispela liklik skru, wantaim planti tausen wantok bilong en, i gat wok long pasim strong ol bikpela hap ain i karamapim bel bilong sip. Sip ya i sel i go antap long draipela biksi na i kalap nabaut. Nau dispela liklik skru i wok long slek na i laik pundaun. Ol arapela poroman skru i lukim dispela na ol i kalap nogut na i bikmausim em olsem: "Lukaut! Taitim han bilong yu. Pasim strong sip. Sapos yu lus na yu pundaun, bai mipela olgeta i lus." Na ol balken na bun bilong ain i holim sip, ol tu i singaut.

Kwiktaim tru, nius bilong dispela liklik skru i laik lus na pundaun, i flai i go nabaut long sip. Na olgeta arapela skru na hap ain bilong sip

i pret nau. Olgeta ol i salim ol tokman i go long strongim bel bilong dispela liklik skru. Ol i filim olsem, ol i hangamap long dispela liklik skru tasol. Sapos em i lus, bai wan wan skru bilong sip i lus na sip bai bruk olgeta na i go daun na olgeta bai lus long solwara.

Ol tok gris bilong ol arapela skru i mekim dispela liklik skru i hambak nau. Long wanem, olgeta arapela i hangamap long em wanpela tasol. Olsem na em i gat namba. Orait, nau em i promisim ol, em bai taitim bun tru na i holimpas dispela hap ain we em i pas long en.

Sampela taim ol manmeri i holim ol liklik wok insait long kampani o dipatment bilong Gavman ol i les na i laik givap. Sapos yu laik tanim bel na tingting bilong ol long stap gut long wok bilong ol,

orait, yu mas tok tenkyu na gris long ol gutpela na bikpela wok ol i save mekim.

Sampela taim ol liklik manmeri nating, ol inap sevim kampani. Mi laik stori long dispela samting nau. Long han bilong wanpela yar tri i antap moa, wanpela liklik pisin i sindaun long kiau bilong em. Nau wanpela draipela moran i goapim tri na i laik stilim ol kiau. Pisin mama i singaut bai ol arapela enimal bilong bus i kam helpim em long rausim dispela moran.

Wanpela monki i lukim wari bilong pisin mama na em i tok, "Bai mi tromoim ston long moran." Tasol pisin i no laik na i tok, "Nogat, yu no ken mekim olsem. Bai yu brukim ol kiau bilong mi."

Nau bikpela elefan moa i tok, "Bai mi kamautim dispela tri olge-

ta na sevim yu." Pisin mama i tok, "No ken! Sapos tri i pundaun, mi inap flai tasol ol kiau bilong mi bai bruk. Maski long kapsaitim tri."

Planti arapela enimal bilong bus ol i no inap helpim pisin mama. Moran i surik i kam klostu nau, na pisin i redi long lusim ol kiau. Las tru nau em i singautim ol anis bilong kam helpim em. Wantu planti tausen anis i resis i kam antap long tri na ol i karamapim moran na i kaikai olgeta mit bilong em. Skin na bun tasol i lep i stap.

Pisin mama i lukim na i amamas na i tok, "Em nau! Tenkyu, ol bikman anis. Yupela i win. Nau mi go bek sindaun long kiau."

Long Rom 12:4 Pol i rait olsem: "Yumi save, wanpela bodi i gat planti hap bilong en, na olgeta hap i no mekim wankain wok



FRANK MIHALIC I RAITIM

tasol. Olsem na yumi tu yumi planti manmeri, tasol long Kraus yumi stap olsem wanpela bodi tasol. Na yumi olgeta wan wan yumi stap olsem poroman bilong ol arapela ... God i bin givim yumi narakain narakain save bai yumi inap mekim wok bilong helpim ol arapela."

Liklik skru i gat bikpela wok bilong pasim sip. Maski yumi man o meri nating, planti arapela pipel i hangamap long wok bilong yumi. Yumi mas amamas long mekim gutpela wok tasol.



• Moa long wan milien pipel long i kamap long Polis siti long Setokowa long dispela wik long bungim Pop John Paul II. Pop i go lukluk raun tu long Budapes long 5-pela de olgeta. As bilong dispela raun em long kirapim gen na strongim Roman Katolik Sios long Hangari.

## Ol bikples Bogenvil kibung long wan bel

OL bikman long not sait bilong bikpies Bogenvil i holim wanpela wan bel kibung long Tunde long dispela wik.

Insait long dispela kibung, sampela paitman bilong BRA i tokaut olsem ol bai i pait yet. Na tu ol i givim ples klia ol samting olsem sot gan na bunara ol i save yusim long pait. Taim ol i givim ol dispela samting bilong pait, ol i tokaut wantaim olsem ol i no inap long pait moa.

Praim Minista Rabbie Namaliu i mekim ol dispela tokaut taim em i wok long bekim ol askim bilong memba bilong Sohe, David Beu long Palamen long asde (Trinde).

Namaliu i tokaut tu olsem insait long dispela grup em wanpela komanda bilong BRA, Peter Barek. Namaliu i tok Barek em i wanpela long ol lain husat i mekim planti toktok long taim bilong kibung.

Em i tok ol bikman bilong dispela hap i askim minista bilong Provinsal Afeas na memba bilong Not Solomons provins, Pater John Momis long kamap tu long dispela kibung. Tasol em i tok bikos long kibung, Pater Momis i no inap long go.

Tasol em i tok dispela kibung wantaim ol narapela senis i wok long kamap nau long Bogenvil i soim olsem ol samting i wok long kamap gut. Na gutpela sindaun bai kamap gen long Ailan.

Praim Minista Rabbie Namaliu i tok long las wik, Pater Momis i bin go long Buka ailan na opim Buka Autoriti.

Autoriti nau i kamap olsem gavman bilong ailan aninit long tok orait bilong lo. Em i tok ol pipel bilong not na wes sait bilong bikples Bogenvil i askim nau long wankain samting i mas kamap long eria bilong ol.

## Papua Niugini Sios Kaunsil i no laikim tupela nupela laki resis gen long kantri

PAPUA Niugini Kaunsil bilong ol Sios i askim palamen long no ken oraitim tingting bilong statim nupela laki resis long kantri.

Singaut bilong en (PNGCC) i bihainim askim na bel hevi em planti ol arapela kristen sios na wimens grup i bin tromoi long gavman.

Insait long wanpela pas (20 Ogas, 1991) i go long olgeta memba bilong palamen, siameri bilong PNGCC, Rose Muingnepe i tok, "Mipela i laikim yupela i save olsem mipela i tingting planti tru long kantri na pipel. Hevi bilong pait, bagarapim meri, kilim man, pretim man na stilim samting, ol famili i bruk i wok long kamap bikpela. Na mipela i wari long lukim ol dispela samting i bagarapim sindaun bilong ol pipel."

Olsem olgeta arapela wimens na sios grup, PNGCC i bilip tupela nupela laki resis bai mekim tasol ol hevi i go bikpela. Dispela bai

bagarapim olgeta gutpela sindaun na rispek insait long ol komyuniti.

Pas bilong Misis Muingnepe i tok, "Mipela i no amamas long dispela kain bagarap em ol laki resis bai kamapim. Dispela em ol kain samting olsem moa pipel bai pilai laki, planti spakman na meri, pasin pamuk bai kamap bikpela moa, ol famili bai bungim moa

hevi na bikpela mani na taim bai lus long pilai laki. Planti pipel i no inap kisim helpim long ol dispela samting."

Bihainim olgeta dispela samting, Papua Niugini Kaunsil bilong ol Sios i laikim gavman i rausim dispela tingting bilong laki resis. Bikos dispela i daunim tu bilip na pasin bilong Melenesia kristen pipel. Na ol toktok

bilong dispela i no stap insait long konstitusen o mama lo bilong kantri.

Las hap bilong pas i tok, "Mipela i laikim gavman long kamapim moa ples bilong ol famili long amamasim ol yet. Na i no ol dispela kain ples bilong pilai laki na lusim bikpela mani na amamasim skin bilong wan wan."



• Dispela em insait bilong Dogura Katedrel bilong Engliken Sios bilong PNG long Milen Be provins. Ol i kisim dispela foto taim ol Engliken sapota wantaim Asbisop bilong Kentaberi, George Carey i kamap long amamasim 100 yia bilong sios long PNG. Dispela katedrel i winim olgeta insait long kantri.





# PNG WEIGHTLIFTER TEAM COMPETITION

# COLLECT THE TEAM COLLECT A PRIZE!

- ★ Collect all six weightlifter stories from the back of 1kg Trukai Rice packs!
- ★ Cut them out and send them together with your name and address clearly written on the back of the envelope to:-

**TRUKAI**  
**P.O. BOX 1660**  
**PORT MORESBY**



The first 10,000 correct entrants will win a **FREE PNG WEIGHTLIFTER TEAM POSTER** and are then in the draw for these **GREAT PRIZES!**

- ★ Home Entertainment Unit
- ★ Colour Television
- ★ Radio Cassette Players
- ★ Cameras

**LOOK ON THE BACK OF THE 1kg TRUKAI RICE PACKS  
 IN YOUR STORE NOW!**



# Ol bikman tekova long Gorbachev



• Gennady Yanayev

Kisim ples bilong Gorbachev.

RASIA i stap aninit nau long lukaut bilong ol komisaris lida stat long Sande 18 Ogas, 1991.

Ol strongpela komisaris sapota wantaim sampela bikman bilong KGB siket plis na ami i go pas long tekova long gavman bilong presiden Mikhail Gorbachev.

Dispela i senisim nau wanem wok presiden Gorbachev i laik mekim long senisim Rasia long olpela komisaris pasin.

Nupela gavman i stap aninit nau long lukaut bilong olpela vais presiden bilong Rasia (namba tu bilong Gorbachev), Mista Gennady Yanayev.

Rasia i stap nau aninit long stet ov imejensi we olgeta samting i kam aninit long em olsem niuspepa na radio ripot. Ol i holim pasim olpela presiden na salim planti 100 tenka i go long tekova long Mosko. Mosko em bikpela siti bilong Rasia.


Long Mande 20 Ogas long nait, moa long 50,000 manmeri egensim dispela komisaris gavman na protes ausait long bikpela hetkwata gavman opis.

Presiden bilong Rasian Federesen,

Mista Boris Yeltsin i kalap antap long wanpela ami tenka, na singautim ol manmeri long pait egensim dispela

grup husat i tekova long Gorbachev. Ripot i tok olpela presiden i pilim sik liklik long bodi bilong em.

Olsem na Boris Yeltsin i askim long Trinde 21 Ogas, 1991 olsem ol lida husat i go pas long tekovba long gavman i



• Mikhail Gorbachev

mas kibung wantaim ol atoriti bilong Rasia na Mista Mikhail Gorbachev, na givim tok orait long ol ovasis Jekta i sekim bodi bilong Gorbachev pas-taim.


Em i askim olsem sapos olpela presiden i nogat sik orait em i ken kisim na mekim gen wok bilong em olsem presiden.

Seketeri bilong Stet long Rasia, Mista Gennady Burbulis i tok ol i kisim Gorbachev i go bek long Mosko long Tunde 20 Ogas long wanpela spesel ami balus.

Ripot i tok moa olsem Gorbachev i stap aninit nau long lukaut bilong ol ami na plisman long wanpela haus Phoros. Dispela em bihain long ol komisaris i tekova long gavman bilong em long Tunde.

Ripot i kam long Amerika na Mosko yet i tok Gorbachev wanpela long dispela graun ating i mas save long wanem samting bai i kamap long em. Dispela em long wanpela de bipo long birua ya i kamap.

Ripot i tok moa olsem Difens Minista bilong Rasia, Marshal Dmitri Yazov i bin flai i go long Krimia long Sande na bungim Mista Gorbachev.



• Ol ami tenka i tekova long Kremlin we gavman opis i stap long en bihain long ol i tekova long gavman bilong Mikhail Gorbachev.



• Wanpela meri Rasia i soim bel hat bilong em long wanpela soldia husat i banisim rot i go long Sentrel Telegrap opis long Mosko long Mande. Ol ami i lukautim olgeta kona bilong Mosko nau bihain long ol i tekova long Mikhail Gorbachev.



I gat bilip olsem . . .

## Kensa bai kamap bikpela nau

I tru olsem kensa i no bin wanpela bikpela hevi long 10-pela yia i go pinis. Tasol i luk olsem kensa bai i kamap wanpela pablik helt hevi long Papua Niugini.

Nesenel Helt Plen i makim olsem kensa bai i kamap wanpela bikpela helt hevi long. Bikos long senis long bikpela namba bilong ol pipel huat isave kamap na ol dispela husat i save dai.

Kensa em i wanpela kain sik we bai i stap long blut bilong man, na bai i bagarapim bodi. Kensa i save kamap long ol diwai na abus wantaim man tu.

I gat kain kain kensa long wol. Tasol 7-pela tasol em ol saveman i painimaut, na i kamap bikpela long PNG nau.

Hia em ol dispela sik kensa:

- Oral kensa - i save kamap bikpela long ol nambis bilong kantri. Tasol nau i kamap long Hailans rijon tu. Bikos planti manmeri long antap em tude i save kaikai buai na smok wantaim.

Namba bilong ol manmeri husat i save kisim oral kensa i goap nau. I gat 94 pesen pipel i ripot namel long 1958 na 1970 olsem ol i gat oral kensa. Tasol dispela kensa i kamap bikpela nau long Hailans rijon.

- Lung kensa - bai i kamap bikpela sapos i nogat strongpela lukaut long pasin bilong smok. Long 1978 i gat 42 pipel tasol i bin ripot olsem ol i gat lung kensa. Na long 1979 i gat 15 pipel tasol i ripot long dispela kensa.

- Cervical kensa - em bikpela namba bilong ol meri i save kisim. Dispela em ol meri we krismas bilong ol i stap namel long 35 na 55, na i moa bikpela long Hailans na Momase rijon.

Namel long 1979 na 1985, ol meri namel long 25 na 44 krismas em 70 pesen i kisim cervical kensa.


- Liver kensa - em i wanpela bikpela sik kensa insait long kantri. Nua yet moa long 50 pesen manmeri long Hailans rijon i ripot long haus sik wantaim dispela sik.

- Mouth kensa (kensa bilong maus) - em wanpela bilong ol kensa em planti manmeri long kantri i save kisim. Dispela i save kamap long pasin bilong kaikai buai na smok. Dispela kensa i save kamap long tang, insait bilong maus.

Kensa ya i ken stat olsem waitpela mak insait long maus. Taim dispela kensa i kamap long maus, bai em sruk i go long narapela hap bilong maus na nek.

- Skin kensa - em wanpela

### Lukaut long smok na kaikai buai wantaim kampang



• Wankain tu long smok we i ken kamapim kensa long lung bilong man (lung kensa).

kain kensa i save kamap long skin na i no inap pinis long 4-pela wik taim. Bai yu lukim braunpela mak antap long skin, na bai i luk narakain long ol arapela long sais. Bikos em bai i go bikpela, na yu bai senisim kalap long braun i go long blek.

Na tu taim em i skrap, bai yu skrapim na blut i kam daun. Na tu bai i go bikpela na kamap olsem buk, na i go kamap olsem bikpela sua (ulcer).

- Breast kensa - i save kilim ol yangpela mama husat i stat long kisim sik bilong meri (sik mun). Dispela em bikpela birua bilong ol meri husat i no winim krismas yet.

Ol meri husat i karim namba wan pikinini bipo long ol i bungim 18 krismas i gat bikpela sans bilong kisim dispela kensa. Ol meri namel long 18 na 30 krismas i nogat bikpela sans long bungim dispela sik.


Namba bilong ol meri husat i

save kisim dispela kensa i goap narakain tru nau long kantri. Namel long 1982 na 1985 em dispela kensa i bin goap long 10.8 na 2.6 pesen tasol. Tasol namel long 1986 na 1988, kensa ya i goap long 69.3 na 68.7 pesen. Dispela namba i goap olsem bikos ol helt woka i kisim moa ripot antap long 5-pela provins bilong Hailans rijon.

Long 1986 i kam long 1988, ol ripot i soim tu olsem dispela kensa i kamap long ol pikinini husat i no winim 10-pela krismas yet. Na moa long 50 pesen bikman na meri husat i gat moa long 25 krismas i kisim.

Bukitt Lymphoma em wanpela bilong ol 4-pela sain bilong dispela kensa, we i save kamap long ol pikinini long PNG. Ol arapela sain em neuroblastoma, wilms tumor na retinoblastoma.

Ol sain bilong bukitt lymphoma em bai yu lukim ol pikinini i lusim tit bilong ol. Na



• Pasin bilong kaikai buai wantaim kampang i ken kamapim kensa long maus (mouth kensa).

pes bilong ol bai i solap nogut tru olsem sik mams.

Ol pikinini namel long 2 na 10-pela krismas bai i kisim dispela kensa.

Namel long 1977 na 1988, namba bilong ol manmeri husat i save kisim ol dispela kensa i goap bikpela tru. Oral kensa i goap long 60 pesen, cervical kensa i goap long 54 pesen, liver kensa i goap long 68 pesen, breast kensa i goap long 61 pesen, lung kensa i goap long 64 pesen, na kensa bilong win paip em 75 pesen.

Sampela arapela kensa we ol helt atoriti i kisim ripot bilong ol em namba bilong ol tu i goap. Tasol i no bikpela tumas olsem ol 7-pela kensa ya.

Bikpela namba bilong ol sikman husat i save kisim dispela sik i stap namel long 30 na 35 yia. Tasol long cervical kensa em ol manmeri namel long 15 na 35 krismas i save kisim, we ol dispela manmeri wantaim 28 krismas em bikpela namba

tru i kisim.

Long ol ripot we helt atoriti i kism, 70 pesen kensa i kamap long ol man. Dispela namba i no karamapim cervical, breast na genitory-urinary kensa we i save kamap long ol meri tasol.

Oncology na Radiotherapy Unit long Lae em bikpela senta bilong lukautim ol manmeri husat i kisim ol dispela kain kensa. Namba bilong ol sikman husat i bin go long dispe'a senta i goap long 372 long 1986 i go long 509 long 1989.

Na namba bilong ol manmeri husat i kisim radiotherapy tasol i bin goap long 161 long 1986 i go long 499 long 1989.

We bilong givim marasin long ol sikman husat i kisim kensa bilong maus long PNG i kamap gutpela nau.

Long cervical kensa em moa sikman husat i gat dispela sik i save kamap ripot hariap taim ol i kisim. Bikos i gat gutpela kempen na samting olsem. Na tu moa meri i save kamap long sek ap.



# Wok bilong stapim kensa kamapim ol dispela samting

Program bilong stapim kensa i kamapim pinis ol dispela samting:

- Kamapim kensa hen buk bilong kensa menesmen;
- Kamapim na pasim Nesenel Tobako Prodak Helt Ek 1987 we i givim Helt Minista pawa long stapim edvetismen bilong ol tobako prodak na smok long pablik ples;
- Ol APO na dentel terapies wokman i go trening long ol arapela provins long kamapim moa gutpela wok bilong luksave long ol sikman husat i

gat oral kensa;

- Helt dipatmen i printim ol toksave na niusleta. Na tokaut long ol birua bilong lunga kensa, na tu long pasin bilong kaikai buai na smok we i ken kamapim oral kensa.

Dispela program i bungim tu samepla hevi. Wanpela bikpela hevi em long mani we i nogat inap. Dispela i save daunim liklik wok bilong printim na salim ol helt buk bilong skulim ol manmeri long sik kensa.

I kam aninit long dispela em

nesenel sistem bilong ripotim ol kensa sik.

Lae Kensa Yunit i nogat inap saveman long wok long hap, wantaim ol stretpela masin na marasin bilong givim long ol sikman.

## Ol polisi

Dipatmen bilong Helt i lukautim wok bilong developim na daunim kensa sik insait long Papua Niugini.

Olgeta wok na samting bilong mekim wok i stap aninit long lukaut bilong Provinsal Divisen bilong Helt, na Lae

Kensa Yunit.

Lae Kensa Yunit em nesenel senta husat i lukautim ol Radiotherapy na Chemotherapy insait long kantri.

Dispela program i mekim ol dispela samting:

- Helpim ol provins long in-sevis trening program bilong kensa kontrol, na trening bilong wok menesmen bilong ol sikman husat i gat sik kensa;
- Helpim ol provins na Nesenel Trening Sapot Yunit i kamapim ol helt edukesen

samting bilong skulim ol manmeri long birua bilong kensa;

- Long luksave olsem lo bilong Tobako Prodaks Ek i mas tambuim yet edvetismen bilong smok;

- Kamapim gutpela wok bilong luksave long ol manmeri i gat kensa (skrining) long olgeta dentel klinik na praimerii helt sevis. Dispela em long trening na in-sevis bilong dentel terapies na praimerii helt ke woka;

## Gavman i luksave nau long Kensa Sosaiti

HATWOK bilong gavman long helpim stapim kensa long Papua Niugini, i kamap gutpela nau wantaim sapot bilong ol arapela bodi long ovasis na insait long kantri wantaim.

Kensa i no wanpela pablik helt hevi long tude. Tasol Nu Silan gavman, ol Rotari Klap long Nu Silan, Australia, Japan, Amerika na Ingran, Lae Rotari Klap na Papua Niugini Kensa Sosaiti i givim sampela mani na helpim long baim wanpela kensa masin, na kamapim kensa awenes kempen. Na skulim ol manmeri long birua bilong kaikai buai na smok. Nu Silan gavman i givim K10,000 long las yia long baim cobalt masin bilong sekim ol sikman long Nesenel Kensa Treatment Yunit long Angau Memorial Haus sik long Lae.

Lae Rotari Klap i bungim moa long K50,000 long baim dispela masin. Na Papua Niugini Kensa Sosaiti i bungim K10,000 long baim cobalt yunit long wanpela haus sik long Nu Silan.

Wok bilong bungim mani long em ol rotari klap long ovasis i mekim wantaim ol pablik long PNG i bungim K120,000. Dispela mani em ol i yusim long baim Dipatmen bilong Woks long lusim, trenspotim na putim wantaim gen dispela cobalt masin lgong Kensa Yunit.

Dipatmen bilong Helt i soim bikpela amamas long Kensa Sosaiti long holim awenes kempen long Mosbi long olgeta yia. Dispela kempen i save skulim ol skul pikinini long birua bilong kaikai buai na smok.


Pasin bilong kaikai buai na smok i save kamapim bikpela sik kensa insait long PNG. Olsem na i gutpela nau long skulim ol yangpela long birua bilong dispela sik, na i save kamap olsem wanem. Bai ol yangpela i ken save na traim long abrusim dispela sik.

Kensa bilong maus (mouth kensa) i save kamap tu long kaikai buai wantaim kumpang. Dispela em i wanpela bikpela kensa em plan-ti manmeri bilong PNG i save kisim.

Mosbi Brens bilong Kensa Sosaiti i bin givim bikpela helpim long long planti kain kain we. Dispela em long helpim yet ol manmeri husat i gat sik kensa long PNG.

Long 1986 i kam inap nau, sosaiti i bin givim planti kain kain masin i go long Kensa Yunit long Mosbi. Sampela bilong ol dispela samting o helpim em:

- Stretim kensa yunit na givim 9-pela nupela bed;
- Sampela samting bilong yusim long kempen bilong skulim ol skul pikinini;
- 200 bleomycin bilong sut (K60 long wanpela sut);
- Givim redio long televisen vidio i go long ol kensa sikman long Lae;
- Givim K4,000 long Februeri, 1991 i go long Konio, wanpela wokman bilong Mosbi Rihabilitesen Senta long go kisim moa skul long Brisben, Australia. Konio i bin kisim Kensa bilong Cervix;



POST & TELECOMMUNICATION CORPORATION  
Partners in 1991 South Pacific Games.





# PNG kisim famili plening skul bilong Indonesia

MOA long 20 opisa bilong famili plening long 4-pela provins long kantri i kamap long wanpela kibung bilong ol long Mosbi long las wik.

Kibung i stat long Mande na i pinis long Fraide long las wik. Dispela kibung i kamap bihain long wanpela lukluk raun bilong sampela long ol dispela lain i go long Indonesia long las mun.

Asisten Seketeri bilong Famili Plening long Dipatmen bilong Helt, Enok Pasanau i tok ol dispela lain i bin raun long Indonesia. Na ol narapela lain husat i no go i kamap long kibung na toktok long wanem ol samting ol i lukim long Indonesia.

Posanau i tok wanem samting ol i mekim nau i bihainim nesanel plen bilong Helt Dipatmen. Em i tok long kibung ol opisa husat i go long Indonesia i tokaut long wanem ol samting ol i lukim long ol narapela opisa husat i no go.

Kodineta bilong kibung na save-man long wok bilong famili plening, Andy Piller i tok ol opisa i bin skelim ol dispela samting na kamap wantaim ol plen pinis bai taim ol opisa i go long provins bilong ol bai ol i bihainim.

Piller i tok ol i bin makim 4-pela provins long karimaut dispela program. Na bihain sapos i wok gut bai ol i kamapim long ol narapela provins tu. Ol dispela provins em Manus, Morobe, Is Sepik, Isten Hailans na Nesanel Kapitell Distrik (NCD).

Seketeri Posanau i skruim tok bilong Piller olsem kibung i traim long skulim ol namel menesa long karim aut wok bilong famili plening insait long Helt Dipatmen. Em i tok long longpela taim tru, ol manmeri i lus tingting long bihainim famili plening. Tasol em i tok dispela em i wanpela bikpela samting tru. Long wanem em i gutpela long lukautim laip bilong mama na pikinini.

Asisten Seketeri bilong Helt long Isten Hailans, Sista Julie Liviko em wanpela long ol dispela lain husat i go raun long Indonesia. Sista Julie i tok Indonesia i gat namba wan program bilong famili plening. Na i no PNG tasol i go long kisim save long ol, ol narapela kantri tu i wankain.

Tasol Sista Liviko i tok i no olgeta samting i gutpela. Sampela i nogut na em i wok bilong ol nau long kisim na bihainim wanem ol



• Dispela em ol lain wokman bilong famili plening husat i kamap long woksop long las wik long Loloata Ailan Risot long Mosbi Olgeta nau i go bek long provins bilong ol

program i gutpela. Em i tok wanpela bikpela samting em ol i luksave long em olsem planti ol manmeri long PNG i no save long

wok bilong famili plening. Narapela meri i kamap long kos, Sista Anore Kitoneka i tok dispela kibung i kamap gut tru. Na em i

laikim bai ol man tu i luksave olsem famili plening i no wok bilong ol meri tasol, ol man tu wantaim.

## Buai i no gutpela long bodi bilong man



• Amamas bilong mekim mani long buai i ken kamapim sik long bodi olsem kensa.



• Ol yangpela meri i save amamas long salim buai long maket. Bikos ol i ken mekim mani hariap long ol. Tasol tingim birua bilong buai tu o nogat?

# Gavman i luksave nau long Kensa Sosaiti

i kam long pes 12

• Na long Nesanel Wimens De long 25 Mas, 1991, Kaunsil ov Wimen i luksave long Mosbi Brens Kensa Sosaiti long gutpela wok bilong em long helpim komyuniti taim Praim Minista, Rabbie Namaliu i givim wanpela setifiket o pepa long luksave long dispela hatwok.

Presiden bilong Mosbi Brens, Ms Shefali Mehta i tok bai bilong daunim sik kensa i stap yet. Dispela pait i no bilong ol dispela kensa ol i kisim ripot pinis. Tasol bilong skulim oi manmeri tu long ol i ken luksave long birua bilong kensa.

Ms Mehta i tok Sosaiti i laik skulim ol manmeri long PNG

long luksave long namba wan sain bilong kensa. Dispela em ol pikinini, ol mama husat i save wok long haus, na ol sikman husat i gat kensa.

Bikpela toksave em: "Stap kensa bipo em i kamap bikpela."

Ms Mehta i tok i gat bikpela wok yet bilong mekim. Na Sosaiti i bilip olsem bai i gat moa sapot yet i kam long ol kain kain ogenaísesen longh ovasis na PNG, wantaim ol praivet bisnis kampani. Ol dispela helpim i no bilong helpim Sosaiti, tasol long strongpela gavman program bilong stapim sik kensa insait long kantri.

Hia em sampela as na wok bilong Mosbi Brens:

- Long wok bung wantaim Dipatmen bilong Helt long helpim ol sikman husat i gat kensa;
- Long karimaut kensa awenes kempen yet;
- long lukautim na ranim Kensa Yunit long Mosbi Haus sik;
- longhelpim givim mani long wanpela sista long wok yet long Kensa Yunit long Mosbi;

- long givim sapot long kensa wad long Angau Memorial Haus sik long Lae;
- Long strongim wok bilong Drug Stebilaisesen Fan; Long 24 Me, 1991 Gavana

Jenerel, Sir Serei Eri i putim aut wanpela buk ol i kolim "Cancer in Papua New Guinea". Sosaiti i givim mani bilong kamapim dispela buk. Na Salvation Press i pablisim.

Sir Serei i tok kensa wok long PNG i gat sampela hevi yet. Tasol mipela i amamas olsem awenes kempen bilong mekim ol manmeri i klia long birua bilong kensa i kamap bikpela nau. Olsem na planti manmeri long komyuniti i luksave nau long dispela birua. Dispela em long wok bilong ol niuspepa na redio ripot.

"Mosbi Brens bilong Papua Niugini Kensa Sosaiti i kamapim na strongim pinis wok bilong em. Olsem na mi

amamas olsem Drug Stebilaisesen Fan i bungim klostu long K100,000 mak.


"Dispela i no bikpela mani sapos yu lukluk long prais bilong ol kensa marasin. Wok bilong stapim em i wanpela we tasol bilong kensa long Papua Niugini.

"Mosbi Brens bilong mipela i kisim 'Kensa Awenes na Prevention' olsem wanpela bikpela projek bilong em long dispela yia.

"Na kamap bilong disperla buk em hap bilong dispela hat wok. Na mi bilip dispela buk bai i kamap moa gutpela wantaim sampela moa tenis, taim mipela i laikim long bihain taim," em i tok.



# OL STRONGPELA KAR NAMEL LONG OL YET



*Daihatsu Dan*

Oi i wokim strongpela na nupela Daihatsu Delta. Dispela i bihainim ol hap hap bilong em olsem ensin, taia na ol arapela wankain olsem stail bilong em yet. Oi dispela i bihainim tu laik bilong yu stret. Sampela kar i gat wanpela rum na sampela i gat tupela o dabol rum. Ol arapela na moa strongpela stail Delta kar i stap redi nau. Kolim Ela Motors nau. Daihatsu. Oi strongpela tasol.



ELA MOTORS  
I SAPOTIM YUN JUNG DO

PORT MORESBY 229400 • LAE 433655 • RABAU 921988 • MADANG 822188  
GOROKA 721844 • MT HAGEN 521888 • WEWAK 862255 • POPONDETTA 297266  
KAVIENG 942132 • KIMBE 935155 • TABUBIL 589060 • VANIMO 871254 • PORGERA 508203

**ELA MOTORS**



705-13



**CAMBRIDGE**  
A MAJOR SPONSOR



# Ol yanpela i mas stapim Ol Kimbe haus kaikai salim olupela kaikai bikhet pasin long Vanimo

**Dia Edita,**  
Mi wanpela manki Sandaun na ml laik autim liklik wari bilong mi go long ol yangpela bilong arapela provins long pasin bikhet. Mipela ol manki Sandaun i no save long olgeta kain bikhet. Olsem na sapos yu laik mekim bikhet pasin, gutpela yu go bek gen long provins bilong yu na mekim olsem.  
Mi tokaut long dispela

bel hevi bilong mi bikos wanpela taim mi lukim 6-pela yangpela tupela man na 4-pela meri. Ol i toktok na lap wantaim i go insait long wanpela stoa. Ol i no lukluk long rot o samt-ing bilong baim taim ol i go insait long stoa.  
Wanpela meri long dispela grup i bamim wanpela lapun man nogut tru na em i pundaunim Fanta dring bilong em. Botol i

pundaun na bruk antap long simen.  
Lapun i no gat toktok na wakabout tasol i go autsait. Ol dispela pipia manki i no laik long yusim mani bilong ol na baim wanpela Fanta dring na givim long lapun ya.  
Ol dispela yangpela manmeri ya i no sori long ol lapun man olsem.  
**Dominique Ruben SANDAUN**

**Dia Edita,**  
Mi gat kros liklik long olgeta haus kaikai insait long Kimbe taun olsem na mi laik autim long *Wantok Niuspepa* na ol dispela pipia bisnis man ken lukim.  
Planti taim ol manmeri bilong Kimbe taun i kisim sik bilong bel bikos kaikai ol baim gut. Sampela haus tripela de. Yupela ol papa bilong haus kaikai i mas kukim kaikai inap long wanpela de tasol.

Sapos ol manmeri i no pinisim bilong dispela de tromoi o salim long hap prais na ol man bai pinisim. Na maski long lusim i stap narapela de pastaim na yupela i salim gen.  
Mi tokaut long dispela wari bilong mi bikos wanpela taim mi yet i go baim kaikai long wanpela pablik haus kaikai na mi smelim kaikai i smel nogut tru. Mi tromoi na mi i go baim nupela gen. Mi smelim wankain smel

gen. Plis yupela bisnis man traim na yusim het bilong yupela.  
Na tu ol helt inspekta i mas wokim sekap long olgeta haus kaikai. Maski long driman long

gavman fotnait bilong yupela. Planti manmeri save kisim sik long ol pablik haus kaikai nabaut.  
**Dick Anno KIMBE**

## Lusim ol maritman i lukautim famili

**Dia Edita,**  
Mi wanpela manki Simbu tasol nau mi stap long Kimbe long Wes Nu Briten provins.  
Mi laik komplem long ol yangpela meri long Kimbe husat i save grisim ol maritman. Ol save wetim ol maritman long pinis wok i kam na bai ol i grisim ol long rot.  
Mi lukim dispela pasin i no stret bikos ol man ya i gat meri pikinini olsem na ol paul meri i no ken mekim pasin olsem.  
Yupela i save mekim olsem na ol man i save lusim mani long yupela na ol meri na pikinini bilong ol i save hangre nogut tru long haus. Long dispela as ol sik i kisim ol pikinini na kros pait i save kamap namel long famili.  
Plis yupela ol meri i no ken mekim olsem long ol maritman. Yupela traim long painim ol yangpela man o no gat mekim gaden na planim kaikai na salim long maket.

**Tobi Kool Siune KIMBE**

## Redio Is mas tok ples

**Dia Edita,**  
Mi wanpela manki Tolai tasol nau mi stap long Madang provins.  
Mi laik bekim pas bilong John Nukwanjay long Wantok Niuspepa long 21 Mas. Em i tok long Redio Is Nu Briten provins mekim planti tok ples tumas.  
Mi laik tokim yu stret olsem Redio Is Nu Briten i gat rait long toktok long tok ples Tolai bikos em provinsal redio bilong ol Tolai. Dispela pasin i wankain tu long ol arapela redio stesis long ol arapela provins.  
Olsem na brata, yu mas tingting gut na toktok bikos komplem bilong yu bai i go lus nating tasol. No gat wanpela samting bai kamap.  
Em tasol na husat i laik bekim em laik tasol.

**Nicholas Gabriel MADANG**

## Memba i giaman

**Dia Edita,**  
Mi laik autim wari bilong mi i go long Memba bilong Erup Wain, Nagali Paput. Mipela votim yu long stap wantaim Pangu Pati. Tasol yu go joinim oposisen na mipela i no amamas.  
Yu kempen na tok bai yu joinim gavman. Mipela ting yu tok tru na votim yu. Tasol nau yu mekim wanem nau long oposisen?  
Yu giamanim tru mipela ol pipel bilong yu. Mipela i sem tru long dispela. Yu save tu olsem o no gat?  
Mipela askim nau olsem yu mas joinim gen Pangu Pati. Bikos mipela ol pipel bilong Frap Wain long Boana em ol sapota tru bilong Pangu Pati.  
Sapos yu les long joinim gavman orait toksave long mipela. Bai mipela i ken votim nupela man.

**Sambon Kambagit MADANG**

## Ol lapun bagarapim Mosbi

**Dia Edita,**  
Mi wok wantaim Capable Konstraksen kampani long Mosbi. Mipela sanapim nau bikpela haus bilong PTC long 4 Mail.  
Planti taim mi save lukim ol lapun manmeri i mekim pasin pamuk long kunai long bikpela san. Mi no amamas long kain pasin olsem.  
Mi laik askim ol plisman na sekyuriti wokman long lukluk long dispela. Na rausim ol lapun manmeri.  
Bikos dispela kain pasin i ken mekim sik AIDS i kamap bikpela long kantri.  
Yupela ol dispela lapun manmeri tu i mas isi liklik long kain pasin nogut. Yupela i no yangpela moa na i laik bikhet yet.  
Mi ting yupela ol lapun bai malolo nau. Tasol yupela i laik winim ol yangpela gen.

**Bob S. Nerosh BOROKO**



### The Bank of Papua New Guinea Announces The 1991 ... "South Pacific Games" 100 Kina Gold Proof Coin

#### Beauty, Scarcity, and Very Real Potential For Increasing Value In A Stunning Gold "Sports" Coin ...

This year Papua New Guinea is issuing its first sports coin ever — commemorating the 9th South Pacific Games. Sports coins are among the most popular commemoratives with collectors around the world. Many issues have increased dramatically in price — such as the 1952 Finland Olympics silver coin that contains less than 5% worth of silver, but now catalogs for up to \$400. The mintage of the Finland Olympics coin was 19,000 — but only 5,000 of the new Papua New Guinea South Pacific Games coins have been authorized!

#### Papua New Guinea's "Bird of Paradise" Gold Coins Have a Long Tradition As Strong Performers

Papua New Guinea's gold coins have featured the magnificent native Bird of Paradise for almost 100 years. Let's compare the first gold "Bird of Paradise" coin with the newest one:

Date	Weight	Fineness	Mintage	Issue Price
1895	7.965 gm.	900	1,500	\$3*
1991	9.570 gm.	999	5,000	\$359

\*The current value of the 1895 coin is \$10,000! The potential of the 1991 issue is obvious.

#### Why You Should Order Your 1991 "South Pacific Games" Gold Coins Now:

- First Sports Coins:** While this is not the first time that Papua New Guinea has hosted the South Pacific Games, it is the first time that the Bank of Papua New Guinea has issued a commemorative coin for the event. This is the first sports coin of any kind issued by this country!
- Limited Edition — 5,000 Proofs For Worldwide Distribution:** Like the 1978 "Golden Butterfly" coin (which has almost tripled in value), the 1991 "South Pacific Games" gold coin will have a tiny authorized mintage of only 5,000 pieces — and a quick sell-out is considered likely.
- Unique Seven-Sided Coin:** Collectors and investors alike are drawn to unusual or unique coins. And the "South Pacific Games" commemorative certainly qualifies as being unusual. Instead of the standard round shape of virtually all coins, this unique design has seven sides!

- Serially Numbered Certificate of Authenticity:** Each coin is accompanied by a Certificate of Authenticity, which attests to the fact that these are legal tender coins officially authorized by the Bank of Papua New Guinea.
- Attractive Designs Struck At The Perth Mint, "Australia's Precious Metal Mint":** Coin features prize-winning design by local art student Mirna Mirna, which combines a stylized Bird of Paradise with the number "9," representing the 9th South Pacific Games. Reverse shows the magnificent Bird of Paradise Coat of Arms, depicted on most coins of this country for the past century.
- A Genuine Legal Tender Coin — Not A Medallion:** Unlike many of the commemorative coins now being produced around the world, the 1991 "South Pacific Games" 100 Kina Proof Gold Coin has official legal tender status.



Shown larger than actual size. 27 mm • 9.57 grams • 999 fin • Maximum Mintage: 5,000

Official Order Form

**The 1991 Papua New Guinea 100 Kina Gold Proof Coin**

Bank of Papua New Guinea  
P.O. Box 121  
Port Moresby, Papua New Guinea

Please accept my order for 100 Kina "South Pacific Games" gold proof coin(s) at the issue price of K 35 each, plus K 5 for handling.

Enclose my remittance of K \_\_\_\_\_ as payment in full (payable to Bank of Papua New Guinea).

(Please print clearly)

Name \_\_\_\_\_

Address \_\_\_\_\_

Price valid for orders received by October 31, 1991.

Orders for the 1991 100 Kina Gold Proof coin should be entered on the form at right and mailed directly to the Bank of Papua New Guinea, P.O. Box 121, Port Moresby.



# WANTOK BISNIS long PAPUA NIUGINI WANTOK

**PRAIS!**  
**PRAIS!**  
**PRAIS!**

## KAKAO

PRAIS bilong drai kakao long wan wan tan long Rabaul long Mande inap long Fraide long dispela wik.

	Mande 12.8.'91	Tunde 13.8.'91	Trinde 14.8.'91	Fonde 15.8.'91	Fraide 16.8.'91
Pe ol baiya esaim long papa bilong fementri	K684	K676	K676	K685	K675
Sapot prais	K503	K503	K503	K503	K503
Prais ol papa bilong fementri i kisim	K1,189	K1,179	K1,179	K1,188	K1,178

*Sapot prais bilong kakao long dispela mun em K503.35. Dispela prais i no wankain olsem pe bilong kakao long ol narapela hap bilong kantri.*

## KOPRA

KOPRA Marketing Bod (CMB) i save baim kopra aninit long tripela grup. Namba wan grup em "Hot Air". Dispela em kopra i drai gut. Namba tu em "F.M.S" o (Fair Merchantable Standard). Dispela kain kopra i namer tasol. Narapela hap bilong em i nogut na narapela i gutpela. Na namba tru em "Smoke". Dispela kain kopra i no gutpela tumas.

*Prais bilong kopra i pundaun long K5 long wan wan tan long Mosbi, Alotau, Lae, Madang, Wewak, Kavieng, Toboi, Kimbe na Kieta. Pe i stap olsem:*

Smoke	K175
F.M.S	K177
Hot Air	K180

*Prais bilong kopra long ol liklik hap i stap olsem:*

SAMARAI	Smoke	K143
	F.M.S	K145
	Hot Air	K148
KANDRIAN na NAMATANAI	Smoke	K140
	F.M.S	K142
	Hot Air	K145
BUKA	Smoke	K139
	F.M.S	K141
	Hot Air	K144
FINSAFEN	Smoke	K135
	F.M.S	K137
	Hot Air	K140
LORENGAU	Smoke	K130
	F.M.S	K132
	Hot Air	K135
KEREMA	Smoke	K120
	F.M.S	K122
	Hot Air	K125

*Prais bilong dispela wik i wankain tasol olsem bilong las wik*

## KOPI

Hia em prais bilong drai Arabika kopi long wan wan kilogram stat long 15 Ogas, 1991. Dispela em prais bilong kopi long dua bilong faktori na i no long sait bilong rot.

Kainantu	K1.10
Goroka	K1.15
Minj na Banz	K1.05
Hagen	K1.15
Lae	K1.05
Wau/Bulolo	K0.95
Aseki	K1.05
Madang	K0.97
Is Sepik	K0.45

*Olgeta ripot i kam long Kopi Industri Bod. Mipela i no inap kisim ripot bilong Kundiawa, Wapenamanda na Mendi.*

## SENISIM MANI



### EXCHANGE RATES

<b>Bank buys at:</b>	Notes	T/T
Australia	1.3730	1.3445
USA	1.0830	1.0492
UK	0.6740	0.6479
<b>Bank sells at:</b>		
Australia	1.3335	
UK	0.6351	
USA	1.0412	
Solomon Islands	2.8678	
China	5.3850	
Fiji	1.5523	
Hong Kong	8.0310	
India	26.1070	
Japan	142.5900	
Malaysia	2.8750	
New Zealand	1.7920	
Singapore	1.7940	
Switzerland	1.6030	
Germany	1.8810	
<b>Gold rates (in US\$):</b>		
per ounce	\$358.85	
per gramme	\$11.54	

## Angco Coffee i save kisim K5 long ol Is Sepik groa

ANGCO Coffee Limited i wok long kisim K5 long wan wan groa long Is Sepik provins taim em i baim kopi bilong ol.

Long dispela K5, Angco i tilim na givim K2 long nupela Kopi Developmen Kopresen (CIC) na K3 i go insait long fan bilong Smolholda Kopi Groas Asosiesen (SOGA) long provins.

Edministreta bilong Is Sepik provins, plorian Mambu i tok dispela i kamap aninit long wanpela tok orait em Kopi Developmen Ejensi (CDA) i mekim wantaim han bilong Angco Coffee Limited long Madang. Aninit long tok orait, Angco bai baim kopi long ol groa na bihain sip i farim i go long Madang.


Sampela ripot i kam long Praimeri Indastri opis i tok tu olsem i gat 990 beg kopi i redi i stap long Maprik bilong go long Wewak na bihain i go long Madang.

Tasol Mambu i tok i no gat wanpela gutpela as tingting bilong dispela kain tok orait. Dispela long wanem provins i gat Lus Developmen Kopresen na Sepik Kopi Produs. Dispela tupela kampani i save kamapim 4,000 tan grin kopi bin. Em i soim olsem ol inap mekim wankain wok

long salim kopi i go long ol narapela kantri. Olsem Angco i wok long mekim.

Em i tok maski Angco inap long mekim dispela samting, em i no min olsem Angco bai go insait na tokim provinsal

gavman long wanem samting bilong mekim. Angco i no ken traim long stapim wanem samting gavman i mekim



**Haus turis bilong Mendi • Kiburu Lodge em wanpela nupela haus turis o liklik hotel i stap klostu tasol long Mendi Riva. I gat planti gutpela samting bilong lukim na Gavana Jenerel, Sir Serei i bin opim long dispela yia. Poto. Issac Soka.**

## Porgera winim namba wan 6-pela mun long painim gol

PORGERA gol main long Enga provins i bin painim 15,494 kilogram long namba wan 6-pela mun long dispela yia. Na dispela i winim tru

mak em ol narapela maining kampani long kantri i painim gol long en. Bihain long Porgera em Ok Tedi wantaim




5,828 kilogram gol. Na Misima i bihainim tupela wantaim 4,050 kilogram gol.

Long silva, Misima i stap antap tru long

tupela arapela long namba wan 6-pela mun bilong dispela yia. Misima i bin painim 39,281 silva, Ok Tedi i bihainim wantaim 13,571 kilogram na Porgera i kam bihain wantaim 11,759 kilogram.

Na Ok Tedi tasol i wok long painim nau kopa bihain long Panguna main long Bogenvil i bin pas. Mak

bilong kopa em Ok Tedi i painim i bin kalap long 135,308 kilogram long 1989 i go long 170,221 kilogram long pinis bilong las yia. Dispela em long las 18 mun. Na long namba wan 6-pela mun bilong dispela yia, Ok Tedi i bin painim 100,711 kilogram kopa. Olsem na lukluk long wok bilong painim kopa, no gat bikpela senis tumas i bin kamap.



## Ol bakstua i go, 400 pablik sevan tu bai lusim wok

MOA long 400 pablik sevan i wok long 16-pela bakstua long kantri bai lusim wok sapos gavman i senisim ol bakstua i go

olsem wanpela praivet kampani.

Wanpela opisa i tok gavman i tokaut pinis long senisim bakstua i go olsem praivet kam-

pani tasol gavman i no tokim ol wanem taim bai dispela i kamap.

Mausman bilong ol dispela pablik sevan i tok i no gat wanpela

tok save yet tasol ol sampela senis i wok long kamap nau. Gav-

man bai holim bek ol bakstua long Lae na long Mosbi na salim ol

narapela long ol provins.

Em i tok gavman bai salim olgeta samting long ol stua...



# Oi Bimat i kilim sanguma man bilong Tawurepat

BIPO bipo tru long taim bilong tumbuna long ples Tawurepat insait long Madang provins, ol tumbuna i save raun long mekim sanguma. Dispela stori i kam long Almani Kaunsil eria long Bogia.

Wanpela taim wanpela meri Bimat i go daun long nambis bilong Suaru na Beriwen long painim sampela sel na kuka bilong kaikai. Em painim i go na apinun tru em i laik go bek long ples.

Tasol bikpela ren i pundaun na em i nogat rot bilong go bek. Olsem na em i go insait long wanpela haus gaden na slip i stap.


I no longtaim ol man bilong Tawurepat tu i kam long dispela haus long hait long ren. Gaden haus ya i no gutpela tumas. Olsem na ren i wok long pundaun i go insait tu.

Wanpela bilong ol dispela man i go antap long hap meri ya i slip na lukim em pinis. Em amamas nogut tru na holim pasim meri ya. Bihain em go daun na giamanim ol arapela man olsem em bai slip nating long dispela hap ren i pundaun long en.

Em giaman olsem na go antap gen long meri ya. Man ya i sruk i go klostu long meri ya na i laik slip wantaim em. Tasol meri ya i giamanim man ya na i tok, "aie-ye-e-e samting sutim sait bilong mi ya. Yu wet pastaim."

Meri ya giaman olsem na supim han i go insait long bilum bilong em, na kisim wanpela kuka em i pasim tupela han bilong em pinis. Isi tasol em lusim rop long tupela bikpela han bilong kuka ya. Na putim stret long bol bilong dispela sanguma man.

Kuka i kaikai strong bol bilong dispela sanguma man ya. Man ya i pilim pen nogut tru na i singaut strong tru. Ol arapela sanguma man i



harim olsem na givim sisti nambaut long bus. Ol i ting olsem sampela man Bimat i mas holim pasim wantok bilong ol pinis.

Meri Bimat tu i ran i kam daun na givim sisti i go long ples bilong em.

Sampela mun i go pinis na bikpela pati i kamap ples Bimat. Olgeta manmeri bilong Tawurepat i go long lukim dispela pati.

Long pati, meri ya i lukim dispela sanguma man na i wok long lap long em yet. Man ya i bel kaskas nogut tru na i tok, "Ah! Yu tasol ya putim kuka long bol bilong mi!"

I no longtaim meri ya i

tingim sospen kaikai long haus na go bek long sekim. Man Tawurepat em asde yet i go wet long haus pinis. Meri i go insait long dua na man ya i holim pasim em.

Em i laik singaut tasol asde yet man ya i putim sit bilong paia long maus na nus bilong em. Trangu meri ya i nogat moa strong na i dai insait long haus. Hariap tru man ya i katim meri ya olsem pik na tromoi insait long sospen antap long paia. Tupela lek bilong meri ya i sanap insait long sospen. Susu bilong meri em sanguma man ya i hanagamap long dua bilong haus.

Man ya i wokim olsem pinis na ranawe i go bek long haus bilong em long ples Tawurepat. Man bilong meri ya i go antap long haus na lukim olsem meri bilong em i dai pinis. Em i nogat toktok. Isi tasol em putim ol bodi wantaim na planim.

Toktok i go bikpela na olgeta manmeri i wok long sutim tok nambaut. Olgeta i kamap long wanpela tingting olsem wanpela man Tawurepat i mas kilim dispela meri.

Sampela yia i go pinis na olgeta i lus tingting long dispela indai. Wanpela taim dispela sanguma man i laik go raun long nambis. Em wok-about i go na kamap long ples Bimat.

Em slip liklik long Bimat na i lak go bek. Ol manmeri long Bimat i askim em long wanem taim em bai kam bek. Orait ol i putim was i stap na sanguma man ya i kam bek.

Em malolo long ples i stap na sampela meri kisim kaikai i kam givim em. Ol i givim em sampela pis wantaim buai na smok tu.

Man ya i laik kirap na wok-about tasol nogat. Ol man Bimat i holim pasim em pinis. Ol i pasim lek han bilong em long rop, limpun na drai lip bilong kokonas (pompom).

Long het bilong dispela sanguma man, ol i putim ol bilum bilong meri ya em i bin kilim. Ol i bilasim em pinis na laitim pompom antap long het bilong em. Na larim man ya i ran i go daun long maunten.

Paia lait i kam na kukim het bilong sanguma man ya. Het bilong em i bruk na pairap strong tru. Man ya i dai na paia i kukim olgeta skin bilong em.

Em tasol stori bilong mi.

Paul Mekiah  
BOGIA-MADANG



□ WANPELA Kombe i spak nogut tru na i kam long haus. Meri i kirap na tokim em, "Yu spak gut tru i stap na las de i kam, mipela bai i go. Na yu turangu, bai no gat olgeta." Tasol boi Kombe kirap na tokim meri bilong em, "Mi sori long yupela, yupela i ken go pas. Mi em boi nogut, mi bai kisim helikopta na raun gut tru long Rabaul taun na pinisim bia long olgeta klap, hotel na jimnesium pastaim. Orait bihain bai mi kam long helikopta bilong mi. Yu husat pekpek man bai rausim mi antap."

Philip Burai & S. Kay,  
Mushu Island, Wewak.

□ MERI bilong Kanage i kukim rais pinis na karim i go putim antap long tebol klostu long klinpela baket. Kanage sindaun lukim televisen i tanim na bikmaus, "Hei longlong, putim pot longwe long sospen." Meri i kirap bikmaus long sait, "Putim pot longwe long sospen o sospen longwe long baket. Yu baket yu."

Mary Lasi,  
Wewak, E.S.P.

□ WANPELA Tambunum long hap bilong Sepik Riva i kilim wanpela dok na wokim gutpela sup stret. Em grisim gut tru na skelim long plet. Olgeta wantok i kam bung na laik kaikai taim olgeta hap bilong dispela dok i kam bung wantaim gen na dok brukim lain pitpit na i go lus olgeta. Tarangu, ol biklain Tambunum kirap na dringim tasol sup bilong dok ya.

Timothy, Daniel, Isaiah,  
Kimbe, W.N.B.P.

□ MERI Ulga i bungim boipren bilong em bilong Wia Maramb na tupela i go baim kaikai long haus kaikai. Tupela i wok long kaikai i stap taim meri Ulga i kapupu. Boi Wia i harim olsem na kirap askim, "Hei, yu pulimapim pikinini pik long bilum ah?" Na meri Ulga i bekim, "Yu stap isi. Dispela pairap ya em telipon papa i ringim mi bilong go hariap long haus."

Gabriel Nori Pop's,  
Mt Kuta, Hagen, W.H.P.



Taim bilong kos: oi lain husat i bin kamap long kos bilong ol disebel long Hagen. Poto Alphonse Pu.

## Bai mi stap long smok olsem wanem?



Dia LAIPLAIN,

Mi save smok olgeta taim long 10-pela yia i go pinis. Mi save smokim tripela paket long wanpela de.

Mi traim long stap tasol mi i no inap. Inap yu tokim mi long wanem kain we mi ken stap long smok?

NON-STOP SMOKER

Dia PREN,

Mi save olsem dispela em i wanpela bikpela pasin we i hat long stapim.

I gutpela sapos yu painim wanpela man husat i bungim sem hevi long stap smok. Dispela em wanpela man husat i ken bungim olgeta de olsem wanpela wan wok bilong yu. Bai yutupela i ken helpim yutupela yet.

Sampela pipel painim olsem i no gutpela long karim mani na raun. Bikos taim ol i nogat mani, ol i painim hat long go insait long stua long baim

smok.

Kaikai PK o suga i ken givim esesals long maus. Sapos yu drink planti blek kopi, bai yu gat dispela tingting bilong smok, we i kam long strongpela marasin ol i kolim "nicotine" long tobako.

Traim long mekim wok olgeta taim, bai yu i no inap tingting long smok.

Ol apinun na wiken em taim yu pilim olsem yu laik smok. Olsem na traim long ogenaising wan-taim sampela pren long pilai spot o mekim sampela kain esesals.

Sapos yu marit, yu ken kisim meri o famili bilong yu na go wokabout liklik.

Yu ken plenim tu long taim sampela "spesel" samting long mani yu bai savim taim yu no baim smok. Dispela i mas wanpela samting we i ken mekim long taim yu stap nating.

Taim wanpela man i laik stapim wanpela pasin olsem, i gat tupela bikpela hevi.

Namba wan em i gat bikpela birua bilong kaikai planti, na go fat. Olsem na no ken kaikai planti kaikai olsem bred, rais, kaukau na saksak.

Namba tu yu ken go insait long narapela pasin gen taim yu stapim wanpela, olsem drinkim bia. Pasin bilong smok i no bikpela hevi tumas. Tasol bilong drink bia bai bringim moa hevi long yu yet na famili. Olsem na lukaut long kalap long pasim bilong drink planti bia.

Bai i hat tru long stapoim yu yet long smok, taim yu lukim ol poroman i smok. Olsem na traim long abrusim ol bung we save olsem bai yu bungim dispela hevi. Dispela em long wanpela mun samting taim yu stat long stap smok.

MI LAIPLAIN



# Make Your Bid at the Final Event of The South Pacific Games



## The Official South Pacific Games Vehicle Auction

Port Moresby - 5th October, Lae - 12th October

All bidders must be registered to participate at either auction venue. Registration commences on the 2nd September 1991. Bidders can register at any one of the venues listed below. Special discount rates will be available for shipping vehicles to major Papua New Guinea ports. For all enquiries contact one of our representatives:



**PNG MOTORS**

PORT MORESBY	Mike Raes	25 5788
	Graham Watt	
	Sergius Arek	
LAE	Neville Whitecross	42 4733
	Des Stearman	
	Henry Klink	
MT. HAGEN	Ron Sharpe	52 2100
GOROKA	Chris Anders	72 2648
RABAUL	Brian Grey	92 2025



PORT MORESBY	Graeme Dunnage	21 4033
	Mike Carter	
	Richard Sapias	
LAE	Mike Quinn	42 5144
	Gerard Lamis	
MT. HAGEN	Tom Lindapi	52 2283

**mazda**

OFFICIAL SUPPLIER OF MOTOR VEHICLES TO THE 9TH SOUTH PACIFIC GAMES, PAPUA NEW GUINEA 1991





**WANTOK**

NIUSPEPA BILONG OL PAPUA NIUGINI STRET

**PABLIK NOTIS**

Sapos yu laik advertais, telepon 25 2500 na askim long

MFR1 AIOFI long Ext 203  
JOHNATHAN BOMIEPE long Ext 215  
KOSNTO FOSAGU long Ext 218



INDEPENDENT STATE OF PAPUA NEW GUINEA.

*Curfew Act 1987.*

PROCLAMATION OF CURFEW.

I, SEREI ERI, G.C.M.G., K. St. J., Governor-General, by virtue of the powers conferred by Section 3 of the *Curfew Act 1987* and all other powers me enabling, acting with, and in accordance with the advice of the National Executive Council, hereby require every person within the boundaries of National Capital District (being the boundaries specified in the Organic Law on the Boundaries of the National Capital District) to remain within doors between the hours of eleven o'clock in the evening (11 p.m.) and five o'clock in the morning (5 a.m.) for a period of 38 days commencing on and from eleven o'clock in the evening (11 p.m.) on Wednesday 21 August 1991.

DATED this 21<sup>st</sup> day of August, 1991.

GOVERNOR-GENERAL.



INDEPENDENT STATE OF PAPUA NEW GUINEA.

*Curfew Act 1987.*

PROCLAMATION OF CURFEW.

I, SEREI ERI, G.C.M.G., K. St. J., Governor-General, by virtue of the powers conferred by Section 3 of the *Curfew Act 1987* and all other powers me enabling, acting with, and in accordance with the advice of the National Executive Council, hereby require every person within the boundaries of Morobe Province to remain within doors between the hours of eleven o'clock in the evening (11 p.m.) and five o'clock in the morning (5 a.m.) for a period of 32 days commencing on and from eleven o'clock in the evening (11 p.m.) on Tuesday 27 August 1991.

DATED this 21<sup>st</sup> day of August, 1991.

GOVERNOR-GENERAL.



**MORTGAGEE SALE**

- Medium covenant fibro dwelling. Lot 19 Section 113 Bumbu Road, Omili, Lae. State Lease Volume 45 Folio 26
- Property at Portion 7 Milinch Kaiapit Fourmil Markham. State Lease Volume 46 Folio 26. The property contains 1472 acres. It is situated at Geram (Kaiapit) 126 kilometres from Lae and approximately 10 kilometres from Okuk Highway.
- Property at Portion 29 Milinch Onga Fourmil Markham. State Lease Volume 37 Folio 61. The property contains 3 roods 27.5 perches. It is situated near Mutzing Station 136 kilometres from Lae along Okuk Highway.

The following clauses are to be printed under each of the properties:-

The tenders close on 9/9/1991

The PNGBC retains the right to accept or reject any tender submitted.

For further information please contact Mr Kini Geno on Phone No. 42 2244. All tenders are to be addressed to the Manager, PNG Banking Corporation, P O Box 104 Lae, Morobe province.

**Word Publishing**

I go het wantaim PNG

Oi Engliken, Katolik, Lutheran na Yunaitet sios i amamas long bung wantaim long wokim ol nius



**WANTOK**  
NIUSPEPA BILONG PAPA NIUGINI STRET  
PNG's Tok Pisin newspaper



**THE TIMES**

PNG's award winning newspaper



**BUSINESS**

reporting on the business community

**SPORT**  
*Weekend*

for complete sport coverage



Oi 2 milien memba bilong Engliken, Katolik, Lutheran na Yunaitet sios i amamas long stap olsem papa bilong dispela wok long kamapim ol nius





# MUSIK na TELEVISIEN

## Aipas man bilong Namatanai i laik fraim namba tu kaset gen

*Meri Namatanai, yu maritim mi, simel paura, simel purpur, Nu Ailan i tanim bek long mi.*

MASKI em i aipas, han bilong dispela yangpela man bilong Kabanut klostu long Namatanai. Nu Ailan provins inap painim string bilong gita na skrapim bhainim musik na nek bilong singsing. Na long las singsing long Sait B, MERI NAMATANAI, Hosea Wartabar i solm stret dispela stail bilong em. Olsem ol hap namba wan tok-tok i stap antap, singsing ya i stap long *Tok Pisin* na i gutpela moa. Em i musik bilong danis, pilaim long taim bilong pati na tu long ol klab na takaboks nabaut long kantri.



• Hosea

helpim tu long mekim dispela singsing i karai gut tru. Namba tu singsing ALELE i stap long tok ples bilong ol lain Pomio bilong Is Nu Briten provins. Dispela singsing inap tanim bel long taim bilong sore na i gutpela tu bilong bhainim na singim. Narapela wankain singsing olsem ALELE bilong tanim bel na kirapim tingting em CANTER long Sait A yet. Dispela singsing tu i isi na bai bhainim reggae stail tasol long taim olgeta lain i singsing wantaim. Singsing MERI KABANUT long Sait B i stap long *Tok Pisin*.

Hosea i bin katim kaset bilong em wantaim Pacific Gold studio long Rabaul long mun Novemba las yia. No gat wanpela man i bin lainim em long pilaim gita. Maski Hosea i alpas, em i skulim em yet long gita na i save pilaim. Na em i namba tri musikman nau bilong Namatanai long katim kaset wantaim Pacific Gold. Hosea i bin kism dispela kain strong na ekspirien bilong wokim musik na katim singsing long studio long 1989 yet. Em long taim em i bin

katim namba wan kaset wantaim Chin H. Meen studio. Na dispela kaset i bin kamap gut tru. Long dispela namba tu kaset nau, em i miksim tu ol singsing long kain kain tok ples. Namba wan singsing long Sait A, LAVANG LAVANG i kam long wanpela liklik ailan ol i kolim Tabar. Dispela singsing i stori long ol kindam na kina bilong solwara. Pastrap bilong gita na musik long dispela singsing i bhainim ailan reggae. Ol liklik meknais bilong John Warbat wantaim gita i

Dispela singsing i stori long wanpela man husat i go long Namatanai bikos em i laik painim ol meri Kabanut. Tasol em i go na ol i kilim long hap. Brata bilong em i wari na tanim dispela singsing. Namba tu singsing HIN HINAVAS bai pulim na grism planti man na meri long kantri. Dispela singsing i solm tru wanem kain nek em Hosea i gat long en.

## Kumul studio katim namba tu lain kaset

I GAT wanpela musik studio tasol bilong man Papua Niugini i stap long kantri. Na dispela studio i no gat bikpela nem tumas olsem ol narapela long kantri.

Dispela em Kumul studio bilong Goroka long lsten Hailans provins. Na em i katim pinis 4-pela namba tu lain kaset long dispela mun. Dispela ol kaset i stap nabaut long ol stua nau. Papa bilong Kumul studio em olpela memba bilong Waghi Hellcats ben, Pat Siwi na brata bilong em George.

Tupela yet i save lukautim olgeta wok bilong katim na stretim ol singsing long kaset. Tupela i save yusim wanpela kain kompyuta musik masin ol i kolim olsem MIDI. Long Inglis, dispela i min olsem "Musical Instrument Digital Interface".

Ol 4-pela nupela kaset em Kumul studio bilong Goroka i katim pinis em Benzye Pa Kare, wanpela gospel musik grup bilong Wabag, Junior Sagothorns husat i stap nau long Hagen na tupela solo atis, Steven Tiria na Andy Kamane.

Pat na George i bin yusim MIDI long helpim dispela ol lain musikman na meri long katim ol singsing bilong ol i go long kaset. Kain musik bilong

Kumul studio i narakain tru long ol narapela. Musik bilong Kumul i save pairap olsem ol lektrik ben yet i pilaim nabaut. Na dispela i no olsem sampela musik bilong giamanim yau tasol na samting tru nogat.

Karamap bilong ol kaset tu i no hat long luksave. Na ol i save wokim ol karamap bilong kaset long Madang.

Wanpela kaset em planti lain i laikim nau em bilong Steven Tiria. Steven i bilong Kokopo long Is Nu Briten provins. Na i save wok wantaim Dipatmen ov Woks long Goroka. Em i namba wan solo atis bilong Niugini ailan rijon long katim kaset wantaim Kumul studio.

Olgeta singsing bilong em i stap long tok ples Kuanua, Buka na Tok Pisin. Em yet i bin raitim na tanim planti singsing long stail bilong em yet. George Siwi yet i pilaim olgeta gita, kibot na dram long dispela kaset.

Wanpela singsing bilong katim lewa bilong planti lain em LUSIM MI long Tok Pisin. Dispela em stori bilong wanpela man husat i lusim meri. Bihain em i askim sapos meri inap kam bek long em.



• Papa bilong Kumul studio long Goroka, Pat Siwi i sindaun long nupela studio bilong em. Foto: Sape Metta.

EMTV				
<p><b>THURSDAY 22ND AUGUST, 1991</b></p> <p>6.00 TEST PATTERN AND MUSIC</p> <p>6.27 STATION OPEN</p> <p>6.30 ITN WORLD NEWS</p> <p>7.00 TODAY SHOW (G)</p> <p>9.00 STATION CLOSE</p> <p>1.42 STATION RE-OPEN</p> <p>1.45 MIDDAY WITH RAY MARTIN (PGR)</p> <p>3.00 SESAME STREET</p> <p>4.00 KIDS KONA</p> <p>4.30 HUCKLEBERRY HOUND</p> <p>5.00 GILLIGAN'S ISLAND "D'1 bug the mosquitoes"</p> <p>5.27 EMTV TOKSAVE</p> <p>5.29 NATIONAL EMTV NEWS BREAK</p> <p>5.30 HOME AND AWAY</p> <p>6.00 NATIONAL EMTV NEWS</p> <p>6.30 A CURRENT AFFAIR</p> <p>7.00 SALE OF THE CENTURY (G)</p> <p>7.25 EMTV NEWS UPDATE (G)</p> <p>7.30 NEIGHBOURS (G)</p> <p>7.52 EMTV TOKSAVE</p> <p>7.55 EMTV NEWS UPDATE</p> <p>8.00 HEY DAD</p> <p>8.24 EMTV NEWS UPDATE</p> <p>8.29 EMTV NEWS MAGAZINE</p> <p>8.30 ALL TOGETHER NOW "Daddy Cool"</p> <p>8.59 EMTV NEWS MAGAZINE</p> <p>9.00 21 JUMP STREET</p> <p>9.02 21 JUMP STREET "Slippin' into darkness" (PGR)</p> <p>10.00 SPORTS ACTION</p> <p>10.57 MEDITATION (G)</p>	<p><b>WITH PASTOR WALO ARNI</b></p> <p>11.00 STATION CLOSE</p> <p><b>FRIDAY 23RD AUGUST, 1991</b></p> <p>6.00 TEST PATTERN AND MUSIC (G)</p> <p>6.27 STATION OPEN</p> <p>6.30 ITN WORLD NEWS (G)</p> <p>7.00 TODAY SHOW</p> <p>9.00 STATION CLOSE (G)</p> <p>1.42 STATION RE-OPEN</p> <p>1.45 MIDDAY WITH RAY MARTIN (PGR)</p> <p>3.00 SESAME STREET (G)</p> <p>4.00 AQUAMAN (G)</p> <p>4.30 HUCKLEBERRY HOUND (G)</p> <p>5.00 GILLIGAN'S ISLAND (G) "Erika Tiffany Smith to the rescue"</p> <p>5.27 EMTV TOKSAVE (G)</p> <p>5.29 EMTV NEWS BREAK (G)</p> <p>5.30 HOME AND AWAY (G)</p> <p>6.00 NATIONAL EMTV NEWS</p> <p>6.30 A CURRENT AFFAIR (G)</p> <p>7.00 SALE OF THE CENTURY (G)</p> <p>7.25 EMTV NEWS UPDATE (G)</p> <p>7.30 NEIGHBOURS (G)</p> <p>7.52 EMTV TOKSAVE</p> <p>7.55 PNG WINFIELD LEAGUE 1991</p> <p>8.05 THE YOUNG DOCTORS (G)</p> <p>8.59 EMTV NEWS UPDATE</p> <p>9.04 EMTV NEWS MAGAZINE</p> <p>9.05 THE EQUALIZER (PGR) "Encounter in a enclosed room"</p> <p>10.04 EMTV NEWS MAGAZINE</p> <p>10.05 BEYOND 2000</p> <p>11.02 MEDITATION WITH PASTOR WALO ARNI</p> <p>11.05 STATION CLOSE</p>	<p>10.24 NATIONAL EMTV NEWS UPDATE</p> <p>10.29 EMTV NEWS MAGAZINE</p> <p>10.30 GUNSMOKE (PGR) "Guns of Sibola Blanca Pt 1"</p> <p>11.27 MEDITATION</p> <p>11.30 STATION CLOSE</p> <p><b>SATURDAY 24TH AUGUST, 1991</b></p> <p>8.00 TEST PATTERN AND MUSIC</p> <p>12.17 STATION OPEN</p> <p>12.20 INTERNATIONAL RUGBY UNION</p> <p>2.10 WIDE WORLD OF SPORTS (G)</p> <p>5.00 TBA</p> <p>5.27 EMTV TOKSAVE (G)</p> <p>5.29 NATIONAL EMTV NEWS BREAK</p> <p>5.30 GILLETTE (G)</p> <p>6.00 NATIONAL EMTV NEWS (G)</p> <p>6.30 HEY HEY IT'S SATURDAY (G)</p> <p>8.22 EMTV TOKSAVE</p> <p>8.25 EMTV NEWS UPDATE</p> <p>8.30 HAWAII 5-0 (G) "Death wish on Tortugas mountain"</p> <p>9.27 EMTV NEWS MAGAZINE</p> <p>9.30 THE WACKIEST SHIP IN THE ARMY (G)</p>	<p>"Liberty was a lady"</p> <p>10.30 LAVERNE &amp; SHIRLEY</p> <p>"Ghost story"</p> <p>11.27 MEDITATION</p> <p>11.30 STATION CLOSE</p> <p><b>SUNDAY 25TH AUGUST, 1991</b></p> <p>8.00 TEST PATTERN AND MUSIC</p> <p>10.55 STATION OPEN</p> <p>11.00 WIDE WORLD OF SPORT</p> <p>1.00 BUSINESS SUNDAY</p> <p>2.00 SUNDAY (G)</p> <p>4.00 SPORTS SUNDAY</p> <p>6.00 NATIONAL EMTV NEWS</p> <p>6.23 THE ROAD TO THE 1991 SOUTH PACIFIC GAMES</p> <p>6.30 SPORTS ACTION "Rugby League"</p> <p>8.25 CHIT CHAT WITH SIR PAULIAS MATANE</p> <p>8.30 60 MINUTES</p> <p>9.22 EMTV TOKSAVE (G)</p> <p>9.25 NATIONAL EMTV NEWS UPDATE</p> <p>9.30 SUNDAY NIGHT MOVIE "I was Monty's double" (G)</p> <p>10.57 MEDITATION</p> <p>11.00 STATION CLOSE</p> <p><b>MONDAY 26TH AUGUST, 1991</b></p> <p>6.00 TEST PATTERN AND MUSIC</p> <p>6.57 STATION OPEN</p> <p>6.30 ITN WORLD NEWS</p> <p>7.00 TODAY SHOW</p> <p>9.00 STATION CLOSE</p> <p>1.42 STATION RE-OPEN</p> <p>1.45 MIDDAY WITH RAY MARTIN (PGR)</p> <p>3.00 SESAME STREET (G)</p> <p>4.00 KIDS KONA (G)</p> <p>4.30 HUCKLEBERRY HOUND (G)</p> <p>5.00 GILLIGAN'S ISLAND (G) "Mine Hero"</p> <p>5.27 EMTV TOKSAVE</p> <p>5.29 EMTV NEWS BREAK</p> <p>5.30 HOME AND AWAY (G)</p> <p>6.00 NATIONAL EMTV NEWS</p> <p>6.30 A CURRENT AFFAIR (G)</p> <p>7.00 SALE OF THE CENTURY (G)</p> <p>7.25 EMTV NEWS UPDATE</p> <p>7.30 NEIGHBOURS (G)</p> <p>8.00 THE YOUNG DOCTORS</p> <p>8.52 EMTV TOKSAVE</p> <p>8.55 EMTV NEWS UPDATE</p> <p>9.00 FLYING DOCTORS</p> <p>9.54 EMTV NEWS UPDATE</p> <p>9.59 EMTV NEWS MAGAZINE</p> <p>10.00 SPORTS ACTION</p> <p>11.57 MEDITATION WITH PASTOR WALO ARNI</p> <p>11.30 STATION CLOSE</p> <p><b>TUESDAY 27TH AUGUST, 1991</b></p> <p>6.00 TEST PATTERN AND MUSIC</p> <p>6.27 STATION OPEN</p> <p>6.30 ITN WORLD NEWS (G)</p>	<p>7.00 TODAY SHOW (G)</p> <p>9.00 STATION CLOSE</p> <p>1.42 STATION RE-OPEN</p> <p>1.45 MIDDAY WITH RAY MARTIN (PGR)</p> <p>3.00 SESAME STREET (G)</p> <p>4.00 AQUAMAN (G)</p> <p>4.30 HUCKLEBERRY HOUND (G)</p> <p>5.00 GILLIGAN'S ISLAND (G) "Erika Tiffany Smith to the rescue"</p> <p>5.27 EMTV TOKSAVE (G)</p> <p>5.29 EMTV NEWS BREAK (G)</p> <p>5.30 HOME AND AWAY (G)</p> <p>6.00 NATIONAL EMTV NEWS</p> <p>6.30 A CURRENT AFFAIR (G)</p> <p>7.00 SALE OF THE CENTURY (G)</p> <p>7.25 EMTV NEWS UPDATE (G)</p> <p>7.30 NEIGHBOURS (G)</p> <p>7.52 EMTV TOKSAVE</p> <p>7.55 PNG WINFIELD LEAGUE 1991</p> <p>8.05 THE YOUNG DOCTORS (G)</p> <p>8.59 EMTV NEWS UPDATE</p> <p>9.04 EMTV NEWS MAGAZINE</p> <p>9.05 THE EQUALIZER (PGR) "Encounter in a enclosed room"</p> <p>10.04 EMTV NEWS MAGAZINE</p> <p>10.05 BEYOND 2000</p> <p>11.02 MEDITATION WITH PASTOR WALO ARNI</p> <p>11.05 STATION CLOSE</p> <p><b>WEDNESDAY 28TH AUGUST, 1991</b></p> <p>6.00 TEST PATTERN AND MUSIC</p> <p>6.27 STATION OPEN</p> <p>6.30 ITN WORLD NEWS (G)</p>

G General Exhibition  
PGR Parental Guidance Required  
AO - Adults Only





# SOFBAL

## Papua Niugini Sofbal Federesen makim tim bilong SP Gem

PAPUA Niugini Sofbal Federesen i makim pinis fainal tim bilong Saut Pasifik gem. Insait long tim bilong ol meri 16 pilaia i stap long en. Wankain namba i stap long tim bilong ol man.

Dispela tupela tim i putim kamap laspela trening long Nesenel Spot Institut long Goroka tripela wik i go pinis. Insait long dispela trening kem ol selekta i makim ol pilaia gen na daunim namba i go daun 13 bilong ol meri na 16 bilong ol man.

Namel long tripela wik ya, planti ripot i kam long ol kosa bilong arapela senta we ol pilaia i stap long en olsem

planti pilaia i no bihain lo Sofbal Federesen i raitim long buk. Olsem na ol i senisim sampela pilaia bikos ol arapela pilai i no bihainim lo bilong sofbal. Tupela meri Audrey Pitalai na Tus Pulu bai i no inap i stap long skwat bilong Saut Pasifik gem. Tupela yet i bin tokaut long dispela.

Long tim bilong ol man Tony Daple bai i no inap pilai bikos em i no save kamap long trening taim em i pinisim kem bilong em long Nesenel Spot Institut. Tasol George Puipui i tok olsem Daple i no kamap long trening bikos em i no laik long i stap long skwat.

Daple i gat sampela samting long wokim na em i no laik long pilai sofbal, Puipui i tok. Em i tok, taim ol selekta i makim ol pilaia ol eksekutiv i salim wanwan pas long olgeta dispela pilaia. Dispela pas i toksave long lo bilong trening na tu wanem samting ol pilaia i mas bihainim long taim bilong trening.

Wanpela lo i stap long dispela pas i tok olsem taim ol selekta i makim ol pilaia ol dispela pilaia i no ken pilai wanpela spot. Ol i mas pilai sofbal tasol inap Saut Pasifik gem pinis. Tasol Daple i no bihainim dispela lo. Taim em i pinis long Nesenel

Spot Institut em joinim wanpela ragbi lig klap na pilai ragbi. Dispela pasin i kamapim bel hevi long ol selekta na ol i rausim em long skwat.

Long lukautim gem bilong dispela tim Joan Toliman bai i go pas long en. Ol pilaia husat i stap long tim nau em Kolish Diap, Rose Paula, Emma Kalas, Mary Waigoga, Vivienne Pasen, Nancy Pala, Ursulla Wanana, Vuvung Oliver, Margaret Walne na Relvie Napitalai. Ol arapela nupela pilaia husat i go insait long skwat bihain long trening kem long Nesenel Spot Institut em Winifred Mardi,

Roslyn Pasen, Shirley Kuam, Kessie Walue na Agnes Diou.

Na Joe Kalamus bilong Lae i senisim Tony Daple. Nau yet i no gat senis i kamap. Na olgeta pilaia i stap wankain tasol. Hia em nem bilong ol man husat i stap long skwat, Benson Otto, Patrick Pilak, Cornelius Bunbun, Francis Diap, Vincent Norlick, Robin Larbet, Peter Urari, Taupa Ngongoi, Wesley Peni, Pulpulung Lipirin, Pedreo Kinawai, Damin Wartovo, James Tovue, Victor Demas na Allan Tomang.

Na hia em nem bilong ol opisal long lukautim dispela tim.

## Madang statim pri sisen resis nau

PRI sisen sofbal resis bilong Madang i stat pinis long las wiken.

Pri sisen resis i stat long las wiken, na bai i pinis long namba w31 de bilong dispela mun (31 Ogas, 1991).

Resis ya i bihainim nok aut pasin. Olsem na bihain long las raun, tupela top tim bai i bung long gren fainal. Dispela em long resis bilong ol man na meri wantaim.

I gat 19 tim olgeta long pri sisen resis. Long ol dispela tim em 7-pela i save pilai long resis bilong ol man. Na 5-pela moa (12-pela) i save moa pilai long resis bilong ol meri.

Nem bilong ol tim husat i save pilai long resis bilong ol man em Water Board, Karanas, Kapiu, Watabag, Newtown, Khin Hill, na PTC.

Log resis bilong ol meri bai yu bungim planti tim tru olsem Kabiu, Bankers, Water Board, Godowan, Royals, Tarangau, Khin Hill, Kallibobo, Melanesian na United Sisters.

Pri sisen resis ya i stap aninit long lukaut bilong olpela presiden bilong Madang Sofbal Asosiesen, Obert Emos.

Bihain long pri sisen bai asosiesen i makim nupela eksekutiv bilong ranim ol resis long 1991/92 sisen.



• (ANTAP) - Wanpela strongpela nem tim bilong Mosbi sofbal resis, Brown Eagles. Dispela em bihain long ol i autim Malangan 3-1 long wos aut gem bilong las sisen.

• (RAITHAN) - Stail bilong ol Brown Eagles pialia yet. Bill Kilala i kalap long ketsim bal.



# BENSON and HEDGES



## Trupela gren fainal bai i kamap nau namel long ol meri Guria na Wanzesi



• Golkipa bilong Sobou, Virginia Robert i kisim taim long semi fainal gem egensim Guria long las wiken. Ol wan pilaia bilong em, Robyn Daniel. Banono na Judy wantaim Terry Barambi i traim long stretim trangu Golkipa bilong ol husat i kisim taim nogut tru. Ating wanpela Guria meri i mas pamim em nogut tru taim em i kalap long ketsim bai. Long dispela kain stail bilong pilai na Guria i bagarapim stret sindaun bilong ol meri Sobou 6-2. Guria bai i bungim nau Wanzesi long gren fainal, em bai i kamap long dispela wiken. Dispela bai i wanpela strongpela gem tru. Las yia Guria i bungim Sobou na i lus. Sobou i winim gren fainal bilong las yia. Wanzesi i bin winim sans long pilai insait long fainal. Tasol em i seksek long go daun pilai long Stratford 2000 soka resis long Kens, Australia na i no pilai. Dispela wiken em bai i bungim Guria.



## Vanimo yusim aidi kat nau

OL pilaia bilong Vanimo Soka Asosiesen long Sandaun provins i stat pinis long yusim aidi kat.

Seketeri bilong asosiesen, Jalmeim Nateleo i tok dispela nupela senis i bin kamap long tupela wik i go pinis.

Na namel long 450 na 500 pilaia bilong asosiesen i yusim nau aidi kat long pilai. Dispela em olgeta pilaia bilong tripela divisen insait long asosiesen. Nem bilong ol dispela divisen em primia, primia risev na wimens divisen bilong ol meri.

Dispela em wanpela bikpela developmen em nupela eksekutiv bilong Vanimo Soka Asosiesen aninit long lukaut bilong presiden Peter Yemin i mekim long dispela sisen. Dispela aidi kat em ol pilaia bai i yusim long 1991 na 1992 sisen.

Nateleo i tok dispela i bin wanpela bikpela esesais liklik. Tasol asosiesen i kisim K4 long resistresen bilong wan wan pilaia, na yusim long mekim dispela aidi kat.

Nateleo i askim nau ol pilaia long yusim dispela aidi kat na go insait long lukim pilai. Na tu long soim ol referi ol lainsmen bipo ol i kisim fil bilong pilai.

Long resis em ol meri i pinisim pinis namba wan raun. Dispela wiken ol bai i malolo na statim namba tu raun long narapela wiken. Olsem na ol risev divisen i ken yusim graun tu long kik. Dispela em long dispela Sande tasol.

Long poin lata nau bilong ol meri em Waramo i go pas wantaim 16 poin olgeta. Bihain long Waramo em Lido na Walda wantaim 13 poin, Yako wantaim 12-pela poin, na Watex wantaim

11-pela poin (Lukim poin lata long pes 22).

Resis bilong ol man long primia divisen i pilaim pinis 12-pela gem, na i gat tripela moa long pinisim resis bilong namba wan raun. Nateleo i tok ol man bai i nogat resis bilong raun tu. Bikos asosiesen i bin statim resis bihain, na i nogat inap taim nau long pinisim raun namba tu hariap, sapos i stat.

Lido i go pas nau long resis bilong ol man. Poin lata bilong ol man long primia na risev divisen wantaim i no redi yet.

Resis bilong ol man long risev gret i gat wanpela gem tasol i stap yet.

Long ol gem bilong las wiken i gat planti fofit tru. Long primia divisen i gat tripela fofit, primia risev divisen i gat 4-pela. Toreseli tim bilong primia risev, na Vanimo Fores bilong primia divisen em tupela bilong 7-pela tim husat i bin lusim gem long fofit las wiken.

Nateleo i tok ol pilaia bilong Toreseli na Vanimo Fores i bin kamap long pilai. Tasol wanpela samt-ing em tupela i no baim pilaia resistresen fi bilong ol pialia yet.

"Sapos tupela i laik pilai yet orait tupela i mas baim dispela fi bipo long Fonde 22 Ogas, 1991. Sapos nogat bai tupela i no inap pilai moa long resis, na lusim gem long fofit tasol," Nateleo i tok.

Ol arapela tim husat i no kamap long pilai, na i lusim gem long fofit em Waromo na Lido bilong primia divisen, na Osima na Lido bilong primia risev divisen.



## GFC bai winim Yunivesiti long Mosbi gren fainal

TUPELA klap insait long Mosbi soka we i kamapim planti biknem pilaia bilong Papua Niugini bipo, em GFC na Yuni. Sampela bilong ol dispela nem em Samar Asugum, Brown Bai, Philip Ragi, Kisakiu Posman, na planti arapela.

Insait long gut-taim (em long ol yia bilong 1974 i kam pinis long 1982 samting), dispela tupela tim i stap antap tru long poin lata. Na long taim tupela i laik kik egensim tupela yet, Hubert Murray Stadium o wanem hap tupela i kik long en bai pulap tru.

Ol manmeri i kam lukim pilai, planti taim long pilai, ol i save sanap tasol na singaut long wanem tim ol i save sapatim. Planti dispela taim tu, ol kik i save kamap long nait. Na ol manmeri pikinini ol i no save wari. Ol i save painim wanem mani ol i gat, kisim

bas na go lukim pilai.

### Ol nupela tim

Long pinis bilong dispela taim mi makim yia nau, sampela nupela tim i kam insait long Mosbi soka. Wapela long ol dispela tim em Guria. Na taim Guria i kam insait, em i pasim gut tru nem bilong dispela tupela lapun tim.

Stat long las yia, Yuni i pilim olsem strong bilong em i slip lontaim pinis. Olsem na em i kirapim strong bilong em gen na winim gren fainal long las yia.

Ating dispela samting i kirapim tu bel bilong GFC. GFC i mas pilim olsem poroman lapun tim bilong em i gat nem nau. Em tu i mas gat wankain nem. Long dispela yia, planti tim i traim ol kain trik long autim dispela tupela tim. Tasol, ol i popaia.

### GFC egensim Yuni - 1991

Long dispela wiken, dispela



tupela tim bai kik gen long primia divisen gren fainal. Planti ol yangpela manmeri na ol lapun bai kam was long dispela gem. Na tu, planti long ol bai tingim bek ol taim we ol manmeri i save pulumapim tru Hubert Murray Stadium long lukim 'gutpela soka'.

Olgeta hevi i stap nau long dispela tupela tim. Mi gat strongpela bilip olsem 5,000 manmeri na pikinini bai kam lukim dispela

gren fainal.

Planti ol dispela lain bai laikim gutpela gren fainal. Olsem na em i wok bilong ol kosa na pilaia long putim olgeta tingting long kamapim gutpela stail gren fainal stret.

Pasin bilong tingting long kik nogut o tok nogutim ol referi na lainsmen i no ken kamap long dispela gren fainal. Em i wok bilong dispela tupela tim long skrapim bel bilong olgeta manmeri long sanap na singaut tasol.

### Lukluk bilong mi

Insait long tripela kik tupela tim ya i salens pinis, tupela i dro tupela taim na GFC i winim Yuni long mesa semi fainal. GFC i gat gutpela rekot moa long Yuni.

Midfil na franlain bilong GFC, ol i save wok gut tru olsem wapela tim. Long taim ol i kisim bal ol i save gut tru wanem samting ol

bai mekim gen.

Paul Lindsay na John Forova em tupela man i gat gutpela stail bilong salim gut bal i kam insait gen long ol arapela poro long skoa.

Na beklain bilong ol em i strong nogut tru wantaim Polin, Peter, Julius. Goli bilong ol tu i gat nem.

Yuni em i narapela stori. Long taim Noel Vari i lusim ol, franlain bilong ol i pinis. Rasel Nari i lusim beklain bilong Yuni na dispela eria tu em i no strong tumas.

Joe Turia i wok long traim hat tru nau long painimaut husat tru bai lukautim midfil.

Mi lukim olsem GFC tim i strong olgeta. Na Yuni i wok long painimaut yet we bilong winim GFC. Olsem na GFC bai winim Yuni olsem 3 gol na Yuni bai gat 1 gol.

Lukim yupela olgeta manmeri long Bisini.

### VANIMO SOKA ASOSIESEN

Dro bilong dispela wiken:

SARERE 24 OGAS, 1991.

- 1.00pm G1 Prim Toreseli vs Kenex
- 1.00pm G2 Res Toreseli vs Walso
- 2.00pm G1 Prim Vanimo Fores vs Morobe Yunaitet
- 2.00pm G2 Res Vanimo Fores vs Tarangau
- 3.00pm G1 Prim Tarangau vs Osima
- 3.00pm G2 Res Abau vs Osima
- 4.00pm G1 Prim Waromo vs Recruits
- 4.00pm G2 Res Morobe Yunaitet vs Recruits

SANDE 25 OGAS, 1991.

- 2.00pm G1 Prim Walsa vs Waramo
- 2.00pm G2 Res Kenex vs Asikai
- 3.00pm G1 Prim Asikai vs Difens
- 3.00pm G2 Res Watex vs Aitape Yunaitet
- 4.00pm G1 Prim Watex vs Aitape Yunaitet

Bye: Lido (primia na risev tim).

• Dispela wiken tasol bai pilai bilong ol risev divisen i kamap long Graun Tu, bikos kik bilong ol meri bai i malolo na stat long neks wiken.

SARERE 17 OGAS, 1991.

Res Morobe Yunaitet fofit Vanimo Fores  
Res Tarangau fofit Osima

Res Abau Rutz fofit Toreseli


Prim Kenex-Waromo fofit Waromo  
Prim Morobe Yunaitet def Osima 2-1  
Prim Watex fofit Vanimo Fores

SANDE 18 OGAS, 1991.

Res Asikai fofit Lido  
Res Walsa def Aitape Yunaitet 3-1

Prim Sandaun def Difens 1-1  
Prim Walsa def Aitape Yunaitet 9-0  
Prim Asikai fofit Lido  
Prim Tarangau dro Toreseli 2-2

Wom Walsa def Morobe Yunaitet 5-0  
Wom Waramo def Edukesen Wan 2-1  
Wom Yako dro Edukesen Tu 1-1



## Kokopo i gat 4-pela gem moa

KOKOPO Soka Asosiesen i bin statim kik resis bilong dispela yia wantaim 11-pela klap. Tasol long las mun taim namba wan raun i pinis, asosiesen i rausim tripela klap na 8-pela tasol i stap nau.

Long ol dispela 11-pela klap husat i bin statim Kokopo kik resis sisen, 11-pela tim i kik long primia divisen, 11-pela i kik long risev gret, 8-pela long wimens divisen na 10-pela tim i bin kik long anda 19 divisen.

Tasol nau namba bilong ol tim i go daun liklik.

Presiden bilong Kokopo Soka Asosiesen, Mathew Bala wantaim

ol komiti memba bilong em i bin rausim dispela tripela klap bikos ol i no bin balm afilisesen na resistresen fi bilong ol.

Las de bilong balm ol dispela fi em long taim namba wan raun i pinis.

Ol dispela tripela klap em Ramu bilong ol boi Madang, Ulasen bilong ol wantok roket bilong Arowe, na PTR bilong ol lain katekis long PTR Koles.

Olsem na nau i gat 8-pela klap tasol i kik long namba tu raun bilong sisen propa. Na i gat tripela o 4-pela gem tasol i stap pastaim long sisen i pinis.



• Dispela em strongpela stail stret bilong Mosbi soka resis long las wiken. Pilaia long lephan i luk olsem em i sot win stret long kisim bal ya. Gren faina bal i kamap long dis pela wiken namel long tupela olupela nem tim, Yunivesiti na Sobou.



# NOGAT GREN FAINAL LONG WIKEN

## RABAU

GREN fainal kik resis bilong Rabaul soka i no inap kamap long dispela wiken.

Long wanem, soka skwat bilong ol i bin lusim Rabaul long asde, Trinde 21 Ogas bilong go kik wantaim Papua Niugini SP Gems soka skwat long Lae. Kik resis bilong tupela bai kamap long Sarere, 24 Ogas, 1991 long LFA soka graun.

Ol bai lusim Lae long Mande bilong go bek long Rabaul. Coastal Shipping kampani i bin helpim ol yangpela bilong Rabaul long go long Lae. Kampani i givim fri trenspot long ol.

Dispela wokabaut bilong skwat i pasim nau ol gren fainal kik bilong lokal resis long kamap. Long wanem planti memba bilong skwat i save kik wantaim ol lokal klap husat bai pilai insait long gren fainal.

Olsem na ol gren fainal kik long olgeta divisen bai kamap long nara-

pela wik bihain. Ol pasindia koles boi na meri bilong Pascol bai kik insait long gren fainal bilong olgeta divisen. Na dispela i strongim yet nem bilong ol bihain long ol i senisim long PTC i go long Pascol las yia.


Ol yangpela man na meri husat i save kik wantaim Pascol i save stap nating long taun. Ol i no save wok. Na dispela hap nem Pascol i min olsem "pasindia koles".

Narapela strongpela tim husat i save kamapim pret oltaim long Rabaul kik resis em Vitiaz. Long primia divisen gren fainal kik resis las yia, Vitiaz i bin autim strongpela stail futbol tru na bagarapim sindaun bilong Pascol, 3-2. Na long dispela yia, tupela bai bung gen.

Long Risev gret, Pascol bai bungim Raiders, Vunakanau long Anda 19 divisen, na Vitiaz long Anda 16 divisen. Long gren fainal kik bilong ol meri, ol pasindia bilong Pascol bai bungim ol katres bilong Vitiaz.



• Stail bilong maina semi fainal soka resis long Mosbi las wiken namel long Sobou na Yunivesiti. Pilaia bilong Sobou long lephan i pundaun nogut tru. Yun i winim dispela kik. Na bai pilai nau long gren fainal wantaim GFC.



## Ol kik bilong Lae i malolo nau

OLGETA kik resis bilong Lae soka i stap yet bai kamap bihain long Saut Pasifik Gems. Ol kik i no inap kamap nau long wanem i no gat fil bilong holim ol pilai.

Lae soka i no gat fil nau bihain long wanpela las minit tingting i bin kamap olsem LFA Pak i mas stap nating bilong redi long Saut Pasifik Gems long neks mun. Long wanem, planti ren i wok long pundaun na Gems komiti i pret olsem nogut opisal graun bai bagarap. Na sapos dispela i kamap, olgeta kik resis bai kamap long LFA Pak.

Planti biknem soka eksekutiv na opisal i no laik autim tingting bilong ol long dispela tingting bilong yusim LFA Pak long las minit. Taim i sot nau na ol i kamap wantaim tingting bilong yusim LFA soka fil. Na long

stail em fil, ol toilet, klap haus, grensten na ol narapela ples bilong sindaun na lukim pilai i stap nau long en, dispela inap bringim bikipela sem moa. Tasol no gat wanpela man o meri inap autim tingting bilong em. Olgeta lain Wantok i toktok wantaim i les long autim tingting.



Sampela ripot i kamap pinis i tok ol liklik wok tasol i stat long LFA soka fil. Dispela em ol kain wok olsem stretim pilai graun na planim gras, penim ol wol bilong toilet na klap haus na sampela ol arapela liklik wok tasol.

Ripot i tok tu olsem no gat wanpela samting bai kamap long stretim gren sten o ples nating bilong ol pipel long sindaun. Long wanem i no gat mani. Na tok save i bin kamap bihain tru.



• Golkipa bilong Guria i ketsim pinis bal na stralka bilong Sobou i kamap bihain. Ol meri Guria i bagarapim stret sindaun bilong ol meri Sobou long maina semi fainal las wiken.





# GFC BAI WINIM YUNI LONG GREN FAINAL



Mosbi soka: Robyn Banono bilong Sobou i resis wantaim tupela pilaia bilong Guria long semi fainal bilong ol meri long las wiken. Guria i strong na win 6-2. Dispela wiken ol meri Guria bai i nekim Wanzesi long gren fainal.

TAIM em planti soka sapota na pilaia long Mosbi i wetim i kamap na, gren fainal. Bisini soka graun bai i luk narakain stret taim tupela olupela nem tim, GFC na Yunivesiti bai i bung long lukim husat bai i winim 1991 Mosbi primiasip taitel.

Yunivesiti i bin stat mekim nem gen long las yia bihain long em i autim nem tim, Guria. Guria i nogat sans long go insait long fainal.

Dispela wiken ol Yuni boi bilong kosa pilaia, Joe Turia i mas pait strong moa long winim bek dispela taitel long namba tu yia. Tasol bikpela salens stret bai i kam long ol boi GFC.

Lukluk long stail bilong pilai, bikpela bilip i stap olsem, GFC bai i winim Yunivesiti. Bikos Joe Turia wantaim boi bilong em i gat planti asua yet long stretim.

Tupela tim ya i bin bung long tripela taim pinis we tupela i dro tupela taim, na GFC i win long mesa semi fainal. Lukluk long stail bilong pilai, GFC i gat moa gutpela rekot long Yunivesiti.

Ol pilaia bilong GFC long beklain na midfil i save wok bung gut tru taim ol i kisim bal. Na tu long wok bilong sanapim banis taim birua i kisim bal. Paul Lindsay na John Forova em tupela man

Yuni i mas sambai gut tru. Bikos tupela i gat stail bilong lukautim pilai. Na givim gutpela bal long ol wan pilaia long skoa.

Nogat em planti taim tupela yet i save sisti i go antap long fran lain long skoa.

Long beklain em Polin, Peter na Julius bai i sanapim strong-pela banis olsem ol i bin mekim long dispela sisen, na bringim tim i go insait long gren fainal. Goli bilong ol tu i gat nem long stapim planti gol ya.

Long sait bilong Yuni em planti gutpela primia pilaia i lusim tim pinis. Sampela bilong ol dispela pilaia em straika Noel Vari, midfilda Newman Peter na beklain pilaia, Rasel Nari.

Fran lain i lusim nau sevis bilong gutpela namba wan Mosbi straika, Vari. Vari em wanpela Vanuatu studen. Olsem na nau yet em PNG intanesenel straika, Steven Mune wanpela bai i pait strong long skoa.



**INSAIT**

**RAGBI:**  
12 PES FAINAL RIPOT

**WANTAIM**  
*moa*  
**SOKA RIPOT**

- Vanimo soka statim aidi kat sistem nau ..... p21
- Vanimo soka dro na skoa .... p22

**KIKBEK**  
**WANTAM PISE**  
- PES 22

- Kokopo soka rausim tripela klap long resis ..... p22

**BENSON**  
*and*  
**HEDGES**

## Momase tonamen i no kisim bekim yet long helpim

OL soka asosiesen long Momase rijon i no kisim wanpela bekim i kam yet long 4-pela provinsal gavman olsem ol bai i sapotim Momase Rijonal tonamen.

Momase Rijonal tonamen bai i kamap long Oktoba, 1991 long Wewak taun. Dispela em bihain long 1991 Saut Pasifik Gems i pinis long Sarere 21 Septemba, 1991.

Presiden bilong Lae Futbol Asosiesen, John Peka i bin makim maus bilong Wewak, Madang, Vanimo na givim wanpela askim i go long ol primia. Dispela em long taim 4-pela primia bilong rijon i kibung long Lae.

Peka i askim sapos 4-pela provinsal gavman long Momase rijon, Morobe, Madang, Is Sepik na Sandaun i givim K20,000 i go long sapotim Momase Rijonal tonamen.

Olgeta memba bilong wan wan asosiesen long rijon i bin kamap bung long Madang long Sarere 20 Julai, 1991. Insait long dispela kibung ol i pasim tok orait olsem Wewak Soka Asosiesen bai i lukautim dispela bikpela tonamen.

Na long toktok bilong dispela mani, ol i kamap long tok orait olsem wan wan asosiesen, LFA, Wewak, Madang, na Vanimo bai i askim provinsal gavman bilong ol yet long givim K5,000 bilong bungim K20,000.

Nau yet 4-pela soka asosiesen ya i no kisim wanpela bekim yet. Seketeri bilong LFA, Philip Awak i tok Morobe provinsal gavman i pasim pinis liklik "mini" baset bilong em. Na provinsal asembli "Tutumang" bai i kibung gen nau.

Na ol i wet tasol long lukim sapos provinsal gavman bai i yesa long dispela askim o nogat.

"Mipela i no min olsem provinsal gavman bai i givim dispela mani, mipela bai i stap tasol na lukim. Tasol nau yet mipela i no kisim wanpela bekim yet, na i no save long ol arapela provins,"Awak i tok.

### Is Sepik

Is Sepik provinsal gavman i stap nau long tudak. Olsem na bikpela bilip i stap olsem Wewak Soka Asosiesen bai i no inap K5,000 bilong em.

### Madang

Madang Soka Asosiesen i givim pinis askim i go long provinsal spot opis. Tasol em i no kisim wanpela bekim yet, wankain olsem LFA.

Presiden Peter Angasa i tok em i givim wanpela leta i go pinis long provinsal spot opis. Angasa i tok em i no save gut tumas long wanem kain rot bilong askim long dispela mani. "Mi ting dispela askim bai i go long provinsal spot opis, na provinsal spot opis bai givim i go long asisten seketeri we spot opis i kam aninit long en. Na bihain i go olgeta long provinsal kabinet o olsem wanem, mi no save," em i tok.

### Vanimo

Vanimo Soka Asosiesen i no save long dispela samting. Seketeri Jalmein Nateleo i tok em i bin kisim askim long kamap long kibung long Madang. Tasol long sampela kain asua na em i no bin kamap. Olsem na asosiesen bilong em i no save long dispela samting.





# RUGBY

Namba 27

Fonde Ogas 22, 1991

## NIUS

## HISTORI BAI HELPIM TARANGAU


### TARANGAU'S POSSIBLE LAIN AP:

1. Fulbek-Darius Raki
2. Lep wing-Joe Mainde
3. Ausait senta-Danny Eri
4. Insait senta-Richard Wagambie (kepten)
5. Rait wing-Michael Jim
6. Faiv et-Elias Palyo
7. Hap bek-Don Rore
8. Prop-James Naipao
9. Huka-Tara Korae
10. Prop-Kipel Kanaka
11. Seken rowa-Sipa Kule
12. Seken rowa-Jaramaia
13. Lok-Charles Tipi



### WES POSSIBLE LAIN AP:


1. Fulbek-Joe Mirisa (kepten)
2. Lep wing-Rueben Pokana
3. Ausait senta-Joe Sarufa
4. Insait senta-Joshua Kouoru
5. Rait wing-Michael Toivita
6. Faiv et-Tuksy Karu
7. Hap bek-Walter Taule
8. Prop-Gabriel Wak
9. Huka-Danny Moi
10. Prop-Robert Muri
11. Seken rowa-Wane Koropa
12. Seken rowa-Haoda Kouoru
13. Lok-Gideon Kouoru




• Darius Raki




• Elias Palyo



• Tara Korae



• Ben Bire



• Kipel Kanaka



• Michael Jim



• Richard Wagambie

**LUKIM** : FRAN PES STORI - PES 3

# Winfield League '91



PORT MORESBY RUGBY FOOTBALL LEAGUE WINFIELD LEAGUE MAJOR SEMI-FINALS

SUNDAY 24 August, 1991

LRO 10.00	U17	Hawks v Air Niugini	Nohoro	Kera/Hute
LRO 11.00	U17	Paga v Souths	Sari Fareho	Soikava/Dania
LRO 12.30	U19	Tarangau v Brothers	Alphones Pu	Takiye/Akrepa
LRO 2.00	U19	DCA v Hawks	Sailex Tarawa	Hute/Kera
LRO 3.30	U21	West v Paga	Paul Laka	Hane/Fareho

SUNDAY 25 August, 1991

LRO 9.30	U21	Air Niugini v Brothers	Mailu Kini	Tarawa/Dania
LRO 11.00	Reserve	Kone v Wests	Kaspar Samar	Soikava/Akrepa
LRO 12.30	Reserve	Defence v Brothers	Rod Pearce	Dania/Tarawa
LRO 2.00	A Grade	Tarangau v Wests	George Buka	Kini/Samar
LRO 3.30	A Grade	Defence v Brothers	Graham Ainui	Kuni/Laka

RESULTS OF LEAGUE MATCHES:

<b>A GRADE;</b>					
Brothers	30	Paga	20	Brothers	10
Defence	16	West v	24	Hawks	10
<b>RESERVES</b>					
West v	20	Defence	8	DCA	16
Tarangau	13	Brothers	18	Brothers	14
<b>U/21</b>					
				Tarangau	14
				Air Niugini	8

# Royals wetim gren fainal long Kainantu

JOHN BARU I raitim

MESA semi fainal bilong Kainantu namel long Kanare Royals na Aiyura United i bin wanpela strongpela gem tru. Royals i winim dispela strongpela gem 14-10.

Royals i pilaim gutpela stail bilong ol, na salim lep winga Lindy

Gilina go skoarim namba wan trai. Seken rowa David Gabriel i kikim gut gut bilong tupela poin, na bringim skoa i go 6-0.

Royals i sanapim strongpela banis tru long trai lain bilong em. United i traime long brukim dispela strongpela banis long skoa tasol em i no inap.

Ol United pilai i lukim olem na stat long tro-moi bal i go i kam long olgeta pilai. Bihain long namba 5 takel, hap bek Yumson Ubaiyo i kikim wanpela "bom".

Bal ya i go antap na pundaun gen paitim long graun. Aron Urama i kisim na spit i go skoarim namba wan trai bilong United.

Darius Andaba i abrusim kik bilong tupela poin na United i ran bihain 4-6 long hap taim.

Namba tu hap bilong pilai i kamap strong long tupela sait wan-taim.

United i skoarim wan-pela moa trai we kik bilong tupela poin i karim kaikai. United nau i tekova long skoa 10-6.

Bihain long 15 minit bilong pilai, Michael Daura bilong Royals i kisim wanpela bal long

"dami hap", na spit i go brukim banis bilong Royals na skoa. Kik bilong tupela poin i no karim kaikai na skoa i pas 10-10.

Ol pilai bilong United i lukim nau olem sans bilong ol bai i no inap gutpela tumas. Olem na ol pilai olem Karo India, Mogson Baru, Ohuma Amuino, John Gui na Lofty Amao i pilai strong moa. Dis-pela em long takel na kisim bal na mekim strongpela ran wan-taim.

Olem na hariap tru ol i skoarim wanpela moa trai long tekova long skoa 14-10 inap ful taim.

Royals bai i bungim nau kompetisen lida, Gateway Panthers long gren fainal long dispela wiken.

Semi fainal gem namel long Bundex Tarangau na Brothers bai i kamap long narapela taim bihain. Dis-pela gem i bin stap bikos ol sapota i pretim referi husat i bin lukau-tim dispela pilai.

Referi ya i askim pinis ol opisal bilong lig wan-taim judiseri komiti long lukluk i go insait long dispela hevi. Na bihain tokaut long wanem taim dispela gem bai i kamap gen.

## Skulbois resis nogat sapot - Morrison

BARBARA TOMI I raitim

I luk olem ol tisa na hetmasta wantaim ol kosa i no mekm gut wok bilong tisim ol yangpela manki long pilai ragbi long bihain taim.

Skulbois kompetisen i laikim tru inap kosa, ol ogena isa o saveman na menesa. Na tu sampela kain gutpela sapot long helpim tisim na mekim pilai ragbi i kamap bikpela long ol yangpela bilong kantri long bihain taim.

Dispela yia i gat tupela senta tasol i save ogena isim skulbois resis. Nem bilong dispela tupela senta em Kiunga na Isten Hallans.

Tupela senta ya i bin makim wanpela tim husat i salensim tupela yet long Danny Leahy Oval, Goroka. Dispela em bipo long bikpela Tes Gem namel long PNG Winfield Kumul na Frans Roosters long Julai, 1991. Dispela gem em Isten Hallans i winim.

Presiden bilong PNG Skulbois Iig John Morrison i tok ol tisa na hetmasta bilong sampela skul insait long kantri i les long tisim ragbi long skul.

Em i tok skul em gutpela ples we ol pikinini i mas lainim long pilai ragbi, lainim lo o rul bilong pilai. Na bikpela samting em long lainim wanem kain birua bai i kamap long pilai, bai ol i ken abrusim long taim bilong pilai.

Em i tok moa olem atling planti skul i no amamas o laikim long tisim ol yangpela studen long pilai ragbi. Dispela em long wanem i nogat ol ol plen bilong go pilai raun long narapela hap, olem ragbi yunien long Mosbi we i kamap bikpela long olgeta yia.

Morrison i tok bipo long ol i ogena isim ol tim long go pilai long narapela hap, bikpela samting em sampela senta olem Rabaul, Mosbi, Lae, Hagen, Kundiawa na Madang i mas solm laik long mekim skulbois resis i kamap bikpela.



## WINIM TIKET LONG KAM LONG 1991 SP GEMS

I gat 50 tiket long winim

Hariap long salim nem na adres bilong yu. Na kolim nem bilong dispela pilai yu laikim tumas

HARIAP SALIM I KAM LONG SP GEMS RESIS WANTOK NIUSPEPA BOX 1982, BOROKO

No ken salim poto kopi - sapos yu salim plenti bai yu gat bikpela sens long winim



PILAI MI LAIKIM.....

NEM BILONG MI.....

ADRES.....

TELIPON.....

Salim resis pepa bilong yu kam long

**WANTOK**

NIUSPEPA BILONG PAPA NIUGINI STRET

COMPETITION - PO. BOX 1982, BOROKO, NCD

LAS DE BILONG SALIM OL RESIS EM LONG 30 OGAS, 1991.



WAGAMBIE'S

WHIP



Nem bilong Tarangau i no inap go daun

BILIP laik bilong Paga Panthers long go insait long 1991 Mosbi Winfield Lig primiasip salens i bin bagarap taim Brothers i winim ol long las minit 30-20.

Tupela tim wantaim i pilaim wankain stail bilong kisim bal na ran i go antap long banis bilong birua, long fowat lain. I nogat planti taim we tupela tim i tingting long senisim stail bilong pilai.

I luk olsem tupela tim ya i no laik yusim sans long asua bilong narapela long skoa. Bikos tupela wantaim i no laik mekim moa asua.

Ol fowat pilaia bilong Brothers i pilai strong tru. Tasol Paga Panthers i pilai gut tru long takel na holim pasim ol longwe long tra'i lain bilong em.

Beklain bilong Paga Panthers wantaim go pas bilong Raphy Henao, Luke Waldiat na Arua Ben Moide i gat moa stail long ol birua bilong ol. Tasol arapela pilaia i no yusim ol gut long skoa.

Difens na Wes i no pilaim kain stail bilong gem we ol sapota i laik lukim. Tupela tim wantaim i no pilaim gutpela gem olsem tupela i save pilaim.

Difens i no ogenais tru long fil. Taim ol i kisim bal na ran, bai yu lukim olsem wan wan pilaia tasol i tra'im strong. Ol i no pilai olsem wampela tim.

Long beklain, Clement Mirisa i no pilaim gutpela gem long hap bek posisen. Mathias Kitimun na Dale Bera i no kisim bal planti taim.

Senis i bin kamap liklik long stail bilong pilai taim Tony Dape long risev i go pilai long faiv et posisen. Dispela taim em pilai bilong Difens i ogenais liklik.

Dispela wiken Difens bai i bungim Brothers. Lusa bilong dispela gem bai kis gutbai long 1991 sisen. Na wina bai i bungim lusa bilong Tarangau na Wes.

Difens i save long salens bilong pilai long strongpela gem olsem. Bikos las yia ol i pilai i go insait long gren fainal.

Dispela sisen, ol gren fainal tim bilong las yia i pa'it strong long go insait long gren fainal nau. Na i no olsem las yia we ol i wetim gren fainal.

Bikpela gem bilong dispela sisen bai i stap namel long maina primia tim, Tarangau na Wes. Las yia, Tarangau i rausim Wes long go insait long resis bilong winim primiasip taitel.

Mi no ting Wes i lus tingting long dispela yet. Olsem na ol bai i mekim wanem samting ol i ken long wokabaut i go insait long gren fainal long isi we.

Olgeta ai i pas nau long Tarangau husat i go pas long resis i kam inap fainal nau. Bikpela askim em i stap insait long tingting bilong ol pilaia na sapota em "Tarangau Pretenders o contenders."


Bai mi tokim yu olsem Tarangau i no go pas long resis nating. Yu yet yu mas kam na lukim ol i bungim Wes.

Nau yet Tarangau i kisim pinis ol pilaia bilong em olsem James Naipao, Richard Wagambie, Elias Paiyo na Soga Dabema. Na Tarangau bai i no inap larim nem bilong em i go daun.

Dispela bai i wampela gutpela gem stret we ol sapota bilong tupela sait wantaim bai i amamas long lukim. Wes em i wampela stail tim tu. Olsem na ol bai i givim strongpela salens stret long Tarangau.



# Tarangau bai winim Wes



• Nupela kumul fowat, James Naipao bai i givim het pen stret long Wes. Olsem na Wes mas sambai long Naipao.

MOSBI:

HISTORI bai i go long sait bilong maina primia tim, Fairstar Tarangau taim em i bungim Fairdeal Wes long mesa prilimineri fainal bilong Mosbi Winfield Lig resis long dispela wiken.

Lloyd Robson oval bai i mekim nais taim tupela A gret tim ya i bung long dispela wiken (Sande 25 Ogas, 1991) long 2 klok apinun (2.00pm). Wina bilong dispela gem bai i go wetim gren fainal. Na lusa bai i bungim wina bilong gem namel long Difens na Brothers. Brothers na Difens bai i pilai long 30 minit i lusim 3 klok apinun (3.30pm).

Long olgeta gem bilong bipo i kam inap nau, ol maina primia i save go insait long gren fainal pas na wetim birua. Olsem na bikpela bilip i stap olsem Tarangau bai i nekim Wes na go insait long wetim gren fainal.


Lukluk long gem bilong las

wiken, Wes i no pilaim gutpela gem tumas egensim olpela sempion tim, Wes. Tasol em i laki long stail bilong wan wan pilaia olsem tupela Kouoru brata, Gideon wantaim Joshua Kouoru, na Robert Muri long winim dispela gem 24-16.

Olpela Kumul lok, Gideon em long tupela sait step bilong em long brukim banis long fran lain. Na Muri em long gutpela strongpela ran em i save mekim taim em i kisim bal.

Kosa bilong Tarangau, John Wagambie i gat bikpela bilip olsem ol manki bilong em bai i nekim Wes long dispela wiken. Em i lukim pinis stail bilong Wes egensim Wes long las wiken. Na i trenim nau ol boi bilong 9 Mail.

Em i tok, "Mipela i bin winim Wes tupela taim pinis long dispela sisen. Tasol long fainal em narapela stori. Bikos tupela tim wantaim i laik win long go insait na wetim gren fainal.



• Huka bilong Wes Danny Moi bai i gat bikpela wok long "dami hap". Tarangau mas sambai tu long kas ya.

"Tasol mi gat bikpela bilip olsem mipela bai i winim dispela gem gut tru."

Wagambie husat i gat nem long kepten long Kumul na autim namba wan ovasis tim, Frans long bipo i tok olgeta pilaia bilong em i kam bek pinis.

Long fran lain em strongpela fowat bilong Vipers na nupela Kumul pilaia, James Naipao wantaim Kipel Kana-ka, Tara Korae na Sipa Kule bai i lukautim.

Long beklain em kepten Richard Wagambie bai i go pas long insait senta posisen, wantaim sapot bilong Danny Eri, Sopa Dabema na fulbek Darius Raki. Faiv et Elias Paiyo na hap bek Don Rore bai i bungim pilai bilong fowat na beklain.

Wagambie i tok em i gat gutpela "balens" tim long fowat na beklain. Na i gat bilip long daunim Wes.

Wagambie i tok moa olsem nupela kumul pilaia, Joshua Kouoru na Obert Batia i save

bungim gut stail long beklain bilong Wes. Las wiken Batia i no bin pilai.

Tasol sapos Batia i kisim fil na bungim Joshua, Tarangau bai banisim tupela gut tru.

Wes i bin amamas tru long gutpela win egensim ol soldia long las wiken. Ol i save olsem ol i no winim Tarangau yet long dispela sisen. tasol fainal em narapela stori olsem kosa bilong Tarangau yet i tok. Olsem na ol bai mekim olgeta samting ol i ken long autim maina primia tim, na go pas wetim gren fainal.

Fowat lain bilong Wes em tupela Kouoru brata, Gideon na Haoda bai i lukautim wantaim gutpela sapot bilong Robert Muri, tupela kas nogut bilong Hagen, Wane Koropa wantaim Gabriel Wak, na huka Danny Moi.

Hap bek Walter Taule na faiv et Tuksy Karu bai i bungim pilai bilong fowat na beklain. Taule i pilaim gutpela gem long las wiken, na i skoarim wampela isi tra'i.

## Ol bai salim kaikai long ol soldia boi o?



• Ol Brothers A gret pilaia na opisal bipo long maina semi fainal gem las wiken we ol i winim Paga Panthers 30-20. Ol bai i bungim Difens nau long mesa semi fainal.





## Mazda sponsarim Kumul long Yurop "tour"



# GOING AWAY FOR A BREAK? Disconnect your phone!

## PTC's FREE TEMPORARY PHONE DISCONNECTION SERVICE...

is the one way of making absolutely sure your phone is not used while you are away. Remember, as a subscriber you are liable for any charges to your number.



CONTACT YOUR LOCAL TELECOM BUSINESS OFFICE  
AND ARRANGE TO HAVE YOUR PHONE TEMPORARILY  
DISCONNECTED BEFORE YOU GO.



**Post & Telecom**  
Keeping you in touch

• Edministreta bilong PNGRFL Jack Metta (Iephan) i kisim sek mani i kam long bos bilong PNG Motors long dispela wik. Mazda i kamap opisal sponsa nau bilong PNG Kumul tim husat bai go pilai raun long Yurop.

PAPUA Niugini Kumul i gat nupela sponsa pinis bilong lukautim pilai raun bilong em i go long Frans na Ingran long Yurop. Dispela pilai raun bai i kamap long Oktoba na Novemba bilong dispela yia, 1991.

Praim Minista Rabbie Namaliu i makim maus bilong Papua Niugini Ragbi Futbal Lig presiden, Sir James Jacobi na Menesing Dairekta bilong PNG Motors, Mista Murray Watson na i tokaut long dispela sponsasip.

PNG Motors wantaim Mazda kampani bilong Japan i amamas long givim K35,000 i go long lukautim raun bilong PNG Kumul tim i go long Yurop. Aninit long tok orait bilong dispela sponsasip, PNG Kumul tim bai i pilai aninit long nem PNG Mazda Kumul.

Nau yet ol eksekutiv bilong PNGRFL i gat bikpela tingting long bungim K75,000 bilong lukautim wokabaut bilong Mazda Kumul i go long Yurop.

Bikos planti praivet kampani na grup i soim bikpela amamas long sapatim spot. Wapela gutpela grup, Carbine Klap bilong Papua Niugini i bin putim kamap wok bilong bungim mani bilong helpim PNG Mazda Kumul long namba 4 raun bilong em long Ingran na Frans.

Long dispela as na Carbine klap i givim K2,590 sek mani i go long han bilong Mazda Kumul long Mande 17 Ogas, 1991.

Pastaim long Praim Minista Namaliu i tokaut long K35,000 sposasip bilong Mazda, Invesmen Koporesen i bin givim K10,000 long Mande moning. Dispela mani tu i bilong helpim raun bilong Mazda Kumul long Yurop.

Planti kampani i givim han tu long lukautim wok bilong PNGRFL. OL arapela kampani, grup na man husat i givim helpim em Angco kampani wantaim K2000, Sir Hugo Burgusher i givim K2000, Leo Woo i givim K2000, na Papua Niugini Associate Industri i helpim wantaim K2,000. PNG Motors i save salim ol Mazda ka insait long kantri. Menesing Dairekta bilong PNG Motors, Watson i tokaut olsem Mazda na PNG Motors i bin helpim pinis planti spot insait long kantri.

Na dispela yia em i gat bikpela laik long kamap olsem wapela opisal sponsa bilong Papua Niugini Kumul long namba 4 raun bilong em long Ingran na Frans long mun Oktoba na Novemba.

Long amamasim Mazda wantaim PNG Motors na ol arapela kampani husat i givim bikpela mani tru long lukautim raun bilong Kumul tim, presiden bilong PNGRFL Sir James Jacobi i tokaut olsem Mazda Kumul bai i putim kamap gutpela gem long Ovasis.

Nau yet edministreta bilong PNGRFL, Jack Metta i tokaut olsem ol nupela menesmen bai i lukautim wokabaut bilong PNG Mazda Kumul long Oktoba na Novemba.

Em i tok nupela tim menesa bilong Kumul tim em Rod Pearce, na menesa em presiden bilong Mosbi Winfield Lig, Tau Peruka. Koa bilong tim em Skerry Palangat, trena em Lester Manual, na tim dokta em Gideon Kendino. Wapela representetiv bilong PNGRFL, Joe Kevlame bai i go wantaim tim tu.

Metta i tok ol dispela nupela menesmen bai i lukautim wokabaut bilong PNG Mazda Kumul long Oktoba na Novemba i go long Yurop.



# Difens bai kam bek o?

**DIFENS** i trening strong nau long winim bek Mosbi Winfield Lig primiasip taitel em i bin winim long las yia.

Kosa Geoff Vincin i tok mesa semi fainal gem bilong dispela wiken egensim Brothers bai i olsem gren fainal bilong ol.

Wina bilong dispela gem bai i bungim lusa bilong Fairstar Tarangau na Wes, na bihain i go insait long gren fainal.

Brothers i bin winim Paga Panthers 30-20 long las wiken. Na bikpela amamas i stap nau long winim ol soldia boi tu. Brothers i bin i go insait long gren fainal bilong las yia egensim Difens na i lus.

Tasol Brothers bai i kalap nogut liklik taim em i bungim strongpela salens bilong ol manki bilong Geoff Vincin.

Vincin bai i skulim ol manki bilong em long pilai ful 80 minit futbol egensim strongpela Brothers tim.

Ol soldia i gat bikpela bilip long winim Wes long las wiken. Bikos long namba wan raun ol i bagarapim stret sindaun bilong Wes. Tasol bikpela bilip bilong ol i lus nating.

Vincin i tok em i redim tingting bilong ol pilai bilong em long tingting strong long dispela gem inap fainal wisil i kra i long Sande 25 Ogas, 1991.

Vincin i tok tasol olsem bai i gat sampela senis liklik long lain ap bilong dispela wiken.

I gat bilip olsem hap bek Lucas Agi bai i stap insait long namba wan 13 lain ap. Agi i no bin pilai long las wiken. Na tu kepten bilong gren fainal long las yia, Roy Loitive bai i stap long risev. Bikos em i gat liklik bagarap yet.

Kosa bilong Brothers, Joe Yore i amamas long ol manki bilong em long las wiken. Olsem

i go moa long pes 8



• Insait senta bilong Paga Panthers Arua Ben Moide long lephan i pusim tupela Brothers pilai long lephan na givim sisti wantam bal. Tasol Brothers i win 30-20 long go insait long mesa semi fainal.

## Tigers brukim rekot long Wagi

**PAGA** Tigers, nupela klap long Wagi Winfield Lig i brukim rekot pinis long autim maina primia taitel. Tigers bai salensim nau 1990 primia tim, Brothers long gren fainal.

Gren fainal bai i kamap long Banz long dispela wiken.

Tigers i winim Brothers long tupela wik i go pinis. Las wiken em i winim United na bai bungim gen Brothers long gren fainal.

Tigers em wanpela nupela tim long resis. Ol i gat planti nupela yangpela pilai husat i nogat save long pilai long gren fainal na ripresentativ gem yet. Brothers i gat nem bikos em i winim primiasip taitel long 5-pela sisen pinis. Dispela em long taim ragbi lig i stat long Wagi long 10-pela yia i go pinis i kam inap nau.

Brothers i gat ekspirians long fowat lain wantaim go pas bilong ol olupela Hailans son representativ pilai olsem Arnold Wanamp, kepten Philip Hamar na James Sakul.

Sakul em wanpela pilai husat i save pilai long kain kain posisen.

Ol bai bungim strongpela salens bilong ol Tigers pilai olsem Fred Sibuna, Michael Kiap na Johannes Err.

Err i bin pilaim gutpela gem long Tigers long dispela sisen. Na i save kamapim het pen



• Tigers tim husat i redi nau long bungim olupela nem tim, Brothers long gren fainal dispela wiken. Poto na stori Alponse Pu.

taim em i ran wantaim bal.

Kiap i gat nem long pilai i go insait long Hailans son. Na Sibuna i bin pilai insait long Wamp Nga Tigers tim bilong Hagen we i bin winim Cambridge Kap long 1987.

Tigers i gat ol gutpela beklain pilai husat i save bungim stail wantaim long pilai. Kepten Rodney Mek long ausait senta posisen bai i lukautim pilai wantaim wok bung bilong insait senta James Nop.

Ol fowat pilai bilong Tigers i mas tromoi bal i go i kam. Na helpim ol beklain pilai long skoa.

Beklain bai i bungim salens bilong ol ekspirians fowat pilai bilong Brothers olsem Thomas Tumbo na yangpela Thomas Okul. Okul i bin pilaim gutpela gem dispela sisen long Brothers.

Long olgeta gem em i save skoarim moa long tupela trai.

Brothers i bin winim Tigers wanpela taim.

Tasol Tigers i bin winim Brothers tupela taim long dispela sisen. Dispela bai i wanpela gutpela gren fainal. Bikos Tigers i laik mekim histori, na Brothers bai i laik winim Wagi primiasip taitel long nara-pela 6 yia.

### Possible Tigers lain ap:

1. Fulbek-Rodney Kagl
2. Lep wing-Kurup Tomunts
3. Ausait senta-Rodney Amet (kepten)
4. Insait senta-James Nop
5. Rait wing-Peng Ap
6. Faiv et-Jocksen Yamo
7. Hap bek-Karap Galang
8. Prop-Fred Sibuna
9. Huka-Simon Yuants
10. Prop-Johannes Err
11. Seken rowa-Michael Kiap
12. Seken rowa-Otto Kapil
13. Lok-James Guan

### Risev:

14. Samson Kapil
15. Pious Moiya
16. John Kongo
17. John Rambo

## Royals i sambai nau long mesa semi fainal

### MENDI:

**ROYALS** i daunim strong bilong Tarangau 15-11 long las wik, na i redi nau long nekim wina bilong mesa semi fainal long Sande 25 Ogas, 1991.

Royals Ragbi Lig klap i stap yet long 1978. Tasol long dispela yia i kam inap long 1990, em i no bin kamap long wanpela gren fainal liklik. Long 1988 em i bungim Hawks long nok aut resis. Wanpela yia bihain long 1989 em i bungim Brothers long mesa semi fainal na i lus.

Dispela yia Royals i kamapim bikpela stori long daunim olgeta tim long sisen propa resis. Na tu i bin bosim A gret poin lata long longpela taim i kam inap em i go insait long gren fainal.

Las wik em i soim strong bilong em long ol pilai na sapota bilong Tarangau taim em i bagarapim sindaun bilong ol.

Na tu long dispela sisen, Royals i kisim planti gutpela pilai olsem insait senta Pora Nema, hap bek Andrew Kengi, winga Gabriel Pima, na seken rowa Johnson Mapi.

Ol dispela nupela pilai i bungim gut stail wantaim ol olupela pilai olsem kepten John Keprou, Tom Peni, John Kengal, Ben McKoy, Hari Inatia na James Ambia. Ambia em presiden bilong Royals klap.

Dispela ol pilai i bin putim kamap gutpela gem wantaim long bringim tim i go insait long gren fainal nau.

Narapela samting i strongim tu tingting bilong ol pilai long bringim stended bilong Royals i goap long dispela yia em nupela sponsasip ol i kisim long Carson Pratt Sevis kampani. Carson Pratt Sevis em wanpela kampani husat i save wokim wok bilong wel.

Ambia i tokim *RLN* olsem dispela sponsasip bilong Carson Pratt Sevis kampani i wokim planti yangpela pilai i amamas long pilai. Na putim bikpela tingting long winim taitel bilong Mendi Winfield Lig long dispela yia. "Nau yet mipela i kamap pinis long pilai gren fainal. Na nogat samting moa bai stapim mipela long winim Tarangau o Bulldogs long dispela Sande," Ambia i tok.

Em i tok nau yet olgeta pilai i gat bikpela

i go moa long pes 8



# Winfield League Results

### WINFIELD LEAGUE RESULTS PORT MORESBY - MINOR SEMI

WESTS 24, 4 tries, 4 goals defeated DEFENCE 16, 3 tries, 2 goals. Man of the match: GIDEON KOURU

BROTHERS 30, 6 tries, 3 goals defeated PAGA 20, 3 tries, 4 goals. Man of the match: DOMINIC BRE

### WINFIELD LEAGUE DRAW PORT MORESBY - MAJOR SEMI FINALS

DATE	TIME	CLUB	CLUB
25/08/91	2.00	Taragau vs	West
25/08/91	3.30	Defence vs	Brothers

Match of the round:

25/08/91 3.30 Defence vs Brothers

### WINFIELD LEAGUE RESULTS MADANG - ROUND 19

BROTHERS 28, 5 tries, 4 goals defeated AIR NIUGINI 24, 5 tries, 2 goals. Man of the match: ELISON KATAUNO

TIGERS 16, 3 tries, 2 goals defeated TARAKUM 18, 1 try, 1 goal, 1 penalty goal. Man of the match: (Undecided)

PANTHERS 16, 3 tries, 2 goals defeated HAWKS 10, 2 tries, 1 goal. Man of the match: RAKA JOE

### WINFIELD LEAGUE LADDER Round 19

CLUB	GP	W	D	L	PF	PA	Tl pts
Brothers	19	11	2	6	390	364	24
Tarakum	19	11	-	8	399	364	22
Tigers	19	8	4	7	348	330	20
Panthers	19	9	2	8	350	402	20
Air Niugini	19	8	3	8	385	362	19
Hawks	19	3	2	14	301	367	8

### WINFIELD LEAGUE DRAW MADANG - ROUND 20

DATE	TIME	CLUB	CLUB
24/08/91	4.00 pm	Hawks vs	Tigers
25/08/91	2.30 pm	Air Niugini vs	Panthers
25/08/91	4.00 pm	Tarakum vs	Brothers

Match of the round:

25/08/91 4.00 pm Tarakum vs Brothers

### SYDNEY WINFIELD LEAGUE FIRST GRADE LADDER

TEAMS	W	D	L	F	A	PTS
PENRITH	16	1	4	441	242	33
MANLY	13	1	7	361	279	27
WESTS	13	1	7	345	283	27
NORTHS	13	1	7	313	293	27
CANBERRA	13	-	8	412	319	26
ST. GEORGE	11	3	7	380	280	25
CANTERBURY	12	1	8	398	358	25
BRISBANE	12	-	9	442	312	24
ILLAWARRA	11	1	9	429	275	23
CRONULLA	8	3	10	366	415	19
EASTS	9	1	11	329	445	19
BALMAIN	8	1	12	333	392	17
NEWCASTLE	6	3	12	292	402	15
SOUTHS	6	-	15	350	495	12
PARRAMATTA	6	-	15	331	504	12
GOLD COAST	2	1	18	230	460	5

### WINFIELD LEAGUE RESULTS GOROKA

COUNTRY 14, 3 tries, 1 goal defeated CIL TARANGAU 6, 1 try, 1 goal. Man of the match: LESLY IVANGA

UNITED 28, 5 tries, 4 goals defeated ROYALS 24, 5 tries, 2 goals. Man of the match: PAUL MAKISO (United)

### WINFIELD LEAGUE NEXT WEEK DRAW

Major Semi Finals  
Hawks vs Country  
Minor Semi Finals  
United vs Tarangau

### WINFIELD LEAGUE RESULTS RABAUL - MAJOR SEMI FINAL

AIR NIUGINI 11, 2 tries, 1 goal, 1 field goal defeated BROTHERS 9, 2 tries, 1 field goal. Man of the match: TULO SOSE

### WINFIELD LEAGUE DRAW RABAUL - PRELIMINARY

DATE	TIME	CLUB	CLUB
25/8/91	2.30 pm	Muruks vs	Air Niugini

### WINFIELD LEAGUE RESULTS KAINANTU - MAJOR PRELIMINARY SEMI FINAL

BROTHERS vs TARANGAU. (Game incomplete)

### WINFIELD LEAGUE DRAW KAINANTU

Major Semi final  
Panthers vs Royals  
Minor Semi Final  
To be announced

### WINFIELD LEAGUE RESULTS LAE

DEFENCE 18, 4 tries, 1 goal defeated TIGERS 4, 1 try. Man of the match: RAYMOND KARL (Defence)

### NEXT WEEK DRAW LAE - GRAND FINAL

DATE	TIME	CLUB	CLUB
25/08/91	3.30 pm	Royals vs	Defence

Match of the round:  
25/08/91 3.30 pm Royals vs Defence

### WINFIELD LEAGUE RESULTS MT. HAGEN - SEMI FINALS

NEWTOWN 30, 5 tries, 3 goals, 2 penalty goal defeated TIGERS 20, 4 tries, 2 goals. Man of the match: JOHN KAMA

The game was tough at all times, Tigers was leading 20-10 for half time. But somehow Newtown scored try after try to put Tigers down. It was a good game for John Kam as forward to move the team to the Tigers area. Setting Jr Mike Moris did all he could for Newtown for victory.

### WINFIELD LEAGUE RESULTS KUNDIAWA - SEMI FINALS

HAWKS 12, 2 tries, 2 goals defeated UNITED 1, 1 field goal. Man of the match: WERE LAVNA

### WINFIELD LEAGUE DRAW KUNDIAWA - GRAND FINALS

DATE	TIME	CLUB	CLUB
25/8/91	4.00 pm	South vs	Hawks

Match of the round:  
25/8/91 4.00 pm South vs Hawks

### WINFIELD LEAGUE RESULTS WAHGI - KNOCK OUT

BROTHERS 8, 2 tries defeated UNITED 6, 1 try, 2 penalty goals. Man of the match: JOHN OKIL

### WINFIELD LEAGUE LADDER

CLUB	GP	W	D	L	PF	PA	Total points
Tigers	24	18	-	4	385	214	38
Brothers	23	18	1	5	378	230	38

### WINFIELD LEAGUE DRAW WAHGI - GRAND FINALS

DATE	TIME	CLUB	CLUB
25/08/91	2.40 pm	Tigers vs	Brothers

Match of the round:

25/08/91 2.40 pm Tigers vs Brothers

### SYDNEY WINFIELD CUP (LAST ROUND DRAW)

Cant - Banks	vs	Cron-South
Balmain	vs	South Sydney
Eastern Suburbs	vs	Penrith
Illawarra	vs	Newcastle
Canberra	vs	St. George
Paramatta	vs	Manly - Wgh
Brisbane	vs	Western Suburbs
North Sydney	vs	Gold Coast

(Home team mentioned first)

# BILIP BILONG PANTHERS I DAI



Kumul winga, Arnold Krewanty i nogat rot bilong go. Wes pilala i holim pasim em pinis. Long kain stall olsem na Wes i win long bungim Taragau long mesa semi final em bai i kamap long dispela wiken.

PAGA Panthers i hangamapim su long dispela yia taim em i bungim Brothers long nok aut gem bilong Mosbi Winfield Lig resis long las wik. Ol pilala bilong Paga i hangamapim su bikos kepten Daroa Ben Moide i laik pait wantaim wanpela pilala bilong Brothers long namba tu hap bilong pilal.

Olsem na referi i rausim em i go ausait klostu long pinis bilong gem. Paga Panthers i bin go paslong skoa 14-12 long hap taim. Tasol bihain Brothers i strongim olgeta posisen na daunim Paga Panthers 30-20. Tenpela minit i stap yet na Brothers i skoarim wanpela gutpela trail long

bringim skoa i goap long 26-20. Long wankain taim Paga Panthers i gat bikpela laik long nekim Brothers, na tekova long skoa. Olsem na kepten Daroa "Duffy" Ben Moide i kamapim strongpela gem stret long daunim strong bilong Brothers. Em i abrus long putim

kamap gutpela gem na kamapim bikpela hevi insalt long fil. Liklik brata bilong Daroa, Arua i bin pait wantaim wanpela pilala bilong Brothers. Olsem na referi i rausim em i go ausait long fil pastaim. Bihain long Arua i go ausait long fil, winga bilong Brothers Thoa Ravu i skoarim wanpela trail anilit long tupela gol pos long bringim skoa i goap long 28-20. Kik bilong tupela poin i karim kaikai na skoa i goap long 30-20 inap ful taim. Tasol Paga Panthers i soim gutpela gem stret. Bikos em i bin stap long namba wan divisen long las yia. Na i winim DCA long gren final. Dispela yia em i putim kamap gutpela gem stret long go insalt long final faiv top posisen. Las wik tru em i bagarapim sindaun bilong Kone Tigers 16-10 long kisim namba 5 ples long Mosbi Winfield Lig lata. Las wik Sande em i bungim Brothers. Em i putim tupela poin antap long skoa bod taim fu bek John Ben Moide i kisim taim long kikim wanpela gutpela penelti kik. Sampela minit i go pinis na

liklik brata bilong John, na senta Arua Ben Moide i wokim wanpela liklik kik stall insalt long trail lain bilong Brothers, na skoa. Tripela Moide brata i save pilal long Panthers. Nem bilong ol em Daroa, John na Arua. Ol pilala bilong Brothers i abrus long holim pasim bal na faiv et bilong Paga Panthers, Luke Waldiat i tasim bal long skoarim namba wan trail bilong Panthers. Ben Moide i bagarapim kik na skoa i stap 6-0. Brothers i strongim banis na salim lowat Peter Mase i go skoarim wanpela trail. Kik bilong tupela poin i bagarap na skoa i stap 6-4. Paga i strongim tingting long skoarim moa trail. Olsem na John Ben Moide i ran bihain long winga Thomas Tolvita husat i tromol bal long em, na em givim sisti i go skoa. Liklik brata Arua i kikim gut tupela kik bilong gol na bringim skoa i goap long 12-4. Bipo long hap taim, Brothers i skoarim wanpela trail na bringim skoa i go klostu long 14-12. Brothers i kamap bek long hap taim wantaim strongpela gem stret. Na kepten Aquila Emil long faiv et posisen i kamapim gutpela gem long skoarim wanpela



Huka bilong Brothers, Eri Emel i bungim strongpela takel bilong Paga Panthers pilala long malna semi final bilong Mosbi Winfield Lig resis long las wiken. Brothers bai bungim Difens nau long mesa semi final long wiken.


Em yet i kisim taim na kikim kik bilong tupeja poin long bringim skoa i goap long 20-12. Paga Panthers i sanap strong yet na i wok long givim ol strongpela takel. Arua i traim brukim beklain bilong Brothers long namba wan taim long hap taim na bringim skoa i

goap long 20-18. Brothers i mekim tupela asua insalt long mak bilong em yet. Dispela i givim sans long Panthers long skoa. Tasol Arua i abrusim dispela penelti kik. Namba tri asua i kamap na John i senisim brata Arua long kikim penelti gol. Bal i ran i go insalt long tupela pos na skoa i stap

20-20 nau. Tasol Brothers i putim wanpela trail hariap long abrusim Paga taim Robert Bulu i tromol bal i go long winga Thoa Ravu husat i spit i go skoarim dispela trail. Emil i kisim taim na kikim kik bilong tupela poin long bringim skoa i goap long 26-20.


# Making the big game bigger





• Mosbi-Gideon Kouoru bilong Wes i bungim strongpela takel bilong Difens pilaia. Tasol Wes i win 24-16.

• Sampela sapota long Lloyd Robson oval long Mosbi i amamas taim Brothers i nekim Paga Panthers 30-20 long maina prillimineri fainal las wiken.



The Bank of Papua New Guinea Announces The 1991 ...  
**"South Pacific Games"**  
**100 Kina Gold Proof Coin**

**Beauty, Scarcity, and Very Real Potential For Increasing Value In A Stunning Gold "Sports" Coin ...**

This year, Papua New Guinea is issuing its first sports coin ever — commemorating the 9th South Pacific Games.

Sports coins are among the most popular commemoratives with collectors around the world. Many issues have increased dramatically in price — such as the 1952 Finland Olympics silver coin that contains less than \$1 worth of silver, but now catalogs for up to \$400. The mintage of the Finland Olympics coin was 19,000 — but only 5,000 of the new Papua New Guinea South Pacific Games coins have been authorized!

**Papua New Guinea's "Bird of Paradise" Gold Coins Have a Long Tradition As Strong Performers**

Papua New Guinea's gold coins have featured the magnificent native Bird of Paradise for almost 100 years.

Let's compare the first gold "Bird of Paradise" coin with the newest one:

Date	Weight	Fineness	Mintage	Issue Price
1895	7.965 gm.	900	1,500	\$3*
1991	9.570 gm.	999	5,000	\$359

\*The current value of the 1895 coin is \$10,000! The potential of the 1991 issue is obvious.

**Why You Should Order Your 1991 "South Pacific Games" Gold Coins Now:**

**First Sports Coins:** While this is not the first time that Papua New Guinea has hosted the South Pacific Games, it is the first time that the Bank of Papua New Guinea has issued a commemorative coin for the event. This is the first sports coin of any kind issued by this country!

**Limited Edition — 5,000 Proofs For Worldwide Distribution:** Like the 1978 "Golden Butterfly" coin (which has almost tripled in value), the 1991 "South Pacific Games" gold coin will have a tiny authorized mintage of only 5,000 pieces — and a quick sell-out is considered likely.

**Unique Seven-Sided Coin:** Collectors and investors alike are drawn to unusual or unique coins. And the "South Pacific Games" commemorative certainly qualifies as being unusual. Instead of the standard round shape of virtually all coins, this unique design has seven sides!

**Serially Numbered Certificate of Authenticity:** Each coin is accompanied by a Certificate of Authenticity, which attests to the fact that these are legal tender coins officially authorized by the Bank of Papua New Guinea.

**Attractive Designs Struck At The Perth Mint, "Australia's Precious Metal Mint":** Coin features prize-winning design by local art student Miria Miria, which combines a stylized Bird of Paradise with the number "9," representing the 9th South Pacific Games. Reverse shows the magnificent Bird of Paradise Coat-of-Arms, depicted on most coins of this country for the past century.

**A Genuine Legal Tender Coin — Not A Medallion:** Unlike many of the commemoratives now being produced around the world, the 1991 "South Pacific Games" 100 Kina Proof Gold Coins has official Legal Tender status.



Shown larger than actual size • 27 mm • 9.57 grams • 999 fine • Maximum Mintage: 5000

Official Order Form

**The 1991 Papua New Guinea 100 Kina Gold Proof Coin**

Bank of Papua New Guinea  
 P.O. Box 121  
 Port Moresby, Papua New Guinea

Please accept my order for 100 Kina "South Pacific Games" gold proof coin(s) at the issue price of K345 each, plus K5 for handling.

Enclose my remittance of K \_\_\_\_\_ as payment in full (payable to Bank of Papua New Guinea).

(Please print clearly)

Name \_\_\_\_\_

Address \_\_\_\_\_

Prices valid for orders received by October 31, 1991

Orders for the 1991 100 Kina Gold Proof coin should be entered on the form at right and mailed directly to the Bank of Papua New Guinea, P.O. Box 121, Port Moresby.

**Royals i sambai nau long mesa semi fainal**

i kam long pes 5

tingting long kisim namba wan Winfield Lig Kap. Olsem na olgeta bai i kilim skin long dispela Sande stat long 4 klok apinun (4.00pm). Ambia i tok olgeta pilaia i gat bikpela bilip olsem Royals bai i winim taitel bilong dispela yia.

Wanpela hevi tasol Royals i gat em seken rowa pilaia, Johnson Mapi husat i bin kisim bagarap long han. Olsem na em bai i no inap pilai long dispela Sande.

Nau yet ol Royals pilaia i trening strong, na i redi long putim kamap gutpela gem egensim Tarangau o Bulldogs long dispela Sande. Ambia i tok lain ap bilong Royals long dispela Sande bai i wankain olsem bilong las wiken.

**Difens bai i kam bek o?**

i kam long pes 5

na bikpela bilip i stap olsem liklik senis tasol bai i kamap long laip ap bilong dispela wiken.

Bikpela fowat Isaac Rop ating bai i stap insait long namba wan 13 lain ap. Em bai kisim ples bilong yangpela Ben Bre. Ben Bre i kisim bagarap liklik long strongpela gem bilong las wiken egensim Panthers.

Dominic Bre na Peter Mase bai i go pas ong ol fowat long fran lain. Na stall kepten, Aquila Emil bai i lukautim pilai long beklain.

Robert Bulu husat i bin pilaim gutpela gem long beklain bai i mas wok hat moa. Em i mas opim dua bilong tupela winga bilong en, Daniel Piskul na David Sarangap long skoa.

Difens i mas tromoi bai i go i kam moa long olgeta pilaia bilong em, na yusim ol beklain pilaia husat i gat moa split long daunim Brothers. Ol fowat pilaia bai i gat inap pawa long takelim ol strongpela fowat bilong Brothers.

Yore i gat bikpela bilip olsem ol pilaia bilong em bai i go insait long Lloyd Robson oval long daunim Difens.

"Nogat man i laik hangamapim su harlap long dispela sisen," Yore i tok. "Olgeta 17 pilala i laik muv i go antap na long winim Difens, ol pilala i mas wok hat moa long takel na ran taim ol i kisim bai."

Yore i tok moa olsem ol pilala bilong em i mas stap long mekim ol liklik asua long salt bilong ol. Bikos dispela bai givim peneti long Difens, husat bai i yusim dispela sans long skoa. Mipela i mas no ken stap long ran wantaim bai na givim strongpela salens long birua bilong mipela.

"Mipela i laik go insait long gren fainal, na i lukluk long narapela win gen long dispela wiken," Yore i tok.



# SEMI FAINAL NAU LONG RABAU

Olpele sempion Muruks i redi long autim Air Niugini na bungim Norths

SEMI fainal bilong Rabaul Winfield Lig bai i kamap long dispela wiken namel long Air Niugini na NGIP Muruks. Dispela bikpela A gret gem bai i kamap long Queen Elizabeth Park Oval long Sande 25 Ogas, 1991.

Muruks i gat bikpela tingting long bungim Norths long gren fainal. Olsem na em bai putim olgeta gutpela pilaia long dispela Sande. Las wik em i bin malolo. Olsem na dispela Sande em i redi tasol long bungim Air Niugini.

Air Niugini i gat gutpela sans tu long winim dispela strongpela gem. Bikos em i daunim strong bilong Brothers 11-9 long las wik, na winim sans bilong bungim Air Niugini.

Nau yet olgeta pilaia bilong Air Niugini i trening strong na wetim bikpela gem long Sande. Muruks tu i trening strong na bai putim ol gutpela pilaia bilong daunim Air Niugini.

Air Niugini i gat moa gutpela pilaia i stap long beklain. Beklain tasol i bin helpim Air Niugini long win i kam inap nau long dispela sisen.

Tasol klap presiden bilong NGIP Muruks, Andrew Ilam i tok Muruks na Air Niugini i gat

gutpela pilaia i stap long olgeta posisen. Tasol nau yet tupela i mas lukluk long stall bilong pilai na namba bilong rong tupela i bin mekim insait long fil.

Muruks i gat ol gutpela pilaia long beklain olsem fulbek Nomiel Eremas, tupela strongpela winga Liprin Palangat na Anarid Klivilp, wantaim tupela senta Pinel Kolis na Martin Balbal husat i gat nem long skoarim trai. Olsem na skoa bai goap narakain sapos Air Niugini i no stretim hevi bilong em long fowat lain, llam i tok.

Faiv et Martin Ingirin, seken rowa Jimmy Peter, prop Dokta Diun na Cliff Rich wantaim huka Bernard Bate bai i strongim tim tu long beklain. Bernard Bate em nupela Kumul huka.

RLN i no inap kisim ripot long salt bilong Air Niugini. Tasol lukluk long stall bilong Air Niugini long stat bilong sisen i kam inap nau, Air Niugini i ken daunim strong bilong Muruks sapos Muruks i no pilai gut long dispela Sande.

Faipela yia nau Muruks i holim pasim mesa

primiasip taitel bilong Rabaul Winfield Lig. Dispela em stat long 1987 yet. Tasol dispela sisen Muruks bai i mas pait strong moa long daunim strong bilong Air Niugini.

Sapos em i strong long daunim Air Niugini, em bai i bungim Norths long gren fainal. Gren fainal bai i kamap long narapela wiken.

Tasol Air Niugini bai putim ai long ol strongpela pilaia bilong em olsem Tulo Sose, Ken Oki na ol arapela pilaia husat i bin putim kamap gutpela gem egensim Brothers long las wik.

Kepten Malisa Lui, Jeff Tarawaru na Paul Sali bai pilaim wankain gem tu long sapotim Oki na Sose.

Nau yet ol Air Niugini pilai i mas stapim stall bilong pilai wan wan. Dispela em sapos oi i laik winim dispela gem olsem wanpela tim. Na tu Air Niugini i mas strongim fowat lain bilong em. Bikos Muruks bai i rausim tiket bilong sapos em i no stretim dispela hevi.

## "Mack mas tok sore long ol pilaia"

GEORGE Mack, presiden bilong Lae Winfield Lig i kisim tok hevi nau long daunim ol liklik lig insait long Noten Son, na i no laik sapotim ol.

Oi liklik lig ya i askim nau Mack long tok sore long ol strongpela tok-tok em i mekim long makim ol pilaia. Dispela em long wanpela niuspepa ripot em i bin kamap long *Post Courier* long 30 Julai, 1991.

Long wanpela kibung em i bin kamap nau tasol, ol opisal i pasim tok olsem wanpela intra son trail i mas kamap long makim ol pilaia bilong pilaim Australian Kangaroo tim husat bai i kam pilai raun long Papua Niugini long Septemba na Okto-ber, 1991.

Tasol Mack i tok long *Post Courier* olsem long makim wanpela strongpela Noten Son tim we bai i nogat ol pipia pilaia husat i nogat nem, wanpela gem namel long Lae Bombers na Noten Son i mas kamap. Na bihain makim wanpela strongpela tim.

Lae Bombers em Inta siti tim bilong Lae Winfield Lig.

Ripot i tok Mack i strong long tok orait bilong em olsem Lae Siti Bombers i mas pilaim dispela Noten Son tim husat i bin lus long Frans Roosters long Julai, 1991.

Seketeri bilong Wau Bulolo Lig, Lucas Leo i sutim tok long Mack long daunim ol liklik senta, na apim nem bilong Lae Bombers tasol.

Leo i askim tu Mack long tok sore long kain toktok em i yusim olsem ol pipia pilaia husat i nogat nem. Bikos dispela kain toktok i ken daunim tingting bilong ol pilaia long pilai gut.

"Mipela save olsem mipela i bin promotim ol sapotim ragbi lig long kamap bikpela long longpela taim nau."



• Tupela Moide brata, kepten Daroa (lephan) na fulbek John i wokabaut i go ausait long Lloyd Robson oval long hap taim. Tasol oi i lus long Brothers 30-20 long maina semi fainal bilong Mosbi Lig. Na i nogat moa sans long fainal.



• Referi George Buka i givim skul long "Wally Lewis" bilong Difens long maina semi fainal gem bilong Mosbi Lig las wiken. Wes i winim dispela gem na bai bungim Tarangau long dispela wiken.

## Tarakum bai bungim Brothers long gren fainal

### KIUNGA:

IAN KAKARERE i raitim

PUNDAUN na kalap bilong bal long fil yet bai i tokaut long wanem tim bai i winim gren fainal bilong Kiunga Ragbi Lig namel long Tarakum na Brothers long Sande 25 Ogas, 1991.

Tarakum bai i pilai egensim Brothers long dispela Sande. Bikos em i bin pilaim gutpela gem long dispela sisen. Tarakum i bin pilaim 20 gem long dispela sisen. Na winim 17 gem, dro long wanpela na lusim tupela.

Long dispela as na em i winim maina primia taitel. Na tu em i gat gutpela kosa na trena husat i helpim em long kamap long gren fainal. Hap bek Cornell Daipo yet i bin go pas long strongim ol dis-

pela pilaia.

Em i tokim RLN olsem sapos wanpela pilaia i gat 100 pesen strong bilong pilai, em bai i pilaim gutpela gem. Na sapos wanpela pilaia i nogat strong, em bai i no inap long putim kamap gutpela gem.

Daipo i tok Tarakum i gat planti ol gutpela pilaia. Olsem na Brothers i mas putim kamap strongpela banis long stapim fowat lain bilong Tarakum.

Seken rowa Roxon Undi yet bai i go pas long ol fowat pilaia bilong Tarakum. Em bai i kisim bikpela helpim tu long ol arapela gutpela pilaia olsem lok Doning Miti, na prop Ita Kuna long skoarim moa trai.

Long beklain em yangpela fulbek Stanley Petrus, Stanley Joseph, na wantaim faiv et Albert Garry bai lukim pilai.

Tasol Brothers bai i no inap sanap na lukim Tarakum i skoarim planti trai.


Pilaia husat i go pas long Brothers klap, Sutherland Yore bai i brukim banis i go pas long ol arapela yangpela pilaia. Daipo na Yore i save pilaim wankain gutpela gem. Yore i tok Brothers i no gat ol strongpela pilaia. Tasol em i tok Brothers i gat bikpela bilip long winim dispela taitel.

Las wik Brothers i bagarapim sindaun bilong United 8-6. Hap bek Nelson Gamai na fulbek Arima Wani i bin pilaim gutpela gem stret. Nau yet winga Eliuda Tamuk i gat hevi long han bilong em. Olsem na em bai i no inap helpim lok Make-so Nago, Micheal Pagru na senta Herman Lukara long dispela wiken.

Tasol Brothers bai i strong long ol arapela pilaia tu olsem Baki Reipa na huka Jackson Hayago long winim dispela gem.

Tarakum bai i winim dispela gem sapos pilaia bilong kikim bal i kikim bal planti taim.





**PNG**

# Winfield League



# Grand Finals

# Sunday,

# 25<sup>th</sup> August

**LAE**

*BP Defence versus Melanesian Matches Royals*

**MENDI**

*Carson Pratt Royals versus Coecon Tarangau or Glen Eildon Bulldogs  
(Playoff 21st August)*

**KUNDIAWA**


*Kuman Souths versus Gembog Timber Hawks*

**WAHGI VALLEY**

*Tigers versus Simkor Didiman Brothers*

**MOUNT HAGEN**

*Lae Biscuits Newtown versus Tigers or Hevi Lift Hawks or Brothers  
(Playoffs 21st and 22nd August)*





# ROYALS BAI AUTIM LAE PRIMIASIP TAITEL

SAM YAKAM i raitim

GREN fainal bilong Lae Winfield Lig resis bai i kamap long Sande 25 Ogas, 1991 namel long BP Difens na Melanesian Matches Royals. Dispela bikpela A gret gem bai i kamap long Lae Ragbi Lig Oval. Na i gat bikpela bilip olsem planti manmeri bai i kamap long lukim dispela gem.

Kosa bilong BP Difens, Manken Ramu i tok olsem ol soldia i redi pinis long lukautim taitel bilong dispela ya. Na bai i bungim Royals gen. Tupela wik i go pinis ol soldia i bungim Royals long maina semi fainal. Na Royals i bagarapim sindaun bilong ol 10-6.

Las wik Sande ol soldia i autim Wopa Bisket Tigers long mesa semi fainal. Ol soldia i gat bikpela tingting long bungim Royals. Olsem na ol i strong long daunim Tigers 14-4 long ai bilong planti sapota.

Ramu i tokim *RLN* olsem long maina semi fainal bilong las wiken, referi i no bin lukautim gut dispela gem. Dispela i kamapim bikpela hevi namel long ol pilaia. Olsem na dispela Sande Ramu i laikim olsem wanpela gutpela referi i mas lukautim dispela bikpela gem namel long Difens na Royals.

Ramu i tok nau yet em i namba 4 taim bilong Difens long bungim Royals. Long olgeta dispela 4-pela gem bilong sisen, Royals i bagarapim sindaun bilong Difens.

Olsem na dispela Sande ol soldia i gat bikpela laik long bekim dispela dinau. Na bai i no inap pilai kaskas long Royals. Long holim pasim ol dispela taitel, ol soldia bai i yusim ai bilong em long lukstil long hevi bilong ol arapela pilaia na yusim dispela sans.

Na tu em bai i yusim ol gutpela beklain pilaia olsem fulbek Peter Bomai, hap bek Joe Jack, winga Stanley Gini, faiv et Alloys Grey, na Amos Amek long winim gen dispela taitel.

Bikpela helpim bai i kam long kepten John Mukale na Raymond Karl, Karl i bin winim "Man-of-the-Match" prais long gem bilong las wiken egensim Tigers we ol i win.

Paul Kora wantaim tupela brata bilong em, William na seken rowa John Piel, lok John Wai na insait senta Bill Auro wantaim ausait senta Jeff Eli bai i lukluk long strongim mak bilong Difens.

Tasol Ramu i tok ol i mas yusim olgeta strong na stail bilong winim gem em ol i gat long holim pasim dispela taitel. Em i tok moa olsem Difens i gat lo bilong em yet. Na ol pilaia i mas bihainim dispela lo long holim pasim dispela taitel long namba tu sisen.

Nau yet Royals i gat bikpela tingting long yusim ol gutpela pilaia olsem fulbek Wesley Matawa, John Markham, huka Michael Matmilo, Andrew Kuno na Oniara Osanda long beklain.

Ol dispela pilala i brukim rekot pinis long winim olgeta tim long dispela sisen. Royals i lusim wanpela gem tasol long han bilong Wopa Tigers 30-10.

Dispela em long wanem planti gutpela pilaia olsem Matmilo, Markham na Matawa i bin stap long Noten Son na Inta siti tim, Lae Bombers.

Nau yet Royals i gat bikpela tingting long kisim dispela taitel. Tasol Difens bai i no inap long sanap na lukim ol i kisim dispela taitel isi tasol. Long wanem em tu i gat laik yet long taitel ya.



**Kas bilong ol Brothers:** Fulbek bilong Brothers i givim sistl wantaim bal egensim Paga Panthers long maina semi fainal las wiken. Em i bin pilalm gutpela gem long lukautim traal lain na ol i win 30-20. Dispela wiken em bai bungim salens bilong ol soldia bol long Difens. Lukim stori long pes 5.

# Winfield League '91



# SIPAKI MAIK

WANTU OL WANTOK I KAM PULAP LONG HAUS... (YU SAVE PINIS)



MAIK I HARIM PLANTI NOIS NA EM KAMAUT...



I NO LONG TAIM HENRI WANTAIM OL FAMILI KAMAP WANTAIM NUPELA LAN KRUSA...



TAIM OL WANTOK LUKIM HENRI, OLGETA RON IGO LONG EM...



HENRI I BELHAT NOGUT TRU... EM ISAVE OLSEM OL WANTOK I KAM LONG MONI TASOL... EM SIGARAPIM KA NA RALINIM OL...



MAN, OL I NO ISI LONG RONAWA... OL TEK-OFF NABAUT NABALIT...



## PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus, PNGBC ken givim yu dinau long baim ol dispela samting.

Yu mas gat gutpela wok na sampela seving long haus moni. Na i no hat tumas long bekim dispela dinau.

Askim long haus moni bilong PNGBC. Bai mipela halivim yu long kisim ol samting yu laikim emi tru!

OUR BANK PNGBC  
PAPUA NEW GUINEA BANKING CORPORATION

OFFICIAL BANKER



# REBO & AUDA

NAU REBO KIRAP NA RON I GO INSAIT LONG TOILET...



ISI YA!  
HAUS I SEK-  
SEK, YA NA  
HARIAP!

MI  
WAS-  
WAS  
PASTAIM!

YUPELA,  
MAN O  
SAMTING?

REBO GO WASWAS PINIS NA KAMAUT...  
KOL WARA MEKIMNA EM PILIM GUT STRET...



WHEW! NAU MI  
PIL GUT NA FRES  
STRET!...HEY, AUDA!  
YU WASWAS TI  
OZ

HAH!  
YU STAP  
WE NA MI  
WASWAS  
PINIS?

NAU EM GO SINDAUN NA KAIKAI...



MM, LEWA!  
GUTPELA KAIKAI TRU!  
ER.. INAP YU MEKIM  
WANPELA KAP TI,  
PLIS?

BAI YU  
WET LIKLIK..  
MI BOILIM WARA  
PASTAIM!

LONG NAHT OL I SILIP I STAP NA OL RASKOL I  
KAM NA LAIK STILIM KA BILONG REBO...



KAMON,  
STAT HARIAP  
YA! @\*

HARIAP  
YA, JOE!  
KWIK!

TASOL REBO I NO LONG LONG MAN... EM RAU-  
SIM ROTA BATEN BILONG KA... EM SILIP I STAP  
NA HARIAP NOIS TASOL TINTING INO KLIA YET...



(YAWN...)  
EM... WANEM  
NOIS... YA...  
UUM...

???


NAU TING TING BILONG EM I KLIA...  
WANTA EM I KIRAP...




HO!!  
OL STILIM  
KA BILONG  
MI YA!!

OL SAVEMAN BILONG BISNIS YUSIM OL!


**Lister**




LT1 5 K.V.A.  
● TOTALLY PORTABLE ENERGY SOURCE  
● IDEAL UNIT FOR VILLAGE LOCATIONS



TS2 8.5 K.V.A.  
● 3 PHASE OR SINGLE PHASE POWER  
● COMPACT AND EFFICIENT



HR3 26.25 K.V.A.  
● IDEAL COMMERCIAL BACKUP SYSTEM



CS6 58 K.V.A.  
● INDUSTRIAL CAPACITY  
● WILL HANDLE MAXIMUM DEMAND FOR  
POWER ANYTIME

**Brian Bell Stores**

● BOROKE — 25 5411  
● LAE — 42 3377  
● GOROKA — 72 1098

● MT. HAGEN — 52 1999  
● RABAUL — 92 1966



# Phantom

Sampela ia i go pinis, Jenerel Bababu i go long kalabus.

Gutpela tru.

Mi sapot

**LUAGA LU-AGA**

Dokta Lamanda Luaga i kisim opis olsem namba wan presiden bilong Bangalla

Nau yet ol birua i laik tekova long Dokta Luaga, tasol oi i no inap ...

Ahh ...

Birua nogut!

Prins bilong Strangers .. Mipela bai sekim gut.

Yu tok Jenerel Bababu i baim yu long kilim Presiden Luaga. Tasol Bababu i stap long kalabus.

Mista Presiden .. Jenerel Bababu i ranawe long kalabus long helikopta long apinun...

Em ranawe .. bai ol kilim mi nau..

.. we ol i fel pinis. Tokim air fos bilong yu long painim dispela helikopta.

Ol i yusim mani na pawa long kilim mi. Bababu i laik kisim ples bilong mi olsem presiden. Wanem nau?

Stat hia. Yu kam asde long kisim mani .. long kilim Presiden Luaga. Husat salim yu?

Mi no save.

MOA NEKS WIK:

# Flash Gordon

Borac! Wet pastaim!

Mipela painim aidi hat bilong yangpela meri ya long spes balus bilong ol. Nem bilong yu em Dale Arden! Yu tingim nem bilong yu?

"Dale Arden"? ... Sori! Mi i no inap tingim!

Borac, wet! Mi laik toktok long yu long Simila!

Parin maski long Simila. Yu harim gutpela nius pinis?

Dale na mi bai marit long dispela apinun!

A ...!!

Lukim yu long ples bilong marit!

Jones Reese 3-24

© 1991 by King Features Syndicate, Inc. World rights reserved

# MIKEY MOUSE

Walt Disney

Mickey! Yu laikim nupela ka bilong mi?

Em nupela a?

Yu bai kalap nogut long hamas mi baim?

Ya hamas!

Goofy! Yu mas muvim ka bilong yu nau!

Ol plis bai rausim sapos yu stapim long rot tude!

STREET CLEANING TODAY NO PARKING

Mi bai wetim ol plisman!

Yu wetim ol plisman a?

Ya ...

... Mi i no inap wari long baim ges ...

... Na mi laik go long daun taun tu ya!





**TransNiugini Airways  
MORESBY**

Cost effective and efficient  
charter service to anywhere in PNG.  
Regular passenger and cargo flights.

**CHARTER**

Twin & single engine aircraft  
to suit all requirements from executive  
travel to servicing remote bush strips.

**25 6183**

**Fax: 25 4791**

**P.O. Box 3779 Boroko**

**Jacksons Airport**

**Port Moresby**



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.